

აკაკის

თ ვ ი უ რ ი

# ს რ მ ს მ ლ ი

წელიწადი პირველი

№ IX

შავსი, 1898



თფილისი

თბილ. მ. შარაძე და კ. ნიკ. 21. სტამბა შარაძისა და აზნ., ნიკ. № 21.

1898

9556

გ ა ნ ე ო ფ ი ლ ე ბ ა

I

33

I	ტურ-მარჯანა — ლექსი . . . . .	1
II	ჩემი თავ-გადასავალი . . . . .	3
III	შენიშვნა . . . . .	29
IV	წერილ წერილი ამგვები:	
	— მოტყუებული ტერტმრა . . . . .	32
	— მოჩვენება . . . . .	35
	— ცეცხვი თუ ცეცხლი? . . . . .	36
	— წმიდა გიორგის რაზმი . . . . .	37
V	ბიბლიოგრაფიული შენიშვნა . . . . .	49

გ ა ნ ე ო ფ ი ლ ე ბ ა

II

VI	სოლომონ პირველი დიდი — იმერეთის მეფე 1 — 40
----	---

გ ა ნ ე ო ფ ი ლ ე ბ ა

III

VII	ანდაზები (შეკრებილი ს. მერკვილაძისაგან) . . . . .	1
VIII	მარბალიტა — ზღაპარი, ქართლში ჩაწერილი ვანო ლალიაშვილისაგან . . . . .	31
IX	დარდინი — ჩაწერილი მ. როსტომაშვილისაგან . . . . .	42
X	სოლომონ ბრძენი — მისივე . . . . .	—
XI	მკითხავი — მისივე . . . . .	47
XII	ამირანი — მისივე . . . . .	49
XIII	როსტომი — მისივე . . . . .	53
XIV	მკვეხარა — მისივე . . . . .	55
XV	სოვდაბარი — მისივე . . . . .	56
XVI	პირ-მჟალა — მისივე . . . . .	61

აკაკის

თ ბ ი უ რ ი

# პრემული

წელიწადი პირველი

№ IX

შაისი, 1898

თფილისი

Тип. М. Парадсе и к°. ное. 21. || სტამბა შარბიისა და აბხ. ჯიკ. № 21.

1898

Дозволено цензурою. Тифлисъ, 24-го Мая 1898 г.

შინაარსი.

გ ა ნ ე რ ი ა ლ ე ბ ა

I

33.

I	ტუჩ-მარჯანა — ლექსი . . . . .	1
II	ჩემი თავ-გადასავალი . . . . .	3
III	შენიშვნა . . . . .	29
IV	წერილ წერილი ამგვები:	
	— მოტუებული ტერტარა . . . . .	32
	— მოჩვენება . . . . .	35
	— ცაცვი თუ ცაცელი? . . . . .	36
	— წმიდა გიორგის რაზმი . . . . .	37
V	ბიბლიოგრაფიული შენიშვნა . . . . .	49

გ ა ნ ე რ ი ა ლ ე ბ ა

II

VI	სოლომონ პირველი დიდი იმერეთის მეფე 1—40
----	---

გ ა ნ ე რ ი ა ლ ე ბ ა

III

VII	ანდაზები (შეკრებილი ს. მერკვილაძისაგან) . . . . .	1
VIII	მარგალიტა — ზღაპარი, ქართლში ჩაწერილი ვანო ლალიაშვილისაგან . . . . .	31
IX	დარდინი — ჩაწერილი მ. როსტომაშვილისაგან	42
X	სოლომონ ბრძენი — მისივე . . . . .	—
XI	მკითხავი — მისივე . . . . .	47
XII	ამირანი — მისივე . . . . .	49
XIII	როსტომი — მისივე . . . . .	53
XIV	მკვთხარა — მისივე . . . . .	55
XV	სოვდაბარი — მისივე . . . . .	56
XVI	პირ-მუხალა — მისივე . . . . .	61

ქვემოთ  
რედაქციის

### რ ე დ ა ქ ტ ი ი ს ა მ ა ნ .

ჩვენმა ფოთელმა აკენტმა ბ. ვლადიმერ ახოზაძემ რედაქციას არ წარმოუდგინა მისგან აღებული ფულების ანგარიში და ამისთვის ხელის მომწერლებს, რომლებსაც მისი საშუალებით აქვთ გამოწერილი „გრეხული“, ფთხფთხად გადაუსდელი ფული ახოზაძეს არ გადასცენ და პირდაპირ რედაქციას გამოუგზავნონ.

(ზანა ხაუჩუკაძის კრ.)

მ უ რ - მ პ რ ზ ა ნ ა .

თვალ-ცემციმა კბილებ-ბროლა,  
წაწაწკუნა ტუჩ-მარჯანა—  
ზოგჯერ წმინდა ცეცილია,  
სან ეძმაკი, ვით სატანა,

დალაციცობს, ეგელას სიბლავს,  
ხელოვნურათ უხლართავს გზებს:  
მარჯვნივ ელავს, მარცხნივ ქსელავს  
და შიგ აბაძს, როგორც ბუხებს.

ფრთხილათ! ფრთხილათ! არ შეგრჩება...  
გადასდება ტუჩ-მარჯანა!  
თვისვე ქსელში რომ გაება,  
ბევრი ვნახეთ შენისთანა!..

შენც დაგეჭერს ერთი ვინმე,  
რომ არ ფიქრობ—იმისთანა  
და მაშინ-კი ატეხსნება  
სიყვარულის გამოცანა.



სილამაზე, სიჭაბუკე,  
მომსიბლავი კაციის გულის,  
ედებს ქმნილი, ცაში თლილი,  
აკვანია სიუვარულის.

და გვირგვინი-კი მისივე  
დელობა და ცოლობა...  
კინდა დაჭენეს, გაცამტვერდეს  
შენება და უძაწვილობა.

მაგრამ გვირგვინს ვერ იტვირთებს,  
ჩემო კარგო ტუჩ-ძარჯანა,  
ვინც უარჯყო მისი ქვეყნის  
ბიბლიური ანაბანა!



## ჩემი თავმდასსავალი.

გიმნაზიაში რომ შემიყვანეს, — გავცეცი: იმდენი ბავშვი, ერთად თავ-მოყრილი, ჩემ დღეში არ მენახა. მოზდილები სკამებზე იჯდნენ სულ-განაბული და ახალ-მოსწავლე პატარები-კი ჯგუფ-ჯგუფათ კედლებთან იყვნენ ატუხული. აქ კედლებზე ირგვლივ ქაღალდის ფიცრები იყო ჩამოკიდებული, ზედ ანბანი და ამოსაღები ეწერა და იმას აკითხებდნენ ყმაწვილებს. ჯგუფს ერთი უფროსი ჰყავდა და ის ასწავლიდა: ხელში ეჭირა წკებლა და შეეშლებოდა თუ არა ბავშვს კითხვა, უცხუნებდა და უცხუნებდა. ერთი ადგილიდან მეორეზე გადადიოდნენ და როცა სულ შემოუვლიდნენ კედლებს, მერე-კი ნება ჰქონდათ სხვებთან დამჯდარიყვენ ისინიც სკამზე. ამ ყოფაში იყვენ, სანამ კითხვას ისწავლიდნენ. უნდებოდნენ ზოგჯერ წელიწადზე მეტს. წარმოიდგინეთ 7—8 წლის ბავშვი დილის შვიდი საათიდან ნაშუადღევის ორ საათამდე მშიერ-მწყურვალი და მაშინ იგრძნობთ, თუ რატანჯვაში იყვენ ის საწყლები. ზოგს გულს ეყრებოდა, ზოგს თავ-ბრუ ეხვევოდა და ეცემოდნენ ძირს, მაგრამ ყურადღებასაც არავენ აქცევდა.

შესვლისათანავე პირველ კედელთან დამაყენეს „ანბან“-ზე, მაგრამ რადგანაც მეხუცური ვიცი, მხედრული წერა-კითხვაც შესწავლილი მქონდა ლ რუსულ ამოსაღებ-მხიაც გატეხილიმქონდა თვალი დედის ჩემის წყალობით.

ერთდღეს შემოვირბინე ყველა კედლები. მასწავლებელმა თავზე ხელი გადამისვა, მომიწონა ზე უფროსებთან დამსვა სკამზე. კითხვით კარგათ ვკითხულობდი, მაგრამ ჩემი უბედურობა ის იყო, რომ რუსული არ მესმოდა. იმ დროს შემოღებული იყო საზოგადოთ თუნუქის ფირფიტა, რომელსაც „მარკას“ ეძახდნენ. ვინც ქართულათ ხმას ამოიღებდა, მიაჩეზებდნენ ხელში და თანაც გძელ ფიცარს—სახაზავს—დაჰკრავდნენ ხელის გულზე. მე რე ის უნდა ცდილიყო, რომ სხვისთვის გადაეცა როგორმე, იმ რიგადვე, ე. ი. ჩაბარების დროს „ლინეიკა“ დაერთყმია ხელის გულზე. ამ გვართ ეს საცოდაობის ფირფიტა გადადიოდა ხელიდან ხელში. სწავლის გათავების დროს ვინც ვერ მოასწრებდა იმ ფირფიტის თავიდან მოშორებას და შერჩებოდა ხელში, უნდა კლასში დარჩენილიყო მთელი დღით უსადილოთ. ვინც რუსული არ იცოდა ახალ-შემოსულობის დროს, ხმის ამოღებას ვერ ბედავდნენ და მუნჯდებოდნენ. ამ ჩვეულებას დიდი გამრყენელი ხასიათი ჰქონდა: ყმაწვილები ცდილობდნენ, რომ ერთმანეთი მოეტყუებიათ, გაებრიყვებიათ როგორმე და ცბიერობა-ფარისევლობას ეჩვეოდნენ. სულ ერთი კვირის შესული არ ვიყავი, რომ მოვიდა ჩემთან ერთი პატარა ყმაწვილი, ანგელოზის სახის მქონი, და ტკბილი ღიმილით მეგობრულათ მკითხა რალაც ქართულათ; მეც რასაკვირველია, რადგანაც სხვებენა არ ვიცოდი, ქართულათ ვუბასუხე. ყმაწვილს მშვიდობიანი სახე გადაუსხვაფერდა და სიხარულით მომაჩეჩა ფირფიტა. ჩამოვართვი, მეტი რალა გზა მქონდა, მაგრამ „ლინეიკაზე“ ვერ დავეთანხმე. რა გენადვლება შენ, მე რომ „ლინეიკა“ არ დავირტყა, მარტო ვართ და ვინ გაიგებს-მეთქი—ვეხვეწებოდი. ჩემმა მოწინააღმდეგემ შორს დაიჭირა:

მე თუ დამარტყეს, შენ რა ჰრელი პეპელო ხარო?! მე მაინც არ დავეთანხმე, გავუძალდი და იმან ჭუჭყუნ დაიწყო. მასწავლებელი რომ შემოვიდა, მივიდა და დამაბეზლა. დამიძახეს. გავედი შიშითა და კანკალით. მასწავლებელმა წარბები შეიკრა და მკითხა: როგორ ბედავ ურჩობას? აქ შენი სახლი ხომ არ გგონიაო! მე თავის გამართლება დავიწყე, მაგრამ აღარ გამივიდა! — კარგი, მე გასწავლი ჭკუასო! დაუძახა „სტოროჟებს“ და უბრძანა „როზგიო!“ მე, ამის გამგონეს, თავში სისხლი ამივარდა და გაქცევა დავაპირე. — ნუ გაუშვებთ, დაიჭირეთო! — ბძანა მასწავლებელმა. იგრიალეს მოსწავლეებმა ჩემ დასაქერათ და გადამელობენ კარებზე... მე მეორე ოთახში შევევარი, სადაც მესამე კლასი იყო. აქაც ერთი ალიაქოთი მოვახდინე, მაგრამ შევხტი ფანჯარაზე, გავამტრიე მინები, გადავხტი და მოვკურცხლე შინისკენ. გამომიდგენ „სტოროჟები“... წინ მე გავრბოდი კურდღელივით და უკან ისინი მომდევდენ კიჟინით. გულ-გახეთქილი შევიქერი შინ. დედ-მამამ რომ გაიგეს, რაც მოხდა, შეწუხდენ და ბევრიც მირჩიეს: წადი, რა ვუყოთ, გავროზგონ, ეგ მარტო შენს თავზე ხომ არ არის — ყველას როზგვენო. მოითმინე, მოიჭირვე, მიეჩვიე და ბოლოს კაცი გამოხვალო; მაგათში უმისოთ არ შეიძლებაო!.. მაგრამ მე შორს დავიჭირე და გამოტეხილი ვუთხარი დედას: — თუ კიდევ გაგიზავნივარ იმ დასაქცევ გიმნაზიაში, თავს დავიხრჩობ-მეთქი!.. შეშინდენ და ჩამრმეთხოვენ. ერთ კვირას აღარ წავსულვარ კლასში. იმ დროს დირექტორათ კოცებუ იყო ახალი დანიშნული. ქართული მანჯრის უფროსობის დროს შეესწავლა, კარგათ იცოდა და ქართველებიც ძალიან უყვარდა. მოვიდა ჩვენსა და გამომკითხა ყველაფერი. მეც დაუფარავათ მოვახსენე, რაც

გადამხდა და რასაცა ვგრძნობდი. გაუკვირდა, გადააქაწ  
ნია თავი, მომეფერა და მითხრა:—შენ ჩემი სახელი ახ-  
სენ-ე და ნულარავისი გემინიარ; ზვალ ჩემთან მოდი პირ-  
დაპირ კანცელარიაში და მე წაგიყვან კლასშიო. მეორე  
დღეს მართლა წამიყვანა და მიმიყვანა ჩვენს კლასში.  
გამორიკვლია ყოლიფერი და „მარკის“ ამბავი რომ გაი-  
გო, გაოცდა. მოიხმო ინსპექტორი, ზედ-დამხედველები,  
მასწავლებლები და გამოუცხადა ყველას, რომ დღეიდან  
ეგ საქციელი აღარ ჩაიდინოთო!.. მოსპეთ „მარკა“ და  
უმიზეზოთ ცემა-ტყეპაზედაც ხელი აიღეთო! მერე მიუ-  
ბრუნდა ჩემ მასწავლებელს და უთხრა:—განსაკუთრებითი  
ყურადღება მიაქციე ამ ყმაწვილსო. მართლაც იმ დღე-  
იდან ცოდვის ფირფიტა გადაადგეს, მაგრამ ცემა-ტყეპაზე  
კი ისე უტბათ ვერ აიღეს ხელი, ჟიმისობა მაინც არ  
ეხერხებოდათ. ტყუილა კი არ არის ნათქვამი: „ჩვეუ-  
ლება რჯულზე უმტკიცესიაო“. იმ დროს მთელი რუსე-  
თი დარწმუნებული იყო, რომ ქკუა და სიკარგე რო-  
ზგის ნაყოფიაო. გიმნაზიებშიაც რასაკვირველია პირველ-  
ლი ადგილი ეჭირა.. დღე არ იქნებოდა, რომ ყმა-  
წვილების წივილ-კივილით იქაურობა არ ყოფილიყო  
გაყრუებული. „როტაში“ არ მოუნდებოდათ იმდენი წკეპ-  
ლა, რაც თვითოეულ კლასში. „სტოროკებს“ ურმებით  
მოჰქონდათ ყოველ დღე ახალ-ახალი. მოსწავლეს გალა-  
ხვა ყველას შეეძლო დირექტორიდან დაწყებული, „სტო-  
როკებამდე“. მიზეზს არავინ კითხულობდა. ვინ იცის,  
რამდენი დასწეულებულა, რამდენი დამახინჯებულა და  
რამდენს კიდევ ხასიათი გაფუჭებია საუკუნოთ... ხში-  
რათ მოხდებოდა ზოლმე, რომ ერთი და იგივე ბავშვი  
ერთი დღის განმავლობაში სამჯერ-ოთხჯერ „გაროზგვი-  
ლიყოს“ სხვა და სხვა უფროსებისაგან. მახსოვს და არც

დამავიწყდება ჩემ დღეში: ერთი რუსის ბავში იყო — კრი-  
ქანოვსკი, — ძლიერ მოუსვენარი რამ, მაგრამ სხვებ კარ-  
გი იყო. ერთხელ ნახევარი საათით დაავიანდა კლ-  
სში მოსვლა და ინსპექტორმა „გააროზგვინა“, იმ დღე-  
სვე გაკვეთილი არ იცოდა და მასწავლებელმა „გაარო-  
ზგვინა“; კლასი რომ გამოვიდა ზედამხედველმა „გაარო-  
ზგა“: სახლში გიცეოქნია და მეზობლის ბავშისათვის  
ქვა გისროლია — გიჩივლესო! ამითაც ვეღარ გადარჩა. ყვე-  
ლამ ერთად დააბეზდეს ინსპექტორს და იმანაც მოუნ-  
დომა „გააროზგვა“. ეს ინსპექტორი შეუბრალებელი რამ  
იყო და მისი ისე ეშინოდათ, როგორც სულთა-მხუთა-  
ვისა. კრიქანოვსკიმ, ტანჯვა რომ ვეღარ აიტანა, იშვი-  
რა ხელი და ფეხი და გადავარდა რიონში. რომ შემთ-  
ხვევით იქვე არ დასწრებოდა ერთი მეგრელი მოსწავლე,  
ძალიან კარგი მკურავი, დაიღუპებოდა. ისე ცემა-ტყე-  
ვას ხომ ანგარიში არ ჰქონდა. ვაი მისი ბრალი ვისაც  
კარგი ხუჭუჭი თმა ჰქონდა!.. ერთ ყმაწვილს, გვარათ-  
ქაქიაშვილს დიდი ყურები ჰქონდა. დიდი და პატარა  
ყველა ყურებში ავლებდა ხელს. ერთხელ გამხცეცებულმა  
ზედამხედველმა შუამდი აახლიჩა ყური. გაუსივდა და  
მხოლოდ რამდენიმე დღის განმავლობაში ისევე დაუწყო  
შეხორცება. მაგრამ ვინ აცალო შეხორცება!.. სტაცებ-  
დენ ხელს და ხელ-ახლო აგლეჯდენ... ასე რომ გავიდა  
სასწავლებლიდან. ერთ მოსწავლეს — კლდიაშვილს — პირით  
დაჭრა შუბლზე „ლინეიკა“ და თავ-თხლე გადაადინა,  
ძვალეც კი გაუტეხა. გულ-შემოყრილი ბავში შინ წაი-  
ღეს. ამ გარემოებისათვის ყურადღებაც არავის მიუქცე-  
ვია. ამისთანები რამ უთვალავი იყო. ღვთის მადლით  
მე ამცილდა ტანჯვა და ერთხელ მეტათ არ გავლა-  
ხულვარ, მაგრამ ეს ერთიც საკმაო აყო, მთელი ჩემისი-

ცოცხლე მოეტანჯა: ღირექტორმა რომ მიმიყვანა, იმ დღიდან ჩემი მასწავლებელი სულ გულ-ადრენილი იყო ჩემზე და თუ კი შემთხვევა ექნებოდა, რასაკვირველია, არ დამზოგავდა. ერთხელ რომელღაც მოსწავლემ ხაჭაპურები მოიტანა კლასში და ლატარიაში ჩააგდო თითო კაპეიკათ. ყველამ მოაწერა ხელი. წამძლია სულმა და მეც მოვაწერე. შემოგვესწრო მასწავლებელი და იწყინა, როგორ გაგიბენიათ ხელის მოწერაო! აიღო დიდი, უშველებელი „ლინეიკა“ ხელში. თვითო-თვითოთ გაჰყავდა ხელის მოწერლები, ჰკითხავდა: რომელი ხელით მოაწერეო? და პასუხს რომ მიიღებდა, დაჰკრავდა ხოლმე რაც ძალი და ღონე ჰქონდა!.. „კიდევ მოაწერო?“ — ეკითხებოდა დაცივით. მე ყველაზე ბოლოში ვეწერე, რადგანაც ჩემი გვარი წილზეა, და „ჟურნალში“ ანიდან იწყება გვარების წერა. იმ დროს საბა-ობრბელიანის იგავ-არაკები წაკითხული მქონდა ზე მომაგონდა ოფოფის ხრიკი, თავის გადარჩენა რომ უნდოდა და მეღა გააბრიყვა. იმ განყოფილებაში წერის გაკვეთილი იყო. მე ვიფიქრე, რომ თუ მარჯვენა ხელი მეტკინა, წერა გამიფუჭდება და მოდი მარცხენას გავიმეტებ-მეთქი. მეც, რასაკვირველია, მითხრა: აბა, დამნაშავე ხელი გამოაშვირეო! მე მარცხენა გაუფიქრე. ჯერ დამკრა და მერე ეჭვი შეიტანა, რასაკვირველია განგებ, მარცხენა ხელით როგორ მოაწერდიო? რომ გამოვუტყდი, მარჯვენა ხელზედაც დამკრა ზე გამიშვა. ტკენა ხომ ტკენა იყო, მაგრამ მე ის უფრო მტანჯავდა რომ კკუა წავაგე და ორი „ლინეიკა“ დამკრეს, მაშინ როცა სხვები კი თვითოთი გადარჩენ!.. ვტიროდი, ხელი მიკანკალეზდა და რასაკვირველია, კარგათ ველარ დავწერდი!.. ნაწერები რომ გაარჩია მასწავლებელმა, დამიწუნა და კიდევ დამკრა „ლინეიკა“ — უკეთ დაწერეო! კლასის გათავებამდი ოთხ-

ჯერ კიდევ დამკრა!.. ის დღე იყო და მას აქეთ ველარ გამოვბრუნდი. არ იქნა, ველარ გადავიგდე გულზე ეს შემთხვევა. წერაში ხელი გამიფუქდა და დღესაც კიდევ გაუარკვევლათა ვწერ ვინც ჩემ ნაწერებს დახედავს, გაუკვირდება, რომ ზოგან კარგი ხელია და ადგილ-ადგილ კი ნაჯღაბნი და გაუგებარი. ეს მაშინ მემართება, როცა ინსტიტუტურათ მაგონდება ხოლმე მაშინდელი ჩემი დატანჯვა. ეს შემთხვევა რა გასასხენებელი იყო, მაგრამ მიტომ ვამბობ, რომ მშობლებმა და მასწავლებლებმა იგულისხმონ, თუ რა ძნელია სათუთ ბავშვებთან სასტიკათ მოპყრობა და რა შედეგი მოჰყვება ხოლმე.

ჩემი გალახვის ამბავი გაეგო ღირეკტორს და შენიშვნა მიეცა მასწავლებლისათვის. ის იყო და ის, ამ დღიდან ამომიჩემა მასწავლებელმა რე ყურადღებასაც აღარ მიაქცევდა, თითქო ერთი ჯირკი გდებულყო იქ. არც მასწავლიდა რე არც რამეს მკითხავდა. მე მიინც ზოგს ამხანაგების შემწობით, ზოგსაც ჩემით ვსწავლობდი, რაც ძალი და ღონე მქონდა. იმდენი ნიქი არა მქონდა, რამდენიც სურვილი და ბეჯითობა. ვცდილობდი, დღე და ღამე გასწორებული მქონდა და სხვებს არა თუ არ ჩამოუვარდებოდი, მეტიც ვიცოდი მათზე. ეგზამენები მოახლოვდა, ხმა გავარდა, რომ „პოპეჩიტელის“ თანაშემწე, მაქსიმოვიჩი, მოდის, იმან უნდა გამოგვცადოს მოსწავლეებიო. იმის სიფიცხეზე და გულ-ქვაობაზე ბევრ საარაკო რამეს ლაპარაკობდენ. ყველა შიშის ქარმა აიტანა მასწავლებლებიცა და მოსწავლეებიც.

მაქსიმოვიჩი ჩამოვიდა თუ არა, მაშინვე ბრძანება გამოსცა, რომ რადგანაც ყველას ვერ მოვასწრებ, თვითოეული კლასიდან სამ-სამი მოწაფე გამომგვარეთ: პირველი, შუათანა რე უკანასკნელი; იმათ გამოცდი რე მით მთელი გიმ-



ნაზიის გარემოებაც. გათვალისწინებული და აწონილი მექნებაო. ეგზამენებმა კარგათ ვერ ჩაიარა. წინდაწინვე დამფრთხალ ყმაწვილებს გონება ეკარგებოდათ. ჯერ იმ სამ მოწაფეთაგანს ჰკითხავდა რამე საპასუხოს და თუ ვერ უპასუხებდენ, მერე მთელ კლასს მიუბრუნდებოდა. თუ აქაც აღარავინ აღმოჩნდებოდა — მასწავლებელს უნდა აეხსნა. ხშირათ მასწავლებლებიც წაიბოროდიკებდენ ხოლმე და მაშინ თვითონ ეგზემენატორი ახსნიდა და გაამეორებინებდა ხოლმე ყმაწვილებსაც. ეს ახალი მეთოდა იყო მისგან შემოღებული. იმ დროს გიმნაზიაში სწავლობდა ერთი შესანიშნავი და სახელ-განთქმული ახალგაზდა — ბესარიონ ლოლობერიძე. მასწავლებლებსაც დიდი ხათრი ჰქონდათ მისი და პედაგოგებსაც მისი იმედი ჰქონდათ: „თუ დაგვიხსნის, ის დაგვიხსნის და გვასახელებსო“. მათი მოლოდინი გამართლდა, მაგრამ სულ ისე მიიწეოდა არა, როგორც ეგონათ. ამბობდენ: „მარჯვეთ იყო ბესარიონი, მაგრამ ბევრი ოფლი კი აწურვიესო“. ასე თუ ისე, თუ იმას არა, მაქსიმოვიჩი გულს ვეღარ მოიბრუნებდა ქუთაისის გიმნაზიასა და მის მასწავლებლებზე. შუა კლასებშიაც ზოგიერთებმა გვარიანათ მიუგეს. ბოლოს ჯერი მიდგა უმცროს კლასებზე. ჩვენი კლასიდანაც, განკითხვის დღე რომ დადგა, (ასე ვეძიხოდით საზოგადოთ მაქსიმოვიჩის ეგზამენებს) სამი მოწაფე აიყვანეს და ჩააყენეს თორნეში. მესამე მოწაფეთ, ესე იგი უკანასკნელ მაჩანჩალათ, მე გამაყოლეს. ჩემი ამხანაგები ცახცახობდენ და მე კი უფრო სეირის საყურებლათ გავედი, რადგანაც ვიცოდი, რომ, როგორც უკანასკნელს, ბევრს არას მკითხავდენ და ყურადღებას არ მომაქცევდენ. ერთ ხანს მარჯვეთ იყვენ მოწაფეებო. სახეპირო როცა ჰკითხეს, იმათაც ჩააბუღებულეს, მაგრამ ბოლოს, როცა

აზრით გაგებაზე მიდგა საქმე, მაშინ კი აიბნენ. საკვირ-  
ველი იყო: იმ „პოპეჩიტლის“ თანაშემწის საკითხავებმა,  
სასახლეში რომ ბავშვებმა თამაშობაები ვიცოდით: „ბერი  
ჩამოხტა“, „აჩატი“, „ანზე ვისი ყმა ხარ“ და სხვანი,—  
სწორეთ არ მომაგონა! გამიკვირდა: ეს რა გიმნაზიის  
საკადრისია-მეთქი—ვამბობდი გუნებაში, მაგრამ მომაგო-  
ნდა ჩვენი სახლი, დედა და ისე წაეხალისდი, რომ ასე  
მეგონა, შინა ვარ მეთქი და ორჯულ-სამჯურ ჩემ ამხანა-  
გებს რომ შეეშალა, მე უკმაყოფილოთ თავი გავაქნიე.  
მაქსიმოვიჩმა თვალი შემატანა და მომაყვირა: — „რას აქ-  
ნევ თავს ქეციან ცხენივითო!“ შევშინდი და ენა ჩამ-  
ვარდა. მასწავლებელი მრმეშველა და მოახსენა: — ალბათ  
ბუზი აწუხებს ლ ხელს ვერ ხმარობს... — რა დროს ბუზებია!  
მიუბრუნდა უკმაყოფილოთ მასწავლებელს და ან საჭი-  
როების დროს ხელს ნუ გაანძრევო, ვინ ეუბნება? უშა-  
ლიან მხოლოთ წარა-მარა ხელების აქეთ-იქით ქნევას.  
არა, აქ სხვა მიზეზია! მომიხმო სტოლთან.

— მე შეგნიშნე, რომ, როცა იმათ ეშლებოდა მაშინ  
აქნევდი თავს. მართალია თუ არა? ნუ გეშინია, მითხარი!

— დიახ, უნებურათ!...

— მაგალითად რა შეეშალათ?

— აქლემი გაფრინდება — რომ მოგახსენეს, ეტყო-  
ბათ, არ უნახავთ აქლემი!

— შენ? შენ სად გინახავს?

— შარშან თათრებმა ჩაატარეს მეადანში; ძლივს  
მიიფხორებოდენ.

— მერე, რა იცი რომ ვერ გაფრინდება?

— ფრთები არ აქვს.

— რასაც ფრთები არ აქვს, ვერ გაფრინდება? მაგა-  
ლითად, კაცი ვერ გაფრინდება?

— ვერა.

— არ გაგიგონია ძველათ, რომ ვინმე გაფრენილიყოს?

— ძველათ — ენოქ და ილია, მაგრამ ისინი ურმით გაფრინდნენ ღვთის ძალით. ვგზემენატორმა თვალები დააპყიტა და მკითხა:

— ვინ გითხრა შენ ეგ?

— დედამ.

— კუდიანები რომ ფრენენ, იმათ ხომ ფრთები არ აქვთ?

— კუდიანები არ ფრენენ.

— მაშ როგორ შეუძლიათ, რომ არ ფრენდნენ? ასე ჩქარა ყველგან როგორ მოივლ-მიივლიან?

— მგელზე ჯიან და ისე დადიან. აქ გადინახარა და თავზე დამისვა ხელი. ამ გვარ რამეებს მკითხავდა და თანდათან გახალისდა. მეც რომ შევატყე, აღარ წყრებამეთქი, გაეთამამდი. ბოლოს დამიწყო გამოცდა. საზეპიროები მკითხა, — კარგათ მიეუგე.

— აზრიც გესმის? მკითხა.

— რასაკვირველია მესმის!

— შეგიძლია ქართულათ გადაგითარგმნო ეგ ლოცვები?

— რალათ გადაგითარგმნით, ქართულათ რომ უფა რო აღრე ვიცოდდი?...

— სად ისწავლე?

— სახლში.

— ეგებ რუსულათაც იქ ისწავლე?

— არა, აქ. მიუბრუნდა მასწავლებელს და ჰკითხა:

— თქვენ ხომ არ შეგშლიათ, რომ ეს ბავშვი უკანასკნელ მოწაფეთ წარმოადგინეთ?

— არა, თქვენო აღმატებულებავ! ერთი რომ პატარაა, მერე კიდევ არც დიდი ხნის შემოსულია და ჯერ-ჯერობით ყურადღებას აღარ ვაქცევდით, არასა ვკითხავდით, გაკვეთილებსაც არ ვაძლევდი: ჯერ მიეჩვიოს თქო—უპასუხა მასწავლებელმა ცოტა ფერ-მიხდილათ.

— მაშ თუ არა გკითხავდენ, შენ როგორღა სწავლობდი? მკითხა მან.

— სხვებს თუ აკითხებდენ და უხსნიდენ, მეც აქ არ ვიყავი? ყურს ვუგდებდი. ეს რომ გაიგონა, ხელავთო? დაეკითხა ჩემ ამხანაგებს. რომ მოგენდომებით თქვენც ასე ისწავლიდითო. მასწავლებელი რო კარგათ გიხსნი, ეს ცხადათ ჩანს. ხელი ჩამოართვა მასწავლებელს და მადლობა უთხრა. მე შუბლზე მაკოცა, წამოდგა ზეზე და დაიშალა კლასიც. მივფრინდი თუ ფეხით მივედი სახლში, აღარ მახსოვს. სინარულმა ისე ამიოტაცა, რომ მთვრალივით ველარ გამოვერკვიე. შინ რომ მივედი, სტუმრები იყვნენ სახლში და მამა ჩემმა მომახარა: რა ქენი ჩემო კაჭუაო? მეც ყველაფერი მოვახსენე, რაც გადამხდა. „მე კი არ ვიცოდინ?! წამოიძახა მამამ—კვიცი ყოველთვის გვარზე შიღისო. პეტრე არხიმანდრიტს რომ ვებარე მონასტერში ბავშვობისას, ყველას ვჯობდიო, რასაც სხვები ათ-ათ წელიწადს უნდებოდენ, მე ორ-სამ წელიწადს გავიარე, გავათავე; ღრამატიკა, ართმეტიკა, ისტორია, ლეოლრაფია და სხვანიო. ბატებმა არ დამაცალეს, ყიყინით მაწუხებდენ, თვარა, რომ მომეცადა არისტოტელის კათელორიასა და ლოლიკას სულ ბღღვირს გავადენდიო. შენც, შვილო, ოჯახის შვილი რომ ხარ, სხვებზე უფრო მეტი უნდა ისწავლო და ვინგინდარები არ გაიტოლოვო!“ სტუმრებმაც ამ გვარივე დარჩება მომცეს. დედა კი თავისთვის იჯდა თავ-

ჩაღუნული, თითქო ამისათვის სულ ერთიაო და არც კი შეუმჩნევივარ. საღამოს, დასაძინებლათ რომ ჩავწექი ლოგინში, მოვიდა დედა და შუბლზე დამადვა ხელი. ჩამოჯდა ლოგინზე. მე ვიფიქრე, ვაი თუ ავით ვარ და მატყობს რამეს, თვარა ასე სხვიმის როლის მოსულა-მეთქი. წინადაც მითქვამს და ახლაც ვიმეორებ, რომ საკვირველი ზნე სჭირდა დედას: თუ არ გამოთხოვების დროს, როცა სადმე დიდი ხნით მივდიოდი და ან ხანგრძლივ უნახაობის შემდეგ, ისე არ გვაკოცებდა ბავშვებს, და მაშინაც ისე თითქო გული ნებას არ აძლევსო. ეს მეც მიკვირდა და ვერ ამეხსნა. ეს ხასიათი მთელ მის სიცოხლეში შერჩა. შვილი-შვილებსაც ასე ეპყრობოდა. ერთხელ, დაცულშვილიანებული ვიყავი, შევესწარი, რომ ჩემ პატარა შვილს, მძინარს, მიდგამოდა ღ სიფრთხილით, არ გამოვადვიძოვო, ჰკოცნიდა და ეაღერებოდა. მაშინ მივხვდი, რომ ალბათ ჩვენც ასე გვეაღერებოდა-მეთქი. ცხადათ ვინ უშლიდაო — იფიქრებს კაცი და ის თურმე იმ აზრის იყო, როგორც ეთხელ გამოაცხადა ლაპარაკში, რომ ხშირი მოფერება აფუჭებს ყმაწვილს და წარა-მარა კოცნასაც ფასი აღარ აქვს მის თვალშიო. არ ვიცო, საზოგადოთ ეს მართალია თუ არა, მაგრამ ჩემ თავზე, როგორც გამოვცადე, მისი კოცნა რაღაც სასუფეველურ ნეტარებათ მიმაჩნდა. იმ საღამოს ავფოფინდი, რომ გვერდში მომიჯდა და აღერსიანათ მითხრა: ხომ ილოცვო? ..

— როგორ არა-მეთქი!

— დღეს დილას, სანამ კლასში წახვიდოდი, დაუჯდომელი პარაკლისი ხომ არ დაგვიწყებია?

— როგორ დამავიწყდებოდა!.. და მერე მით უფრო, რომ განსაცდელში მივდიოდი.

— ჰო, კიდევ მიტომ უხსნიხარ ღმერთს და გაგი-  
მარჯვნია. უღმერთოთ, რაც უნდა იცოდე, მაინც ვერას  
გააწყობ! მამა შენმა რაც გიპხრა დღეს, ის მართალი კი  
ნუ გგონია, იმან ისე იცის ხუმრობა.

— რა?

— რა და სხვებმა რომ ვაჯობოს სირცხვილიაო.  
აბა, სხვები რომ კარგები იყონ, შენი რა სირცხვილია?  
სირცხვილი ის არის, როცა შენ შენდა თავათ არ ვარგ-  
ხარ და არ ცდილობ სწავლას. შენ სხვებს კი არ უნდა  
ეჯობებოდე; შენ სრულიად შენთვის უნდა ცდილობ-  
დე ყოველგვარ სიკარგეზე და თუ სხვებიც შენისთანე-  
ბი იქნებიან და კიდევ უკეთესიც, შენ მითი რას დაკა-  
რგავ? შენ კიდევ უნდა გიხაროდეს მათი სიკეთე. შენ  
რომ კარგათ დაგიქერია დღეს ეგზამენი, აი რა კარგ გუ-  
ნებაზე ხარ!.. ისინი კი, შენი ამხანაგები, ვინ იცის რა  
გულდაწყვეტილები არიან!

— ტიროდენ დედა!..

— მერე არ შეგეცოდა?

— შემეცოდა კი არა, კინალამ მეც ვიტირე...

— ჰო და, იმათაც რომ შენსავით გაემარჯვებ ხომ  
გიაშობოდა?

— ნეტავ მართლა!..

— ჰო, შეილო! სხვისი შური და სიხარბე გულში  
არ უნდა შეუშვა, — ესენი ორივე ეშმაკის კიბის საფეხუ-  
რი არიან. ეშმაკი ჯერ შეგიტყუებს ზედ ნელნელა და  
მერე უცბათ გაჰკრავს ხელს და გადაგადგებს. მე პირ-  
ჯვარი დავიწერე, დედამ მაკოცა მხურვალეთ, ორჯერ-  
სამჯერ ჩამეკონა გულში, პირჯვარი გადამმსახა და მო-  
შშორდა: დაიძინეო. ჩემ ნეტარებას საზღვარი აღარ  
ჰქონდა. დიდ ხანს თვალი ვეღარ დავხუჭე... და რომ და-

მეძინა, სიზმრებმა წამიღეს. სულ ანგელოზებში დავფრინავდი და ვთამაშობდი. გათავდა ეგზამენები. წავიდა მაქსიმოვიჩი. მიწყნარ-მოწყნარდა ყოლიფერი და მეც პირველი საჩუქრით გადამიყვანეს მეორე კლასში. სულ სხვა თვალთ მიყურებდნენ ამხანაგებიცა და უფროსებიც. ამას მე კარგათ ვხედავდი და ვცდილობდი, რომ არ შევერცხვინილიყავ. დღე და ღამე გაერთებული მქონდა, ისე მონდომით ვსწავლობდი და იმ შრომასთან და ცოტა ნიჭთანაც, რომ უკეთესი პატრონობა მქონოდა და უფრო სწორ გზაზე ვმდგარიყავ, ჭარგი რამ გამოვიდოდა, მაგრამ სამწუხრო ის იყო, რომ იმ დროს პედაგოგია მეტათ დაბალ ხარისხზე იდგა. ბავშვებს კაქკაქებსავით წრთვნიდნენ და არა ადამიანის შეილებათ! ყოველი საგანი უნდა მხოლოდ ეზებირებიათ მოსწავლეებს და აზრი ესმოდათ თუ არა, იმას არავინ ჰკითხავდა. ერთი რუსის შეილი იყო—ვოლკოვი—და იმას სამღრთო წერილიდან გაკვეთილი ჰკითხეს. საბრალოდ ზებირათ არ იცოდა, მაგრამ თავისი სიტყვით შევნივრათ ახსნა. მასწავლებელმა უგდო, უგდო ყური და გაიცინა:—შენი სიტყვებით რომ ბრძანებ, განა წუნობ მაგის დამწერის სიტყვებს? გაუჯავრდა და გააგდო, ცუდი ნიშანიც დაუსვა. მეც მეორეთ გაიყვანა, როდესაც გაეზებირებია, და სულ-მოუბრუნებლათ, სულ სხაპასხუპით უთხრა, თუმცა კი არ ესმოდა, რას ამბობდა. მოუწონა: „აჲ როგორ უნდა დაისწავლოო“ და კარგი ნიშანიც დაუსვა. ასე იქცეოდნენ მაშინდელი მასწავლებლები ყველა. მხოლოდ მათ რიცხვში ერთად ერთი, გვარათ ტროიე, სულ სხვა იყო. მაქსიმოვიჩის მეთოდი შემოიღო: საზებიროს ცოტას გვაძლევდა, სულ რამოდენიმე პწკარს, მაგრამ მაგიერთათ არა თუ აზრი, ყოველი სიტყვის მნიშვნელობა უნ-

და გვკოდნოდა და აგვეხსნა. მის კლასში ყველა—დიდრი და პატარა—თანასწორათ სმენათ იყო გადაქცეული. ბუ-  
 ზი რომ გაფრენილიყო, გაიგებდა კაცი. მაშინ იცოდნენ  
 და დღესაც კიდევ მასწავლებლები რიგ-რიგათ ჰკითხვენ  
 მოსწავლეებს, ასე რომ მოწაფემ იცის, როდის მოუწევს  
 რიგი და იმ დღისთვის უკეთ ემზადება, ვიდრე სხვიმის  
 და მის სწავლაში თანასწორობა ზღარ არის. ტროეს კლა-  
 სში კი ყველა მზათ უნდა ყოფილიყო. ერთს რომ  
 ჰკითხავდა, უცებ, მოულოდნელათ სხვას რომელიმეს  
 „განაგრძეო“—მიუბრუნდებოდა. აგრევე არ იცოდა  
 ძველი და ახალი გაკვეთილი; მოულოდნელათ ძვე-  
 ლიდანაც გვეკითხავდა ხოლმე. თვითეულ სკამს მიუ-  
 ჩინა თითო უფროსი შეგირდი. ისინი ჰკითხავდნენ  
 ყოველ დღე გაკვეთილს მოსწავლეებს და ნიშნებს  
 უსვამდნენ. იმ უფროსებისათვის მერე მე უნდა მეკი-  
 თხა და დამესვა ნიშნები. ზოგიერთი მათი შეგირდებიც  
 უნდა შემემოწმებია და ის ნიშნები მიმერთმია მასწავლე-  
 ბელისათვის. რომ შემოვიდოდა, ისიც გადაათვალიერე-  
 ბდა და დასამოწმებლათ გაზორხმობდა ზოგიერთებს. ერ-  
 თი გაბაშვილი იყო ჩვენს კლასში, რომელიც სოფლიდან  
 დადიოდა სასწავლებელში და კლასის დაწყებას რასაკვი-  
 რველია ვეღარ მოასწრებდა ხოლმე. ამისათვის აჩოქებ-  
 დნენ იმ საწყალს კუთხეში კლასების გათავებამდე, ასე  
 რომ ფეხზე მდგარი ის სწავლის დროს. ძვირათ დაგვი-  
 ნახავს. ერთხელ დარჩენილიყო სადღაც და ქუთაისში ნა-  
 თესავებში გაეთია ღამე. სამოსწავლებლო წიგნიც ეშოვნა  
 (მაშინ არამც თუ გარეშე წიგნი, სახელმძღვანელო წიგ-  
 ნებიც ცოტა იყო, სულ რამოდენიმე და ერთი მეორა-  
 საგან ვნათხოვრობდით) და გაკვეთილი კარგათ დაეს-  
 წავლა. ადრე მოვიდა, მაგრამ, რადგანაც დაჩვეული იყო,



თავის თავად დაიწოქა და ამისთვის ყურადღებაც არავის მიუქცევია. მის უფროს შეგირდს მისთვის კარგი ნიშანი დაესვა, მე შევამოწმე და მართალი გამოდგა. ტროემ რომ საზოგადოთ ყველას ნიშნები გადაათვალიერა, გაბაშვილის ოთხსაც მოჰკრა თვალი. ალბათ გაუკვირდა და გამოუძახა. ჰკითხა და მისთანა თქვენს მტერს! ერთი სიტყვაც ვერ მიუგო. გადააქნია თავი და გამიხმო: „ეს ნიშანი შენ დაუსვიო?“ მკითხა.—დიახ, მე მეთქი, ვუპასუხე.—მერე რათა, რომ არაფერი იცის?

— მე რომ ვკითხე—იცოდა.

— იცოდა?! ასე მალე, ორ წუთში როგორ დაავიწყდებოდა? აქ რაღაც სხვა ამბავია! ბრძანა მრისხანეთ. შევიტყობ, რაც არის, მაგრამ არ მცალია. გაბაშვილო, წადი ზე შენ იქვე დაიწოქე, სადაც იყავი და შენც, წერეთელიო, მიდი მაგასთან და გვერდში ამოუდექი, სანამ ჩემი კლასი არ გათავდეს! მერე ორივეს ერთად დამამოწმებთ: თუმცა ყველაზე მეტი ჩვენ ტროისი გვეშინოდა, მაგრამ მისგან დასჯილი არ გვინახავს და ახლა: როგორ გამიბედეს მოტყუებო, ზომას გადავიდა.

— შე შეჩვენებულო, რა ქენი ეგა, აკი იცოდი? დავეკითხე ჩემით, კუთხეში რომ გავედით.

— ახლაც ვიცი—მიპასუხა ტირილით..

— მაშ რატომ არ მოახსენე?

— ფეხზე რომ ვიდექი, ვეღარ მოვახერხე. ეს რამდენი ხანია — სულ დაიწილი ვსწავლობ და პასუხსაც ისე ვაძლევ. აი, თუ არ ვიცი? მოჰყვა ზეპირათ... რომ ავდგე, დამებნევა! მასწავლებელმა მოგვატანა თვალი და მოგვაყურა.—რას ჩურჩულობთო? მე გავედი და მოვახსენე ყოლიფერი. გამოიყვანა გაბაშვილი დაიწოქა ზე ისე ჰკითხა. კარგათ მიუგო. რამდენჯერმე გაიმეორა ეს ამბავი

და ისე გაუკვირდა, რომ წამოდგა ზეზე, კლასს თავი დაანება და გასწია კანცელარიისკენ. იქ რა ჩაიღინა, ვინ იცის? მაგრამ იმ დღიდან-კი გაბაშვილი დაჩოქილი არ გვინახავს.

ერთხელ, კლასი რომ გათავდა და შეგვასვენეს, მე, რადგანაც დილას არ მექაპა რა, შევიბრინე შინ, ვიგდე ახალუხის ჯიბეში ცხელი მქადის კოკორი და მივაშურე ისე კლასს — არ დაგვინახოს მეთქი. ტროიეს გაკვეთილი იწყებოდა. ფეხათ შეესწრო ჩემთვის და ხუთი მოწაფე კიდევ გამოეხმო ზე გაემწკრივებინა. შევყავ თავი თუ არა, მომაყვირა: — შენ, აქ მობძანდი ზე დადექ ამათთანაო! მივედი და გავჩერდი. ცხელი მქადი მომედვა ბარძაყზე და მეცხუნა. მე შმაშური დავიწყე, ხელი მოვეუსვი, ასე რომ ავტოკდი. მასწავლებელმა შემნიშნა ზე მკითხა: რა გემართებაო? დაფარვა აღარ შეიძლებოდა... ამოაყოფიეს ჯიბიდან მქადს თავი... შეგირდებმა გადინახარეს. მასწავლებელმა უღვაშებში ჩაიციინა, გამომართვა მქადი და წინ სტოლზე დაიდვა. მე სირცხვილის ოფლი ვადაძსკდა. დაგვიწყო გაკვეთილების კითხვა. ამ დროს, ჩემდა საუბედუროთ, ინსპექტორი შემოვიდა. მაშინ კი ამიკანკალდა მუხლები. ეს ისე შეუბრალებელი ვინმე იყო, რომ ყმაწვილის გაროზგვას არა ერჩია რა. სულ უბრალო მიზეზი საკმაო იყო, რომ ოთხში ამოედო. ერთხელ ერთსა და იმავე დროს ორი ბავშვი გაროზგა, ერთი მიტომ, რომ თმა წამოგზდიაო და მეორეც მიტომ, რომ მეტათ ძირში მიგეჭრიაო! ვიფიქრე: ეს მქადი მე ხეირს არ დამაყრის-მეთქი!.. მართლაც, მოჰკრა თვალი თუ არა, დაიღრიალა: — ამ მქადს რა უნდა აქ, ვინ მოიტანაო!.. ერთი მოწაფე, რომელიც ხშირათ მექიშებოდა ხოლმე, წამოხტა ზეზე და მოახსენა: წერეთელს ამოუღეს

ჯიბიდანაო.— რათ მოგიტანიაო?! მკითხა მრისხანეთ. მე-  
ენა ჩამივარდა, მაგრამ მასწავლებელმა მოახსენა: ახლაც  
გაიგებთო და მკითხა: ეს რა არისო? მქადი-მეთქი— ვუ-  
პასუხე კნავილით.

— რისგან კეთდება?

— სიმინდისაგან.

— როდის სთესენ სიმინდს? რა ნაირათ იზრდება?  
როგორ მუშაობენ? როდის აკეთებენ მქადს და სხვანი-  
ესენი ყველაფერი გამომკითხა და მეც პასუხს ვაძლევდი..  
რამდენიმე წუთს მკითხავდა და ბოლოს თქვა: კარგია!  
ხვალ ნუ დაგავიწყდება ბრინჯის მოტანაო; ხვალ იმის-  
შესახებ ვილაპარაკოთო. ინსპექტორმა იფიქრა: აქ  
სწორეთ მასწავლებლის სურვილით მოუტანიათ მქადიო-  
და გავიდა კლასიდან ხმა ამოუღებლათ.. მასწავლებელმა  
მაბეზღარი მოწაფე გამოიხიმა და ჰკითხა: შენ არა გაქვს რა-  
ჯიბეშიო? გაუსინჯა და კოჭი უნახა.— ეს რა არისო?  
ეს ხომ სათამაშოა, რომელიც კლასებში სრულიად გა-  
მოუსადეგარია და შენ კი ჯიბეში გიძევსო!.. წერე-  
თელმა მქადი მიტომ მოიტანა, რომ შიოდა და შექმა-  
ველარ მოასწრო და შენ-კი სათამაშოთ დაბრძანდები!  
კარგი, გაჩერდი მაგრე კლასის გამოსვლამდე! მე მაგ კო-  
ჭით წარგადგენ ისპექტორთანო. იმ მოწაფეს ფერი ეცვა-  
ლა და ატირდა. კლასი რომ გათავდა, მიუბრუნდა მტი-  
რალს და უთხრა: კარგი, ახლა კი მიპატივებია, მაგრამ  
შემდეგ-კი ფრთხილათ იყავი: რაც შენთვის არ გინდა,  
იმას ნურც სხვას უზამო.

ეს ჩვენი საყვარელი მოძღვარი მხოლოდ ოთხ  
კლასამდე ასწავლიდა; უფროს კლასებში ნება აღარ  
ჰქონდა, რადგანაც უმაღლესი სასწავლებელი არ ჰქო-  
ნდა გათავებული. თუ-კი რამ ვისწავლეთ რუსული,  
მის ხელში და მის შემდეგ იმ უფროს კლასებში,

მეოთხიდან დაწყებული, თუ რამ დაგვაკლდა, თვა-  
რა არა შეგვიძენია რა. მეოთხე კლასი მეტათ ძნელი  
კლასი იყო: სულ ახალ-ახალი საგნები და მასწავლებ-  
ლები: ისტორია, გეომეტრია, ტრიგონომეტრია, ბოტა-  
ნიკა, ზოოლოგია, ლათინური, სჯულის კანონი, მეურ-  
ნეობა, მინერალოგია და სხვა-და-სხვა—სულ ერთათ მო-  
გვაყარეს! თავ-ტანის რომ აღარა გაგვეგებოდა, გავუსვით  
ზეპირობას ხელი, და როგორც იქნა, კიდე იოლათ გავ-  
დიოდით, თუმცა სრულიადაც არა გვესმოდა რა იმ საგ-  
ნების. სხვისი რა მოგახსენო და მე კი ასე ვიყავი, თუ-  
მცა პირველ მოწაფეთაც კი ვირიცხებოდი და ოქროს  
ფიცარზე ვეწერე. ამ მაღალ კლასში, ცოტა არ იყოს,  
დავთარი შემეშალა. ერთი ვიღაც რუსული ენის მასწავ-  
ლებელი დაგვინიშნეს, გვარათ საპეგა. იმისთანა ახირე-  
ბული კაცი ძვირი იყო! სულ ჯავრობდა რაღაცაზე,  
ცხვირი ჩამოუტიროდა და სხვაც რომ ვინმე დაენახა  
მომცინარი, გადაირეოდა. მე-კი, ჩემდა საუბედუროთ, ძსე-  
ტი მომცინარი სახე მქონდა, რომ ტირილის დროსაც  
კი მეღიმებოდა! ამითვალწუნა ამ კაცმა და საშველი  
აღარ მომცა. წინა სკამიდან სულ უკანასკნელზე გადა-  
მსვა: თვალში ნუ მეჩხირებო. ერთხელ რაღაც კი გუ-  
ნებაზე იყო, გამიყვანა და მკითხა გაკვეთილი. კარგათ  
მივუგე. მომიწონა: ცოდნით კარგათ იციო, მაგრამ რა  
მიზეზია, რომ სულ იღიმები? ნუ იცინი პირუტყვივითო! მე  
მეგონა მცდის-მეთქი ღ ვუპასუხე: პირუტყვები არც ილი-  
მიან ღ არც იცინიან-მეთქი. ეს რომ ვუთხარი, ისარ ნაკრავი-  
ვით წამოხტა, მტაცა ხელი საყელოში ღ გამიძახა გარეთ.

უკანა სკამზე რომ ვიჯექი, მოწაფეები მოიბრუ  
ნებდენ ხელს და ზურგს უკანიდან მომაბზევდენ ხო-  
ლმე თითს. წარმოიდგინეთ ორმოცი და ორმოც-და-

ათი თითი ჩემკენ მოშვერილი და მაშინ დამეთანხმებოდა, რომ სიცილი ძნელი მოსაკავებელი იყო. მეც უფროსად ვაძვირებდი ხოლმე. მიზეზს ვერ ვამხელდი და ის კი მიატოვებდა გაკვეთილებს და დაიწყებდა ხოლმე ერთ ამბავს. მოწაფეებსაც ის უნდოდათ. ბალოს ამიკრძალა მის კლასში შესვლა და რჩევაში ითხოვა: ან მე აღარ ვიქნები, ან ის მოწაფე გაადღეთო. მის გარდა ყველა მასწავლებლებს ვუყვარდი, პირველ მოწაფეთაც მთვლიდენ და არ დაეთანხმენ. მიმიხმეს და მკითხეს: რა მიზეზია, რომ ასე გაგიჯავრებია ეს მასწავლებელი? მე ტირილი დავიწყე: ჩემი სიცილის ბრალია-მეთქი და იქვე სიტყვის გათავებამდე გავიღიმე. დირექტორი წამოდგა ზეზე და წავიდა საპეგას კლასში, რომ სხვებისთვისაც გამოეკითხა და შეეტყუა ნამდვილი მიზეზი. ჩემდა ბედით მისთანა გარემოებას შეესწრო, რომ ხელი მომიმართა. ერთი მოწაფე იყო ჩვენს კლასში კ... ლ... სამაგალითო რამ, აჩქარება არ უყვარდა. საპეგა კი, როცა გაკვეთილს ჰკითხავდა ვისმე, ამბობდა: ნუ ფიქრობ, ისე მითხარიო. ის გაუყვანია დაფაზე, რალაც დაუწერიანებია და ახსნას უცდის. კ... ლ... ფიქრობს, რომ კარგათ მიუგოს. სულ-წასული პედაგოგი მიეპარა უკანინდან, ჰკრა თავში ხელი და ცხვირ-პირი დაფაზე მიახლევინა: რას უცდიო? შეშინებულსა და გაბრუებულ მოწაფეს ცხვირში სისხლი წასკდა და სწორეთ ამ დროს შეესწრო დირექტორიც. საპეგა მეორე დღეს თვლით აღარ გვინახავს, მის მაგიერ მეორე დაგვინიშნეს—პანიზოვსკი, მაგრამ ბევრით უკეთესი ვეღარც ის იყო. უკეთესი კი არა, ხმას არ იღებდა, სულ წითლდებოდა. კომანსკის რიტორებას მოიტანდა ხოლმე და ისე უხმოთ, თითით გვაჩვენებდა: აქედან აქამდის გაიზვირეთო და ჩვენც

ვასრულებდით მის ნებას. იმას „ქალ-ბიჭას“ ვეძახოდით, დავცინოდით, მაგრამ ის თვალს გვარიდებდა. არაფერი გარეშე წიგნი არ იყო, რომ წაგვეკითხა; და რომ კიდევ გვემოვა სადმე, წაკითხვის ნებას არ მოგვცემდენ. რაც კარგი რამეა—რიტორებაშია დაბეჭდილი, ის გვეყოფათო. ერთხელ ერთმა თამამმა მოწათმე ჰკითხა:—რაც აქ არ არის მოყვანილი ამ წიგნში, პუშკინს არა დაუწერია რაო?—ეგ რა შენი საქმეაო?— მიუგო მასწავლებელმა. ყმაწვილი არ მოეშვა და კიდევ ჰკითხა:—პუშკინი უკეთესი მწერალია, თუ გერცენიო? წამოვარდა ზეზე შეშინებული, დაიცვა თითები ყურებში და გააბა ყვირილი: აქ არ ვყოფილვარ, არ გამიგონია რა, არცა გითქვამს რაო... და ამგვარათ გავიდა კარში.

არა ნაკლებ ახირებული იყო ლათინური ენის მასწავლებელი—ძალიან კარგი, მშვიდობიანი და ბეჯითი მასწავლებელი. ბუზის ეშინოდა ღ მახარობელას რომ ბუზილი დაეწყო, იმას გული უწუხდა. ეს რომ იცოდენ მოწათმეებმა, თუ რომელიმე მათგანმა გაკვეთილი არ იცოდა, მოიყვანდა უცბათ მახარობელას ღ ჩუმათ გაუშვებდა კლასში; მასწავლებელი დაფრთხებოდა, მოსწავლეები წამოვარდებოდენ ზეზე, ზოგი სტოლოზე შეხტებოდა, ზოგი ამ ბუზს დაუწყებდა ვითომდა კლასიდან გამოდენას, ხან ერთ კუთხეში მიაგდებდენ, ხან მეორეში და ამასობაში კლასიც თავდებოდა. ცხადია, რომ ამგვარ პირობებში ჩაყენებული მოზარდი თაობა ვერას გამოიტანდა ბევრს გიმნაზიიდან, რომ ამ სახარელ ბნელში ერთი ნათელიც არ გამოგჩენოდა. ის იყო პოლონელი როდზიევიჩი, რომელიც ჯერ პროფესორათ ყოფილიყო, მაგრამ ლოთობის გულისათვის დაეთხოვათ და სტავროპოლში ეშოვნა ინსპექტორობა. მერე იქიდანაც გაეგდოთ და ჩვენში გადმოიყვანეს მათე-

მათიკის მასწავლებლათ. ეს ლოთი მასწავლებელი ყურადღებასაც არ აქცევდა თავის საგნებს, არც ალგებრას არც გეომეტრიას, არც ტრიგონომეტრიას და არც ფიზიკას; ჩვენს ნებაზე მიაგდო მათი სწავლა ღ ჩვენ, როცა გაგვიძნელებოდა გაგება რამესი, მაშინ დავეკითხებოდით და შევნიერადაც აგვიხსნიდა ხოლმე. საკვირველია, რომ მისი საგანი ყველაზე უკეთ ვიცოდით. იმან, რაღაი შეგვატყო, რომ გონება დახშული და განუვითარებელი არიანო, სულ სხვა რამეებზე გვესაუბრებოდა და ცდილობდა ჩვენს გამოფხიზლებას. იმ ხანებში გამოაცხადეს, რომ ვისაც უნდა რუსეთში წასვლა და უმაღლეს სასწავლებელში შესვლა, იმან ლათინური უნდა ისწავლოს და ვისაც მხოლოდ გიმნაზიის გათავება უნდა იმან სჯულის კანონი შეისწავლოს და თუ პირველ შეგირდათ გამოვა, ჩინსაც მიიღებსო. ჩინს მაშინ დიდი მომხიბლავი მნიშვნელობა ჰქონდა, მაგრამ ყველა ჩემმა ამხანაგებმა, თუმცა ზოგი მათგანი ვერც კი წავიდოდა რუსეთში სიღარიბის გამო, ლათინური ირჩიეს. ერთმა მათგანმა მხოლოდ და მეორემ მეც სჯულის კანონის შესწავლა მოვიწოდებოდა, ჩინის სურვილით წარტაცებულმა. იმ ხანებში რუსული ენის მასწავლებელმა გვიბრძანა: აიღეთ, რაც გინდათ და თქვენდათავათ თხზულება დაწერეთ, მაგრამ დიალოგებათ კიო. მე ავიღე და დავწერე ერთი ახირებული რამ. მასწავლებელმა რომ წაიკითხა, ინსპექტორს გადასცა და მას საპედაგოგო რჩევაში წარედგინა და ეთქვა: ამის დამწერი თუ ახლავე არ აილაგმა, არ ივარგებსო! რჩევაზე როდზიევიჩს გამოედდა თავის მაგის დამწერი კარგი ვინმე გამოვა და გაწყრომა კი არა, მოფერება ექვივრებაო. მე ვთხოვულობ, რომ იმას ძალა დაატანოთ — ლათინური შეისწავლოს და მა-

ღალ სასწავლებელში სადმე შევიდესო. გაიტაცა, გადაი-  
ყლია ზოგიერთები სხვებიც და ღირექტორმაც ბანი  
მისცა. შემხმეს მეც.—ეს უენი დაწერილიაო, მკითხა  
ღირექტორმა?

— დიახ, ვუბასუხე ცოტა შემკრთალომა.

— მერე როგორ გაბედე, რომ მთავრობის მოსამ-  
სახურე პირებს ასე ცუდათ იხსენიებ?

— ის გადამდგარი ჩინონიკია.

— სულ ერთია, უბათიურათ შეხება მაინც არ შე-  
იძლება. ის დამსახურებული იქნებოდა და პენსიაც ექ-  
ნებოდა, დაუმატა მრისხანეთ ინსპექტორმა. წაიღე და  
გადაასწორე სხვანაირათ!..

— თუ მხოლოთ ეგ არის წუნი, ეგ ადვილია: წავ-  
შლი სიტყვას „გადამდგარი“ ზე დაეწერ „გამოგდებულს“.  
გამოგდებული, თუ კარგი ყოფილიყო, ისე სამსახურში  
იქნებოდა. ღირექტორმა გაიცინა და გამიშვა. იმ დღი-  
დან მეც ლათინურზე გადავედი. ამის შემდეგ კიდევ  
უფრო შემეძვარა როდზიევიჩმა და განსაკუთრებულ ძუ-  
რადლებას მაქცევდა. საკვირველი იყო მისი საქმე, ისე  
გაქენთილი ჰქონდა გვაში არაყით, რომ ხან-და-ხან, რომ  
კიდევ არ დაელია, ისე თავის თავათ მოუვლიდა სიმთ-  
ვრალე. ერთხელ მოუარა გაკვეთილების დროს და  
მოწაფეს, რომელიც დაფასთან იდგა და გეომეტრულ  
ფიგურებსა ხატავდა, მიაყვირა:—აბა, ჩამოუარე ლეკურიო!  
და ტაშის კვრა დაიწყო. გაშეშდა მოწაფე. ჩვენც შევ-  
წუხდით, მაგრამ იმან მაინც თავისი არ დაიშალა:—რო-  
გორ თუ შენ ნაციონალური ცეკვა გეზიზღებაო?! არ  
იცი, რომ ხალხურ სიმღერებსა და ცეკვაში მისი გული  
და სული რხატება? აი, ლეკურიც ხომ ქართულია, ცო-  
ცხალი რამ არისო დაუკრა ვითომ თვითონ ლეკური,



მერე ზადავიდა მაზურკაზე: აი ესეც ჩვენი გამოგონილი თამაშა და შეუპოვარი მაზურკაო და ახლავსეც ნახეთ, რასა ხატავსო და დაუარა ტრიპაკა, უწმაწური გინებით შეკაზმული. ბოლოს შეჩერდა, დაავლო ქუდს ხელი და გაეარდა კარში. ჩვენ ღმერთს მადლი შევწირეთ, რომ არც დირექტორი, არც ინსპექტორი და არც სხვა ვინმე არ შემოგვსწრებია. ისე შეგვებრალა, რომ არ ვიცოდით, გვეცინა თუ გვეტირა! მესამე დღეს ძალიან დარცხვენილი შემოვიდა. დიდ ხანს ხმას არ იღებდა და ბოლოს დაიწყო: — ყმაწვილებო! ძველ დროში საჭრანგეთში ჭ საბერძნეთში განგებ დაათრობდენ ხოლმე მონებს და მათ უსაქციელობას თავის შვილებს აყურებინებდენ, რომ მათთვის თვალ-და-თვალ დაენახებიათ, რომ რა საძაგლობაა — კაცი რომ დათვრება, გონებას დაჰკარგავს და პირუტყვს დაემსგავსება. გუშინ წინ მე დაგანახვით თქვენ ამ გვარი რამ. ეცადეთ, რომ გაუმაგრდეთ ცხოვრებას, აიტანოთ გასაჭირი და ჩემსავით არ გაგაფუჭოს. რა ვარ ახლა მე? განა არ ვგრძნობ, რომ ფიზიკურათ დამახინჯებული ვარ, მაგრამ მაინც, მადლობა ღმერთს, ამ ფიზიკურმა დამახინჯებამ სული და გული წმინდათ, შეუბღალავათ შემინახა. კლასის გამოსვლამდი სულ ამ ნაირათ გვემუსაიფა და მოგვშორდა. ჩვენ თითქმის ყველა ვტიროდით და იმ დღიდან კიდევ უფრო გვებრალებოდა. ერთხელ კიდევ, უკანასკნელ კლასში რომ გადავედით, მე ფრანცუზულის მასწავლებლის მუსიე ტურესის სახლში ვიდექი. ამ მუსიე ტურესს ყმაწვილები მოსე ტურს ეძახდენ. ერთხელ სადამოს სტუმრათ შემოჰყვა როდზიევიჩი; დაჯდენ ორი მარტო და ჩაის დაუწყეს სმა. სტუმარმა რომი მოითხოვა, თვითონაც დაისხა და მასპინძელსაც დაუსხა. შეყვენ ნელ-ნელა მუსაიფს. შეზარხოშებულმა

ფრანკუზმა დიდი რევოლუცია მოიგონა და აღტაცებით დაიწყო ლაპარაკი. სტუმარმა პოლონეთი გაიხსენა და მოხსნეს თავი სიფრთხილეს, მით უფრო, რომ იქ იმ.ორისა და ჩემს მეტი არავინ იყო. მე ჩემთვის კუთხეში ვიჯექი, ასე რომ, მგონი, ვერც კი შემნიშნეს. იმათმა აბდაუბდა საუბარმა ისე გამიტაცა, რომ რაღაც უჩვეულო სასუფეველი ვიგრძენი, სმენათ გადავიქეცი. ბოლოს თქვა ამოოხვრით-როღზიევიჩმა:— ახლა რაღა დროს ვწუხვარ, რომ სამხედრო სამსახურში არ შევედი, რომ სარდალი გავმხდარიყავ და მარჯვე დროს ქვეყნისათვის სამსახური გამეწია!.. რომ ჩამეწვეთა ყურში, ჩემი თავი ვეღარ ვიცანი! იმ ლამეს აღარ დამეძინა. ვამბომდი: რა მინდა უნივერსიტეტში? რა კარგი იქნება სამხედრო სამსახური? უნდა ოდესმე სარდალი გავმხდარიყავი! რაც აღრე შევუდგები საქმეს, ის აჯობებს და ამ ერთ წელიწადს მაინც ხომ, უკანასკნელს კლასში, ახალს არას გვასწავლიან, ძველებს გვამეორებინებენ და გამოვალ, არსად არ წავალ-მეთქი. გადავწყვიტე და გამოვუტხადე მამა ჩემს ჩემი სურვილი. მამას ძალიან იამა:— შენი ნებაა, შეილო! მე შენი ხნისას ცოლი მყავდა და ოჯახს ვეკიდეთ. მაშინვე გამოვედი სასწავლებლიდან, რითაც ყველა გავაკვირვე და დილიდან საღამომდე როღზიევიჩს აღარ ვშორდებოდი. ოთხი თვე დავრჩი, მაგრამ ეს ოთხი თვე უფრო ნაყოფიერი იყო ჩემთვის, ვიდრე რვა წელიწადი გემნაზიაში ყოფობის დროს. დამდეგ მაისს გამოვეთხოვე დედ-მამას, იმერეთს და დავადექი გზას. სრულიად გამოუტყდელს ცხოვრებაში, ბევრის არ მცოდნეს და სრუ-

ლიად არაფრის მნახველს უნდა ზღვა გამეველო, ხმელეთი  
გადამელახა და ერთი ბიჭის ამარა ჩავსულიყავ პე-  
ტერბურგში, სადაც ჩემი ძმა მეგულეზოდა კანვოიში  
მოსამსახურეთ.



საბა ორბელიანის იგავ-არაკებში შიგა-და-შიგ ისეთი ამბევებიც ურევია, რომლებიც ევროპის შორეული ქვეყნების ზეპირ სიტყვილობაშიაც კი არის. ზოგი იმ აზრის არის ჩვენში, რომ ის არაკები საბამ ევროპაში მოგზაურობის დროს მოაგროვა და რომ დაბრუნდა, გადმოაქართულაო. შემცდარი აზრია. ჯერ ერთი ის, რომ მოგზაურობის დროს და მერე კიდევ იმ საუკუნეში ასე ხელათ, გაკვრით ამ გვარი რამეების შეგროვება, მოუხერხებელია; და მეორე კიდევ ის, რომ მისი „სიბრძნესიცრუე“ საბამ ყმაწვილობაშივე შეაგროვა და ევროპაში კი სიბრძნის დროს მოგზაურობდა. ის კი მართალია, რომ, ზოგიერთი არაკი ლაფონტენისა და საბასი თავიდან ბოლომდე ერთი და იგივეა, მაგალითად: საბას „კუ და მორიელი“ და ლაფონტენის „ბაყაყი და მორიელი“ სიტყვა სიტყვით ერთი მეორისაგან გადაღებულიაო — იტყვის კაცი. ვთქვათ, რომ ორივემ ეზოპოსის სათავეს მიმართეს, მაგრამ მაშინ ასე ერთ ნაირი კაზმულობა სიტყვა-აზრისა და მქვერ-ნაკვესობისა, ერთი და იგივე შერითმება გასაოცარი იქნებოდა. აქ მხოლოდ ის შეიძლება იგულისხმოს კაცმა, რომ საბა ორბელიანი დიდხანს იყო კეთილათ მიღებული ლუი XIV კარზე, სადაც დიდებული ლაფონტენიც კარის კაცათ ითვლებოდა და ადვილათ შესაძლებელია, რომ იმ დროს შესანიშნავ

პირებს თავ-თავისი ბევრი რამ ერთმანეთისათვის გაეზიარებოდა. თუმცა ამაზე არცარა ლაფანტენს დაუტოვებია და არც ორბელიანს ჩვენთვის გადმოუცია, მაგრამ ქუყასთან-კი ახლოს არის. ასეა თუ ისე, ეს კერძოა და საზოგადოთ-კი საბას მისი იგავ-არაკები ჩვენს ქვეყანაშივე, საერო ზეპირ სიტყვაობისაგან აუღია. „სიბრძნესიცრუე“ ისე იყო გავრცელებული, რომ შეიძლება, პირ-იქით, ხალხში გავრცელდა და მისვე გემოზე გადაკეთდაო—ეგებ თქვას ვინმემ, მაგრამ ის მინუშები ზეპირ-სიტყვაობისა, რომელიც დღეს ჩვენ ხელშია, სულ სხვას ამტკიცებენ და ვინც-კი დაუკვირდება, ადვილათ გააჩჩევს, თუ რომელი რომლისაგან წარმომდგარა. ჯერ თუმცა, ვინ იცის, რაც არის, მისი ფიორიც არ გვაქვს შეგროვილი, მაგრამ რაცა გვაქვს, იქიდანაც ჩანს ქართული ზეპირ-სიტყვაობის სიმდიდრე ზე საისტორიო-მსოფლიო მნიშვნელობა. სხვა და სხვა ძველი დროის სამეფოების ზღაპრებსა ზე იგავ-არაკებს გადმოუვლია ჩვენში სპარსეთიდან და საერო ფესვი გაუდგამს.

არა თუ ბერძნების, რომაელების, არაბების, ინდოელების, სპარსელების, ებრაელების (ბიბლია) ზე სხვანი — არამედ ნაკლებ მნიშვნელობიან ძველ სახელმწიფოების სალხურ ნაწარმოების ნაშთებსაც-კი შეხედებით ჩვენებურ ზეპირ-გადმოცემებში. ამ ხუთი წლის წინეთ შემთხვევით ერთი პატარა რუსული წიგნაკი ჩამივარდა ხელში: „რამდენიმე მინუში არაბელების ხალხური პოეზიისა“. რომ გადავიკითხე, გავკვირდი: ჩვენი ქართული ზღაპრების თარგმანი იყო. განსაკუთრებით ერთი იმათგანი: „ქაკი ცხენი და ორსული დედაკაცი“ — სიტყვა სატყვეთ იყო გადაკეთებული და ქართულ გემოზე შეკაზმული. უფრო ახირებული კიდევ ის არის, რომ ჩვენ ზეპირ-სიტყვაობ-

ბაშივე შეხვდებით ზოგჯერ უცხო ქვეყნის ხელოვნურ ნაწარმოებსაც, მაშინ როდესაც ჩვენს ლიტერატურაში კი არა არის რა იმ გვარი. მაგალითად, ახალ-ქალაქის მაზრიდან შემოვიდა ერთი ზღაპარი „გულკეთილი ტენტერა“; და ეს ზღაპარი თავიდან ბოლომდე გადაკეთებულია ბოკაჩიოს ერთ ნოველათაგან, რომელსაც სახელათ ეს ჰქვია: „მადონა იზაბელა ლე მისი საყვარლები ლიონეტო და ლამბერუჩიო და ბოლოს ქმარიც იზაბელასი“. ამ ამბავს აქვე ქვემოთ დავბეჭდავთ, მაგრამ ჯერ ვიტყვი, რომ ეს ბოკაჩიოს ნოველები ფრანგის პატრების გადმოტანილი უნდა იყოს ჩვენში ლეგაციების ცენტრული, — სხვებ ვერ აიხსნება. ამ ოცდახუთი წლის წინეთ ხიზაბავრაში მოვლილდი და გზაში უცბათ რაღაც უცნაური სიმღერა მომესმა: მინდორში მწყემსები იმღეროდნენ. მეუცხოვა და შევაჩერე ცხენი, დავუგდე ყური და რა გამოდგა? ფრანკუზებს ერთი ხალხური სიმღერა აქვთ, თუ როგორ წავიდა ჯვაროსნობის დროს რაინდი მალბრუგი სარკინოზების გასაქლეტათ ლე რა გადახდა. ეს სიმღერა ღღესაც ხშირათ გაიგონება საფრანგეთში, განსაკუთრებით გამღლები უმღერიან ყმაწვილებს. და სწორეთ ამ ლექსს იმღეროდნენ ხიზაბავრელი მწყემსებაც. კილოც დაეცვათ და სიტყვებიც. მხოლოთ „მალბრუგის“ ნაცვლათ „ყაფლანს“ ამბობდნენ და ლექსი იწყებოდა: „ყაფლან მიდის ჯარშია“ და სხ. ხიზაბავრაში გაფრანგებული ქართველები ცხოვრობენ და რასაკვირველია პატრებისაგან ექნებოდათ მათ ძველებს ნასწავლი ეს ლექსი ლე ჩარჩენილა. ესევე უნდა ვიფიქროთ ბოკაჩიოს ნოველების შესახებაც.

## წვირილ-წვირილი ამბავები.

### მატყუებული ტერტერა.

ერთ ტერტერას მზეთ-უნახავი ცოლი ჰყავდა. გამ-  
ვლელ-გამომვლელებს თვალი მასზე რჩებოდათ ღ მრევ-  
ლიც ქმარზე უფრო ცოლს შეჰყურებდა. დიდ ხანს ვერა-  
ვინ მოიგო მისი გული. ბოლოს მაინც ველარ გაუმაგ-  
რდა მაცდურს და შეიყვარა მეზობელი, მაგრამ ისე მო-  
ხერხებულათ კი, რომ ეჭვი ვერავის შეჰქონდა. ერთხე-  
ლვე რომ კარი გაიღება, აქ ერთთან მეორეც შევა. ტე-  
რტერას ცოლმა, რაღაი-კი ერთხელვე სიყვარულს გული  
გაუღო, დაკეტა ველარ მოხერხდა და მალე სხვაც შეუ-  
ყვარდა. უნდოდა პირველი მეორეში გაეცვალა, მაგრამ  
გარემოება ხელს უშლიდა. ერთხელ ტერტერა მირო-  
ნის მოსატანათ გაემგზავრა. ცოლმა იმ საღამოსვე შეა-  
ტყობინა სატრფოს და დაიბარა. ძველ საყვარელსაც თა-  
ვის თავათ გაეგო ტერტერას წასვლა და ჩვეულებისამებრ  
დაადგა ერთხელვე გატყუებნილ გზას და მიადგა ტერტე-  
რას სახლის კარებს სწორეთ იმ დროს, როცა მისი სა-  
ყვარელი სხვისი ალერსით იყო გატაცებული. შეშინდა  
ქალი და უთხრა ახალს: არაფერია, იმას მე მალე გავი-  
სტუმრებ და შენ მანამდი ამ ტახტ-ქვეშ შეძვერი და და-  
იმალოე! ახალი დამალა, თავი შეიხვია, გააღო კარი და  
შამოიყვანა ძველი, მაგრამ მის საალერსოთ კი ველარ

მოიცალა და მიზეზათ შაკიკი მოიგონა. ამ დროს ეზოში ცხენმა დაიჭიხვინა. „ვაი, დავიღუბეთო“, წამოიძახა ქალმა—ეს ჩვენი ცხენის ჭიხვირია, ჩანს, ჩემი ქმარი დაბრუნებულა და რაღა ვქნათ, სად წავიდეთო?!.. ამის მეტი აღარა დავგრჩენია რა—უთხრა საყვარელს: მე კივილს დავიწყებ, შენ ამოიღე ხმალი, ვითომ ძალიან გაანჩხლებული ხარ, მიიქნიე-მოიქნიე, იყვირე, იყვირე გიჟი ვით: არა! უნდა მოგკლა! ვერ დაიმალეები! სადა ხარ! გამოეთხოვე სიცოცხლეს! და სხვანი, ქალმა კივილი მორთო, კაცი აღრიაღდა და ამოღებული ხმლის ქნევით და მუქარით გავარდა კარში. წინ ტერტერა შეხვდა, დამფთხალი რომ არბოდა კიბეზე და ჰკითხა: კაცო, რა ამბავია? რა ყვირილია? რა დაგემართაო? მაგრამ პასუხი ვერ მიიღო. ის გიჟივით გაშორდა და ღრიალებდა: მიჩვენეთ, სად არის? სად დაიმალე, უნდა მოგკლაო! შეშინებული ტერტერა შევიდა შინ და იქვე ცოლი დახვდა თმა-გაშლილი, ტან-გახდილი და გაფითრებული. უჰ, გენაცვალოს შენი ცოლი, რა კარგ დროზე მოხვედიო!.. სწორეთ სასწაულმა მოგიყვანაო! აუხსნა და მოჰყვა: შენ რომ შინ აღარ მგვულებოდი, ადრე გავშალე ლოგინი და ჩავწექი ქვეშაგებში, მაგრამ—შენზე ფიქრით ზეჯავრით დარეტანებულს—კარები დაუკეტელი დამრჩენოდა. უცბათ რაღაც ხმაურობა მომესმა გარედან, სანამდი წამოვდგებოდი, უცბათ შემოვარდა სახლში ვიღაც უცხო კაცი, შეშინებული, და დაიწყო ხვეწნა: დამმალე, მიშველე, მოკვლას მიპირობენო! მე სანამდი გამოვერკვეოდი, ჩვენი შეზობელიც შემოვარდა ხმალი-ამოღებული ზე დაუწყო იმ საწყალს ძებნა. იქით ეცა გიჟივით, აქეთ ეცა! მიანგრია, მოანგრია... ქვეშაგები ამიშალა: აქ უნდა იყოს სადღაც დამალულიო



და რომ ვეღარ ნახა, გავარდა ისევ კარში. სწორეთ ფარსაგი არა დამართნია რაო! დაამატა ქალმა. ტერტერას გაუკვირდა და თქვა: რალაც ერთი დიდი ამბავი უნდა იყოსო... და ის უცხო კაცი მაინც სადღა არისო? —რა ვიცო, უთხრა ცოლმა, ტახტ ქვეშ თუ შეძვრაო. დაუძახა ტერტერამ —სადა ხარო? და მართლაც პასუხი იქედან მიიღო. ნუ გეშინია, უთხრა ტერტერამ, გამოადგინა შეშინებული და გამოჰკითხა: რა დაგემართაო? —რა ვიცო, უპასუხა უცხო კაცმა: გზათ მოვდიოდი აქეთკენ, უეცრათ გამომივარდა. ვილაც ხმალ-მოღებული კაცი, მეგონა გიყრი იყო, სიკვდილი მომინდომა, გავექეცი; ის გამომეკიდა და რომ აღარ მომცა საშველი, აქ შემოვვდი და თქვენი მოწყალებით რომ არ გადავრჩენილიყავ, ჩემი აღსასრულის დღე მოსული იყოო. —შენს ბედს უმადლოდღე, შვილო, უთხრა ტერტერამ, რომ მეც დღეს გზაში კურდელი დამიხვდა და გზა გადამიჭრა, თვარა აღარც მე დავბრუნდებოდი სახლში და ვეღარც შენ გადარჩებოდიო. უცხო კაცმა მადლი მოახსენა და წასვლა მოინდომა, მაგრამ ცოლმა არა ჰქნა: —რას ამბობ, ეგებ ის კაცი სადმე გარეთ მიმალულია და გიციდის, რომ გაგათაოსო! მერე მოუბრუნდა ქმარს და უთხრა: წადი, გენაცვალე, ეზოში მიიარ-მოიარე, დაათვალიერე, ის ჩვენი მეზობელი არსად იყოს და რომ დარწმუნდები, მერე შემობრუნდი და შენვე გააცილე ეს უბედური სამშვიდობომდეო. ტერტერას ძალიან დაუჯდა ცოლის ჰკუა, გავიდა გარეთ და დაუწყო თვალიერება. რომ შემობრუნდა კარგა ხნის შემდეგ, ესენი აქ ორივე დამშვიდებული დაუხვდენ და იმანაც იკისრა უცხო კაცის გაცილება.

მ ო რ მ ე ნ ე ბ ა

მით კაცს კარგი ცოლი ჰყავდა, მაგრამ ნამეტანი ჭკვიანობით თავი მოაბეზრა: თვალიდან არ იშორებდა, არც სადმე გაუშვებდა, არც ვისმე სახლში შემოიუყვანდა, გარდა ერთად ერთი მისი საკუთარი მეგობრისა, რომელიც შინაურ კაცათ ითვლებოდა. მოთმინებიდან გამოსულმა დედაკაცმა მოინდომა ამ მეგობრის შეცდენა; შეუჩნდა, მაგრამ ოჯახის მეგობარი ძალიან შორს იჭერდა თავს. ქალი მაინც არ ეშვებოდა, დღეს-ხვალიობით ნელ-ნელა იმდენზე მიიყვანა, რომ სიყვარული გულში ჩაუგდო. მაგრამ რა გამოვიდოდა, რომ მარტო, ქმრის დაუსწრებლათ, მისი ნახვაც არ შეეძლო. ერთხელ სადილათ რომ იჯდენ, ყველი მოინდომეს; ქალმა უთხრა სტუმარს: მე დაღალული ვარ, ჩემი ქმარი მოხუცებულია, შენ უფრო ყმაწვილი ხარ, ძამიაშვილობას, ადი მალეა სხვენზე, გიღლით ყველია ჩამოკიდებული; ერთი წველა ამოიღე და მოგვიტანეო. წავიდა მეგობარი. შუა გზაზე რომ მივიდა, შეჩერდა, გადმოიხედა მალლიდან და გადამოიძახა: მაგისათვის ვამომგზავნეთო? ერთმანეთს რომ ეხუტებით და კოცნით, რა სულ წასულობაა, მერე ველარ მოასწრებდითო? ჩამობრუნდა გულმოსული და მოუჯდა გვერდით. ცოლ-ქმარმა ერთმანეთს დაუწყეს ყურება. გაუკვირდათ: ხომ არ გაგიჟდაო? ადგა ცოლი და თვითონ წავიდა ყველის ჩამოსატანათ. შუა გზამდინ რომ მივიდა, შეჩერდა ისიც და გულმოსულმა გადმოიძახა: რას შვრებით, თქვე ღვთის პირისაგან წყეულებოვო!.. ვის გაუგონია, კაცი კაცს რომ ეხუტებოდაო?!.. დაბრუნდ აგულ მოსული ჭ დაჯდა. — რა ღმერთი გიწყრებათო, თქვა ქმარმა, რის კოცნა, რის ხვეენა, ხომ არ

გადარეულხართო! ადგა და წავიდა ყველის ჩამოსატანათ. შუა ადგილამდი რომ მივიდა, შეჩერდა, გადმოიხედა და დაინახა, რომ ქალი და კაცი ერთმანეთს ეხვევიან და ჰკოცნიან. გაუკვირდა ძალიან, გაღიწერა პირჯვარი და თქვა: დიდება შენს სახელს, ღმერთო! ახლა კი მივხვდი, რაც ამბავიაო!.. ეს ადგილი ისეთი შეჩვენებული ყოფილა, რომ ვინც აქედან გადაიხედავს, ყველას მოეჩვენება, რომ ქვეით დარჩენილები ერთმანეთს ეხვევიან და კოცნიანო... მოჩვენებას რომ იტყვიან, სწორეთ ეს ყოფილაო!.. გაიცინა, გადაიქნია ხელი, ფუ, ეშმაკსო! თქვა და წავიდა ყველის მოსატანათ, აღარ დაბრუნებულა. — რომ ჩამოვიდა, ნახა, რომ ქალი და კაცი თავ-თავის ადგილზე იჯდნენ, ისე, როგორც დატოვა. ქალს უთხრა: — დიდი ხნის გაუნათლავია ღ დაუძახოთ მღვდელს, რომ სახლი გვიკურთხოს, თვარა მოჩვენებას ვერავინ წაუვა. როგორო? ჰკითხეს. — სწორეთ იმ ადგილას, საიდანაც თქვენ მოგეჩვენათ, მეც იქიდან დავინახე; რომ თქვენ ერთმანეთს უხვეოდით და ჰკოცნიდითო, მაგრამ მაშინვე მივხვდი, რომ ეს მოჩვენება იყო და აღარ დავბრუნდიო.

### ცმრცვი თუ ცმცხლი?

ერთი მღვდელი თავზე წავსწრო ცოლს, კუროს რომ ეტრფიალებოდა, დაავლო კეტს ხელი და შეუტია. კუროს სარკმელში გავარდა, მღვდელი გამოუდგა და მორთო ყვირილი: დაიჭირეთ, ნუ გაუშვებთ მაგ ქურდსო, მაგ ავაზაკსო! მოგროვდა ხალხი და შეაკავეს გაქცეულს, რომელმაც, ბაღში რომ გარბოდა, იმ დროს რამოდენიმე ცერცვი მოგლიჯა და მუქებში ეჭირა. ხალხმა ჰკითხა: — რა ამბავიაო? — როგორ რა ამბავიაო!.. ხუცის ბაღში

ეს ერთი მუქა ცერცვი მოგვლიჯე და ამისთვის მომდევს მოსაკლავათ აღარ მზოგავსო და მიშველეთო. ხალხს გაუკვირდა, ის გაუშვა, გადაეღობა წინ ღვდელს და დაუწყა საყვედური: მღვდლო, როგორ გეკადრება უბრალო რამეზე მოთმინების დაკარგვა? ერთი მუქა ცერცვისთვის კაცი ვის მოუკლავს, რომ შენ მოგაკვლევითო!... მღვდელი ოჯახის გაკიცხვას მოერიდა, რაც იყო, ვეღარ გაამხილა, წაიშინა თავში ხელი და აღრიალდა: შვილებო, ვინც არ იცის—ცერცვია, მაგრამ ვინც იცის—ცეცხლიაო!... მეტი რაღა მეთქმისო—თქვა და გამობრუნდა სახლისკენ.

### წმიდა გიორგის რაზმი.

ამ ნომრის ძველ (მეორე) განყოფილებაში იბეჭდება იმერეთის მეფის სოლომონ პირველის ამბავი, მისი თანამედროვე მგალობელი კანდელაკის გადმონაცემი. რომ უკეთ ავწონ-დავწონოთ და გავითვალისწინოთ იმ დიდი სოლომონის მეფობის ხასიათი, საჭიროა მისი წინასწარი დროება ვიცოდეთ და ამისათვის ჩვენ მივმართავთ, როგორც წერილობით, ისე ზეპირ-გადმონაცემ ამბევებსაც.

სოლომონ დიდის მამა მეფე ალექსანდრე, მხოლოდ სახელათ იყო მეფე, თვარა თვით სამეფო-კი სხვისი სახრავი იყო. ციხე-სიმაგრეები თურქებს ეჭირათ ხელში, ჯარი ჰყავდათ ჩაყენებული ყველგან და ქვეყნის ბედსა და უბედობას განაგებდენ. მეფე მათი სურვილების აღმასრულებელი, ყურმოჭრილი ყმა იყო. მთავარმართებელი, ფაშა იზმაილი ქუთაისის ციხეში იჯდა და იქიდან განაგებდა. თურქები ყოველთვის იმასა ცდილობდენ, რომ იმერლებისთვის რჯული და ეროვნული

ელფერი ენასთან ერთად დაეკარგვინებინათ და გაემკამადიანებიათ; მაგრამ მათმა მეცადინეობამ სულ წინააღმდეგი ნაყოფი მოიტანა: რაც უფრო მეტს ტანჯავდენ და დევნიდენ ქრისტიანებს, ისინი უფრო დღითი დღე თავსა სდებდენ ეროვნობისა და ქრისტიანობისათვის და ზიხლით ევსებოდათ გული მტრისადმი. ეს დაინახა ქვეიანმა იზმაილმა და გამოცვალა პოლიტიკა: თვითონ პირდაპირ აღარ ერეოდა ვითომ სამეფო საქმეებში და მხოლოდ მარტო ხარკს იღებდა, მაგრამ ქვეშ-ქვეშურათ კი ფარისევლური მოქმედებით უარეს დღეს აყენებდა. და უწყო ლალიობა დიდ-კაცობას, რომ გადაებირებია თავისკენ გვარისშვილები და იმავე დროს სამღვდელოებასაც გადაუსვა ხელი თავზე. ერთი შეხედვით კაცს ეგონებოდა, რომ ამ მადლიანმა ადამიანმა მტრობა მოყვრობათ შეცვალაო; და სათვალდათვალთ სწორეთ მართლაც ასე იყო. გუნებაში-კი ასე ფიქრობდა: არაფერია, თვალს აუხვევ, მოვატყუებ და მოხიბლული ხალხი მალე გაირყვნება, რჯულსაც დაჰკარგავს და ზნე-ჩვეულებასაც და მაშინ ადვილი მოსაქნელი იქნებაო. სიფრთხილით შეუდგა საქმეს. ვისაც კი შეატყობდა, რომ ძნელი გადასაბირებელი იყო და თავისას არ გასწირავდა, უდგებოდა კვალში, უკრეფდა მიზეზს, დიდ ხანს არ ახარებდა. მაგიერათ თავისი მომხრეები აპყავდა უდიდეს ხარისხზე და ხალხზე მათ გავლენას ძალას აძლევდა. მოხუცებული ქუთათელი მიტროპოლიტი, ყოვლად ღირსი ქვეყნის მოძღვარი, გადააყენებია ალექსანდრე მეფეს და მის ნაცვლათ ახლოგაზდა ჩხეიძე აიყვანეს ქუთათელის ხარისხზე. ეს ჩხეიძე მართლა დიდი გვარის შვილი იყო, მაგრამ, როგორც კაცი, შეჩვენებული და სახელ-გატეხილი იყო. სხვათა შორის ტყვის გამყიდვე-

ლიც კი იყო. უღირსათ და უსამართლოთ გადიდკაცე-ბულმა ჩხეიძემ, რასაკვირველია, იზმაილის სურვილზე დაიწყო მოქმედება და სამღვდლოება არივ-დარია: ღირსეულებს ჩაგრაავდა და უღირსებს, მაგრამ მის მოდასტურებებს კი, აწინაურებდა... ათი-თუთხმეტი წლის განმავლობაში შეიბღალა სამღვდლოება: კუჭის მიმდევრობამ თავი იჩინა. ყველაზე უფრო დაწინაურდა ოკრიბელი მღვდელი ელიაშვილი. ის გახდა მარჯვენა ხელი ჩხეიძისა და მთავრობის მიდგომითა და ყოველ-ღლიური მამულრობით გაძლიერდა: კარის დეკანოზობა მიიღო. ქვეყანას ქულდა, მაგრამ შიშით როგორ გამხელდა და ან ვინ რას გაუბედავდა! ამავე დროს ცხოვრებდა ერთი ძველებური გამოჩენილი სამღვდლო პირი, გელათის დეკანოზი ოქროპირ კანდელაკი. როგორც ქვეყნის ერთგული, ის მთავრობას არაფრათ ეჭაშნიკებოდა, მაგრამ ქვეყნის ხატრს მაინც იჭერდა და პირდაპირ არას ერჩოდა. ერთხელ დიდ-მარხვაში ამას შეხვდა დეკანოზი ელიაშვილი და ჩვეულებესამებრ სამღვდლო პირთა შენდობა მოთხოვა — „ქვეყნის ორგულს შენდობა არ მიგცემიაო“ — მიასხა ცივათ და მოშორდა. ეს შეურაცხყოფა ველარ აიტანა გაზვიადებულმა ელიაშვილმა, დააბეზლა ქუთათელს და ქუთათელმაც გაუგზავნა ჩაფრები და დაქერინა ოცდა თუთხმეტი სული მისი ცოლშვილი და შვილი-შვილები, ჩამოაყვანია და გარდასცა თურქებს, რომ საათორეთში წაეყვანათ ტყვეთ და სულ ცალ-ცალკე გაეყიდათ. წითელი პარასკევი იყო. ეს რომ ნახა ოქროპირ კანდელაკმა, დაიღრიალა: „ღმერთო, რა შეგცოდე, რათ წამიწყმიდე სიბერეო?!.. ჩემი ცოლ-შვილი, ჩემი შვილის-შვილები გაურჯულდენ, წაწყდენ და მე კი 'სასუფეველი ვეძიოვო?!.. ალბათ არ ვყოფილვარ' ღირსი.

ცხონებისა და იყავნ ნება შენისო! მე ჩემ ოჯახს ვერც  
საიქიოს გავშორდები, რადგან ისინი ჯოჯოხეთში შევ-  
ლენ, მეც იმათთან ვიქნებიო!“ გაღესა ხანჯალი, გაიჭო-  
წელში ანაფორას ქვეშ და პირდაპირ შევიდა ქუთათლის  
სახლში. ქუთათელს იზაილ ფაშა ჰყავდა სტუმრათ და  
მიუხედავთ დიდი პარასკევისა, შეიწვარ ბატკნების ხორცს  
შეექცეოდა!.. დაიჩოქა მღვდელმა ო შეჰყვირა: „მღვდე-  
ლთაყარო, რა დაგიშავე, რომ ცოლ-შვილი ტყვეთ წა-  
მოაყვანიეო?! თუ რამე შეცოდება მაქვს, გადამახდევინე  
მე და ბავშვებს რაღას ერჩიო?“ დიდ ხანს ევედრა ტირი-  
ლით, თან-და-თან უახლოვდებოდა მუხლებზე ხოხვით;  
ბოლოს, როდესაც იფიქრა, რომ ახლა კი შემოძლია მო-  
ვიმარჯვო ხელიო, უკანასკნელათ ჰკითხა: მაშ ალარ აქვს  
საშველი ჩემი ცოლ-შვილის ხსნასო?! — მხოლოდ ერთიო,  
სიცილით უპასუხა ქუთათელმა, თუ დაჯდები შენც ჩვენ  
სუფრაზე და ხორცსა სქამო“. თავ-ზარი დაეცა ოქრო-  
პირს, მაგრამ იფიქრა: ჩემ ცხონებას ხომ მაინც არაფე-  
რი ეშველებარ, ამას მოგვლავ, მეც წავწყდები და ჩემი  
ცოლ-შვილიცო, ხორც თუ ვჭამ მარტო მე წავწყდები  
და ისინი კი გადარჩებიანო; დაეთანხმა მასპინძლებს,  
ფირვანი გამოართვა ცოლ-შვილის დასაბრუნებელი და  
მიუჯდა სუფრას, პირველი ნაჭერი რომ აიღო, აუკან-  
კალდა ხელი, პირამდის ძლივს მიიტანა, მაგრამ კრიჭა  
კი ალარ ეხსნებოდა, გადმოყარა ცრემლები, გააღო რო-  
გორც იქნა პირი და ჩაიდვა ლუკმა. უცბათ სახე გაუ-  
ბრწყინდა, პირჯვარი გადაიწერა, სიამოვნებით გაუსვა  
ხელი ჭამას. — „აი ბარაქალა, ქეშეშ, ქეშეშ, მოაძახა იზმა-  
ილმა, გეგემბრიელოო?“. — „დღეიდან შენც ჩვენი ხარო,  
უბრძანა ქუთათელმა. ახლა შეგიძლია შენი ოჯახი უკან  
დაიბრუნეო“. გაძღა ოქროპირ დეკანოზი და ნასადი-

დღეს გამოხსნილი ცოლ-შვილიანათ გაუდგა გზას. ეს ხმა მაშინვე გავარდა ხალხში ქორათ. აღდგომა დღეს, როცა ლიტანია უნდა შემოევლოთ, ხალხმა შეაჩერა მისი საყვარელი მოძღვარი და უთხრა: თუ მართალია, რასაც რომ ამბობენ, დღეს ნულარ გვიწირავო. დეკანოზმა დააღდა ხელი ხახულის ღვთის-მშობელს და შეჰვთია მრევლს: „ტყუილი გაგიგონიათ, შვილებო, ამისმა მადლმა მე იმ სუფრაზე ლობიოს მეტი არა მეჭამოს რაო და ისიც უმარილოო“. ხალხმა დაუჯერა რასაკვირველია და ამით გათავდა ეს უცნაური ამბავი. მხოლოდ რამოდენიმე წლის შემდეგ, სიკვდილის წინეთ რომ გაენდო დეკანოზი ოქროპირ კანდელაკი მის მოძღვარს, აღსარებაში უთხრა, რომ ყოველი ნაჭერი, სანამდი პირთან მივიტანდი, ხორცი იყო, მაგრამ, ვენაცვალე ღვთის სასწაულსა და ძლიერებას, პირში რომ ჩავიდებდი, ლობიოთ გადაიქცეოდა ხოლმეო. რჯულის კანონით მოძღვარს ნება არა აქვს, რომ მოწაფის აღსარება გამოაქვეყნოს, მაგრამ მისმა მოძღვარმა კი მრევლს გამოუტახადა ეს ამბავი. ჩხეიძე ქუთათელი კი თავისას არ იშლიდა. ახალგაზდა მღვდლებშიაც კი ბევრნი გამოჩნდნენ ელიაშვილი დეკანოზის მიმდევარნი. ჩხეიძე ქუთათელმა სხვათა შორის ქართული საღმრთო წერილი გადაათარგმნია არაბულათ სიტყვა-სიტყვით და ისე აკითხებდა ეკლესიებში. მაშინდელი არაბულათ წათარგმნი სახარება, ქართველი ასოებით დაწერილი, დღესაც მოიპოება აქა-იქ იმერეთში. ხალხს რომ აღარა ესმოდა რა, სულ მიატოვა ეკლესიაში სიარული. ერთხელ იზმაილმა ჰკითხა თავისმეგობარ მღვდელ-მთავარს: „მგონია, ტყვილა ვაძულებ თავს ხალხს! ძალა დატანებით მათ რომ სამღრთო-წერილს ქართულათ აღარ ვაძლევთ და მათთვის გაუფებარ



ეხაზე ვუკითხავთ, მაგითი მაინცა და მაინც იძულებულს ვერ ვპყვით, რომ ჩვენს ენაზე გაცვალონ ქართულიო“ — „მაგას ვინ ფიქრობსო?“ უპასუხა ქუთათელმა. ხალხი რომ საყდარში სიარულს აღარ დაიწყებს და საქრისტიანო მოძღვრებას მოკლებული იქნება, მაშინ ნელ-ნელა დაივიწყებს რჯულს, დაჰკარგავს სარწმუნოებას, ზნეობითად დაეცემა და ამ ნაირათ, სულით მკვდარი ხალხი, ადგილი მოსათოკი შეიქმნება. ეს მსჯელობა, რასაკვირველია, მოუწონა იზმაილ ფაშამ და ხვანთქარის წყალობამ და ჯილდომ უფრო და უფრო გააძლიერა და გაადიდკაცა, როგორც ჩხეიძე, ისე მისი მიმდევრებიც. თითო-ოროლა შეჩენებიც კი ააშენეს აქეთიქით მის დროში. ხალხი, რასაკვირველია, თან-და-თან ეცემოდა. უძლური მეფე ვერას შევლიდა და, ვინ იცის, რა ბედი მოელოდა იმერეთს, თუ ღვთის განგებით იმ ხანებში არ შემდგარიყო საზოგადოება, „წმიდა გიორგის გუნდათ“ წოდებული.

ერთხელ გაღმა საბურთალოზე მზის ჩასვლისას კადარს ქვეშ მოეყარათ თავი ახალგაზდა ოჯახის შვილებს და თათბირობდნენ. მათში ვრიენ უფლის წულეებიც, სამეფო ტახტის მემკვიდრე ახალგაზდა, თერამეტი წლის სოლომონ ბატონიშვილი და მისი უმცროსი ძმა არჩილი. არჩილი მაღალი ტანის კაცი იყო, ძარღვებიანი და ძვალ-მსხვილი. იმ დროში ვაშკაცობით და სიმარჯვით ახალგაზდებში მას ვერავინ შეედრებოდა; პირველი მობურთავე იყო, შესანიშნავი ცხენოსანი, მოჯირითე, მეთოფე, მებმლე და მასთანაც სამ ნაბაღზე ახტებოდა. მეტ-სახელათ „წმ. გიორგის მოწაფეს“ ეძახდნენ და „არჩილ გიჟს“. სოლომონიც კარგი შესახედავი იყო;

ბევრში არც ის ჩამოუვარდებოდა არჩილს, მაგრამ უპირატესობა იმაში ჰქონდა, რომ თვალი უქრიდა, — იმის თვალების შეჩერებას ვერავინ ბედავდა. — „ბატონიშვილო, დაიწყა ერთმა კაქიაშვილმა — ჩვენს სურვილს დღეს ღვთის ნებაც დაერთო, წილიც ვყარეთ ღ ჟღეროსობა, — მეთაურობა თქვენ გერგოთ; გვიწინამძღვრეთ, გვიბრძანეთ და დანარჩენი ჩვენ ვიცით“. — „კეთილი! ბრძანა სოლომონმა, მაგრამ ჯერ ერთი ეს, რომ ნება არ გავკეთ ბატონიშვილი დამიძახოთ, ყველას ჩვენ ჩვენი საკუთარი სახელი გვაქვს: არჩილს „გიგი“ ჰქვია, მე — „ქვახეთქია“, შენც „შვილდ-ისარა“ და ამ გვართ თვითოეული ჩვენგანის მოვალეობა ხომ იცით, რა არის? — სურვილის განსახორციელებლათ თავის დადება და ჩვენი სურვილი-კი ის არის, რომ ქვეყნის მტერი და ორგული ვდევნოთ და ერთგულებს ხელი შევუწყოთ. წყალ-გაღმა რომ საქმეს ვაპირებდეთ, ჩვენ წყალ-გამოღმა უნდა დავიწყოთ ჩხირ-კედელაობა. ყველას მხარი მოვუქციოთ და ჩვენზე ეჭვი არავინ აიღოს! გასაჭირში ერთმანეთის მომხრე უნდა ვიყოთ, თუ ჩვენგანს ვისმე უბედურება შეემთხვეს, ჭირისუფლობა უნდა გავუწიოთ არა მარტო იმას, არამედ მთელ ოჯახსაც!.. — რომ ვინმემ გავვთქვას?“ წამოწამოიძახა ერთმა მათგანმა. — „იმას სიკვდილიო!“ თქვა სოლომონმა. „ამინ!“ გაიმეორეს ყველამ ერთხმათ. სოლომონმა აიხსნა ძელი ქეშმარიტი გულიდან, თვითეული მათგანი მივიდა და ემთხვია სასოებით და დაიშალა კრება. ყველა თავისთვის წავიდ-წამოვიდნენ აქეთ-იქეთ. ამას შემდეგ არ გაუვლია დიდხანს, ხმა გავარდა, რომ კარის დეკანოზისათვის ვიღაც ბოროტ-მოქმედებს, ძირში მოუჭირათ ენა და ცხვირი ჩამოუთლიათო. იმავე

დროს რამდენიმე ახალგაზდა მღვდლისათვის ცალ-ცალკე თვალი წამოუთხრიათო.

თავს გამოიდგა მთავრობამ, აქეთ ვცენ, იქით ვცენ, ცდა არ დაუკლიათ, მაგრამ ვერა გაიგეს რა. გაიარა ერთმა კვირემ, ლევან აბაშიძის სახლ-კარი გადაბუგეს. ვერც ამის მქნელი გამოჩნდეს. მოჰყვა ამას სხვა უცნაური ამბევებიც და ისე ღლე არ გავიდოდა, რომ სადმე გასაშტერებელი ამბავი არ მომხდარიყო. ვინცკი თათრების მომხრეთ და ერთგულათ იყო შენიშნული, რომ ფათერაკი არა მოსვლოდათ-რა, — შეუძლებელი იყო. ფეხზე დადგა მთავრობა, მაგრამ მაინც ვერა გაიგეს-რა. ყველაზე თავ-გამოდებული იყო სოლომონ ბატონიშვილი. ზოგიერთებმა ხოსიკა მაჭავარიანზე მიიტანეს ეჭვი: იმან იცის უთუოდ ყოლიფერიო. დაიჭირეს და ჩააგდეს საკანში. საწყალს აღარც ფიცი გაუვიდა და აღარც ჯერი. თუმცა საბუთი ვერა გამოუნახეს-რა, მაგრამ მაინც ქვეყნის სანახავათ და შესაშინებლათ საკირეში დაწვა გაუჩინეს. მზე ჯერ არ ამოსულიყო, რომ გაღმა საკირე გაახურეს და ხალხს თავი მოუყარეს. დიდი და პატარა ზოგი ტირილითა და ზოგი შიშით მოდიოდა: როგორ მოიყვანდენ ტყვეს და ჩააგდებდენ საკირეში. უცებ ოლისკურიდან მომავალი პირბადიანი ცხენოსნები გამოჩნდენ. მათ წინ მოუძლოდა, შუბით ხელში, ერთი თეთრ-ცხენიანი მხედარი. ჩუმათ აღურეს ხალხს გვერდი, შეუპოვრათ მიადგენ საკირეს და დაუწყეს ნგრევა. შეკრთა გაკვირვებული ხალხი, გარისხდა მთავრობაც. შოთმინებიდან გამოსულმა სოლომონმა იძრო ხმალი, რამდენიმე ახალგაზდამ მხლებლებით შეუტია შეუპოვრებს, მაგრამ, როგორცკი მიუახლოვდა თუ არა, მხედარი მოუბრუნდა, ხმა ამოუღებლათ თითი მიუშვირა

ცისაკენ. სოლომონმა და მისმა მხლებლებმა იარაღი ხელიდან დაჰყარეს და დაემხვენ მის წინ. თეთრმა ცხენოსანმა და მისმა მხლებლებმაც გააბრუნეს ცხენები და გაუდგენ გზას. ამ შემთხვევამ ყველა გააკვირვა. ბატონიშვილს და მის მხლებლებს რომ ჰკითხეს, მათ მხოლოდ ესა თქვეს, რომ ვიღაც თეთრ ცხენიანი იყო — ისეთი თვალით შემოგვხვდა, რომ ძალ-ღონე დავკარგეთ ოთ თვალი ვეღარ გავუმაგრეთო. — „აღბათ წმიდა გიორგი იქნებოდა, დაიგრილა ხალხმა, დაილოცოს მისი სასწაულიო!“ ამავედროს დარაჯები მოვიდნენ ოთ მოახსენეს ალექსანდრე მეფეს, რომ გათენებისას თეთრი ცხენოსანი მოადგა ციხეს, ჩამტვრია კარები, შემოისვა უკან ხოსია მაჭავარიანი და თვალსა და ხელს შუა გაუჩინარდაო. ამ შემთხვევამ თვით თათრებიც კი გააკვირვა და ზოგიერთმა მათგანმა მართლმადიდებლის სარწმუნოება მიიღო. მათი ნაშეიერები დღესაც ცხოვრობენ ქუთაისში ინაკავადის გვარით. სულ რამდენიმე წლის განმავლობაში ისე დამარცხდნ თათრის მომხრე ქვეყნის ორგულები, რომ ძველებურათ ფართაშს ველარავინ ბედავდა.

ერთხელ გეგუთში ერთი მღვდელი მოკვდა, ჩაასვენეს კუბოში და საფლავზე რომ მიიტანეს მესამე დღეს, მაშინ გაცოცხლდა... გაუკვირდა ხალხს. ე მღვდელი წამოდგა, თვალები ამოიფშვნიტა, მიიხედ-მოიხედა და მიუბრუნდა ხალხს: — „ვენაცვალე იმის ძლიერებას, ღმერთმა საიქიოდან განგებ გამოგზავნა, რომ თქვენი ცოდვები გამხილოთ და შეგანანებოთო“. მოჰყვა სხვა და სხვა რამეებს, მაგრამ სულ მისთანებს კი, რომელებიც ქუთათელისა და მისი მიმდევრების სასარგებლო იყო. ხალხში რომ ხმა გავარდა, შორეულ კუთხეებიდანაც კი მოდიოდნენ, რომ გაეგოთ და შეეტყუათ გაცოცხლებულ მღვდლისაგან ზეციური ამბავი. ხა-

ლხმა მართლა თითქმის დაიჯერა მისი ამბავი და რყევაში შევიდა. ალექსანდრე მეფემ შეჰყარა ხალხი ქუთაისში, როგორც სამღვდლოება, ისე ერის კაცებიც, და იმ დღისთვის დაიბარა გეგუთელი მღვდელიც. ოქროს-ჩარდახთან, ჭადარს ქვეშ, საჯაროთ ჰკითხა მღვდელს: „მამაო, მართლა საიქიო მოგივლია და ღმერთი გინიხავსო?“ მღვდელმა დაიფიცა, მართალიაო. — „მაშ, მოგვიყევი სიტყვა-სიტყვით, როგორ იყო და ან რა ნახეო“. — „მე, შენი ჭირიმე, მოჰყვა მღვდელი, ამომხდა თუ არა სული, სულთა მხუთავმა მიქელ-გაბრიელ მთავარ-ანგელოზმა მაშინვე ანგელოზებს გადამცა და იმთაუც ჰირდაპირ ღმერთთან წარმადგინეს. დეილოცა მისი ძლიერება, ოქროს ჩარდახში ბრძანდებოდა, ოქროს ტახტზე ფეხ-მორთხმული, თავზე იმისთანა ფესი ეხურა, რომ სულ ელავდა, ხელში ყალიონი ეჭირა სხვა და სხვა თვლებით მოკედლილი, ისე რომ ფასი არ ითქმებოდა! ძალიან ტკბილათ მიმიღო, დიდი პატივიც მცა, გამომიშვირა ხელი და მითხრა: „ბუიურ ქეშეშ ოთურ ხალიჩაზედაო“. მერე გამომკითხა ამ ჩვენი ქვეყნის ამბავი. მეც რასაკვირველია მოვახსენე, რაც ვიცოდი და იმანაც მე. აქეთ გამომისტუმრა, რომ მისი ნება სურველი თქვენთვის გადმომეცა!“ წამოდგა ზეზე აღელოვებული სოლომონ ბატონიშვილი და მიუბრუნდა ხალხს: — „ხომ გაიგონეთ, რაც თქვა ამ მღვდელმაო? რაც თქვა — სულ მართალია, მაგრამ მაგას ღმერთი კი არ უნახავს, ეშმაკი გამოცხადებიაო! აბა რა დასაჯერებელია, რომ ჩვენმა ღმერთმა, ვენაცვალე მის ძლიერებას, უწმინდური ფესი დაიხუროს თავზეო?! და განა ჩვენი საქრისტიანო ქართული ენა არ ეცოდინებოდა, რომ თათრულათ არ დაეწყო ლაპარაკი და არ ეთქვა: „ბუიურ ქეშეშ ოთურ ხალი-

ჩაზედაო?! ცხადია, რომ ამ შეჩვენებულს ჯოჯოხეთი მოუვლიაო! „ვიჯმნი ეშმაკისაგანაო!“ — დაიღრიალა და მიაფურთხა წვერებზე. როგორც მოულოდნელი ქარიშხალისაგან უცბათ აღელვებული ზღვა, ისე შეინძრა ხალხი და შემოახვიენ გარს ფერ-მიხდილ მღვდელს: „ეშმაკი უნახავს, ეშმაკი; ჯოჯოხეთში ყოფილა და იქითკენვე გავისტუმროთაო!“ და გასწი-გამოსწიეს. შეშინებულმა მღვდელმა გააბა ღრიალი: — „დიდებულო, მეფევე, ნუ მოაკვლევინებ ჩემ თავს ჭ ყველაფერს. მართალს გიამბობო“. ბატონი შვილმა არჩილმა გამოგლიჯა ხელში გაფთრებულ ხალხს მღვდელი და უთხრა: — მაშ თქვი, რა ამბავია? ათრთოლებული ხმით მოჰყვა ღვდელი: „დიდებულო მეფევე, შემობრალეთ! მე არც მომკვდარვარ, არც ღმერთი მინახავს და არც ეშმაკიო! ბატონმა ქუთათელმა და მაგისმა მომხრეებმა მიბრძანეს, რომ სიკვდილი მომეგონებია და რაც ღვთის ნაბრძანებათ გადმოგეცით, — ის სულ ქუთათელის დარიგება იყო“. ამ შემთხვევამ ისე აღელვა დიდი ჭ პატარა, როგორც ხალხი, ისე მეფეც, რომ ქუთათელი იძულებული შეიქნა გაქცეულიყო ქუთაისიდან და თავის როკითის ციხეში გამაგრებულიყო. დღესაც როკითლები სარწმუნოთ ამბობენ მამა-პაპისაგან გადმონაცემ ამბავს ამ ჩხეიძეზე: რომ მოკვდა და ეკლესიაში დამარხესო, — გაჩნდნენ გველები მის საფლავში, ამოდიოდნ და ხალხს აფრთხოზდნო!.. არ იქნა, ვერა მოუხერხეს რა, სანამ არ გაქრეს საფლავი, ძვლები არ ამოიღეს და ხანის წყალში არ გადაყარესო. მაშინ კი გველებიც გაქრნო.

ადვილი მისახვედრია, რომ ეს საქმეები, რაც იყო ჩადენილი, სულ ამ მცირე საიდუმლო რაზმის წყალობა იყო, რომელიც საიმედო ახალგაზდათა მამულიშვილებისაგან იყო შედგენილი და რომელსაც თვითონ სო-

ლომონი მეთაურობდა. თავისი ფრთხილისა და წინ-დახედული მოქმედებით ამ პატარა რაზმმა ისე დასცარა თურქების ძალა და ისე გაუმთელა გული ქრისტიანობას, რომ ალაქსანდრე მეფის სიკვდილის შემდეგ, სოლომონი რომ ტახტზე ავიდა, ბევრი აღარა დაჭირვებია რა თათრების მოსაგერებლათ.



ახირებულია ჩვენი საზოგადოება!.. ყოველგან და ყოველთვის სხვისგან გადამეტს თხოულობს და თვითონ-კი თავის მხრით მცირეც ეზარება. ბევრისაგან უმადურობა ისმის ჟურნალ „მოამბის“ შესახებ: ჟურნალი-კი არა, უბრალო კრებული არისო. თუ ჟურნალობას ჩემობს, რატომ ისიც ისე არ გამოდის, როგორც სხვა ქვეყნის ჟურნალებიო, რომ არც შინაური მიმოხილვა აქვს და არც პოლიტიკურიო და კრიტიკის ხომ ხსენებაც არსად არისო. იმ დალოცვილებს ავიწყდებათ, რომ ის, რაც ერთგან მოსახერხებელია, მეორეგან შეუძლებელია. ქალმა თქვაო: „სულ ნუ მეყოლება შეილები ის მირჩევნია, ვიდრე დამახინჯებულსა ვხედავდეთ“. მართალია მხოლოდ ერთი ის, რომ კრიტიკული სტატიები არ იბეჭდება, მაგრამ აქაც რაღა „მოამბეს“ გადავახდევინოთ, რომ ჯერ კრიტიკოსები საზოგადოთ არც ყოფილან და არც არიან ჩვენში, რომ ან სხვაგან სადმე ეწეროსთ და წერონ კრიტიკული სტატიები?!

მაგრამ მიუხედავთ ამისა მაინც ეს ჟურნალი „მოამბე“ სინიღისიერათ გამოდის, სასარგებლოც არის და მაინცა-და-მაინც ხელ-აღებ წუნის დადება მიზეზ-მიზეზობა იქნება. აი, თუ გნებავთ, ავიღოთ ამ წლის № 1 „მოამბე“. სხვა რომ არა იყოს, მარტო ისიც კმარა მოსაწონათ, რომ აქ თ. სახოკიას სამგზავრო წერილებია „გურია-აქარა“ დაბეჭდილი და ან აქვე უსახელო ავტორის სტატია „აფხაზეთის ახალშენები“. ამისთანა რამე.



ებს სხვა ხალხის ჟურნალებშიაც ვერ შეხვდებით. ამათ მარტო ზღაპრული გადაკითხვა კი არ უნდა, საგულისხმოდ ჩაფიქრებაც ეჭივრება. თუ გნებავთ, ესენი იგივე პოლიტიკური და შინაური მიმოხილვაა. იმდენათ, რამდენათაც კი მოსახერხებელი იყო. ამათ გარდა თავი და თავი საყურადღებო რამ პატარა მოთხრობაა დ. კლდიაშვილისა „მრევლში“. ამის გამო გვინდა ცოტა რამ ვთქვათ. საზოგადოდ ქართული მწერლობა ხელოვნების მხრით თავს ვერ მოიწონებს. მართალია იქა-აქ შეხვდებით ნიჭიერ ნაწარმოებს, მაგრამ იმათაც ხელოვნების მხრით დიდი ნაკლი აქვს. ჩვენმა მწერლებმა არ იციან კანონი ნაწარმოების შეფერადებისა, სწორა ლარის გაყვანის, დროზე შეჩერების და ადგილზე წერტილის დასმის. და მიტომ მათი ნაწარმოები, გინდ ნიჭიერიც იყოს და აზრიანი, ხელოვნების მხრით კოჭლობს და შიგა-და-შიგ არის დამახინჯებული.

ნამდვილი ხელოვნება ისეთი რამ არის, რომ, თუ ან მეტი, ან ნაკლები რამ შიგ გამოუჩივ, მორჩა, გათავდა, მისი მთლიანობაც და ერთიანობაც ირღვევა. რუსთველს და ბარათაშვილს გარდა ეს კანონი არავის არ აქვს დაცული ჩვენს მწერლობაში. ეს ბევრჯერ მწერლის ბრალიც არ არის. გარემოება აიძულებს ხოლმე მწერალს, რომ თავისი ნაწარმოები თვითონვე დაამახინჯოს, თუ უნდა რომ გასავალი ექნეს. ამ ოცდა თხუთმეტი წლის წინეთ მე ერთი ლექსი დავწერე: „სიმღერა მკის დროს“. იმ დროის შესაფერათ არ იყო ურიგოდ დაწერილი, მაგრამ კიჟინი დამცეს: ეს უნაყოფო ბულბულობაა და სხვა არაფერია!.. ხელოვნება ხელოვნებისათვისა... აქ სასარგებლო არა არისო. მეც ავდექ და ბოლოში მივაწვამ:

„უხვათ მოვიდა დღეს ჰური,  
მაგრამ ბედს მაინც ვეძღუო,  
რომ მას ბატონი წამართვეს“

და მე კი ოფელსა ტუფილათ ვღვრი“.

ეს რომ ნახეს მომატებული, მაშინ მოიწონეს და დამიბეჭდეს. მე კი ვხედავდი, რომ ეს ხელოვნების შეურაცხყოფა იყო, ჩემ სიმღერას ვირის კუდი გამოვაბი, მაგრამ რას ვიზამდი, რომ უმისობა აღარ მოხერხდებოდა! და მეც არაალობას „კირაობა“ ვარჩიე. შეიძლება დღესაც კიდევ ამ გვარი რამ უშლიდეს ხელს ჩვენს ახალგაზდა მწერლებს და სამწუხაროა, რომ ამდენ ხანს უმეცრებისათვის თავი ვეღარ დაგვიხწეცია. ადრეც მითქვამს და ახლაც ვიმეორებ, რომ ახალ მწერლებში ყველაზე უფრო საყურადღებოა არაგვის-პირელი მისი პსიხოლოგიური ეტიუდებით. მისი ზედ გავლენით მიმბაძველობით ბევრი გამოიწვია, თითქმის სკოლა შექმნა. პირველ ბიჯათ ეს დიდი რამ არის, მაგრამ ის კი საფიქრებელია, რომ ჯერ ამდენ ხანს უფრო დიდზე და უფრო იდეურზე ვერ გადადის, მაგრამ ამაზე კიდევ გვექნება შემდეგშიაც შემთხვევა ვილაპარაკოთ და ახლა გადავალთ იმ ახალგაზდა მწერლებზე, ხალხს რომ მიმართეს და ცდილობენ სოფლების ცხოვრება გაგითვალისწინონ. ამ გვარი მწერლები ადრევეც გვეყვანდნენ, მაგ. ლომიაური, ს. მგალობლიშვილი, ეკ. გაბაშვილისა და სხ., მაგრამ იმათ ნახევრადაც ვერ გავვიმართლეს იმედები და აი, რის ბრალი იყო.

ზოგიერთები საზოგადოთ იმ აზრისა არიან, როგორც სხვაგან, ისე ჩვენშიც, რადგან ჩვენები მხოლოდ მიმბაძავები არიან, რომ რეალიზმი მოითხოვს მწერლობაში მხოლოდ პრიტოკოლოურ აწერილობას უმეტესაკ-

ლებოთ, ისე როგორც ხედავს და ესმის მწერალს. ასე რომ იქ თავისი არ უნდა გაურიოს რაო. მაგალითად, სოფლის ცხოვრება გინდა აწერო? მიდი გლეხისას, რაც ნახო, ან რაც გაიგონო—უტყუერათ ჩაწერე და ეს იქნება ნამდვილი ხელოვნებაო. ეს რომ ასე იყოს, მაშინ ფოტოგრაფიულ სურათებს უპირატესობა ექნებოდათ. ხელოვნებითი მხატვრობაზე და უბრალო ფოტოგრაფიემჯობინებოდა გამოჩენილ მხატვარს რაფაილს. მაგრამ ეს ასე არ არის. მართალია ფოტოგრაფია სწორად აღწერს, ერთ ფიორსაც არ დააკლებს, მაგრამ მაგიერათ განმაცხოვრებელ სულს ვერ ჩაუდგამს იმას, რასაც მიბაძვით უახლოვდება და ხელოვანი მხატვარი კი იმისთანა რამ დამახასიათებელ ნიშანს აიღებს, შეეურჩევს მისთანა წამს გრძნობა-გონების გამომეტყველებისას, რომ სულს ჩაუდგამს და განახორციელებს ნახატს. ამაშია მისი შემოქმედების საიდუმლო ძალა, რომელსაც უფრო სწრაფ-გადამღები, მაგრამ უსულო ფოტოგრაფი ვერ მიწვდება. ასევე უნდა ვთქვათ მწერლებზედაც. ნიჭიერმა მწერალმა სტენოგრაფიულათ კი არ უნდა გადაიილოს ყველაფერი, რაც გაიგონა, ნახა, არამედ ჩაწეროს. არა, ასისა ათასი სიტყვა-ფრაზისაგან უნდა აირჩიოს მასალები, რომელნიც უკეთ დაახასიათებენ მისგან აღებულ საგანს, რასაკვირველია შემოქმედებითი ძალით. ეს, რასაკვირველია, ძვირათ ვისმე შეუძლია და მთარიცხვში ჩვენი დ. კლდიაშვილიც უხვათ არის დაჯილდოებული. მისი პატარა მოთხრობა „მრევლში“ ამგვართაგანია და სამაგალითოც რამეა.

უბრალოთ, თითქო თვითონაც არ აძლევს მნიშვნელობას, ისე გაკვრით გზა და გზა გვიხატავს სოფლის ცხოვრებიდან ერთ სურათს: რა იმედებითა და სასოებით

მიღის ახალგაზდა მღვდელი სოფელში? როგორ დაუხედება მრევლი, როგორ იტანჯება საბრალლო მღვდელი და ბოლოს, როგორ უნდა დაანებოს თავი სულის მოძღვრობას და გახდეს „კანქიათის“ ხუცესი.

თავიდან დაწყებული იმ ადგილამდის, როდესაც მღვდელმა აზიარა მომაკვდავი გლეხი, დაბრუნდა შინ ცოლ-შვილში და დაქანცულმა თავი მიცა ძილს — სწორეთ ძვირფასი რამ არის და აქვე უნდა გათავებულდყო მოთხოვნაც. მაგრამ ზემოთაც ვთქვი, ჩვენმა მწბარლებმა დროზე წერტილის დასმა არ იციან-მეთქი. ბ. დ. კლდიაშვილს მოგონებია მომაკვდავი გლეხი, დაბრუნებია და გვიწერს, როგორ მოკვდა და როგორ იტირეს. ეს სულ სხვა, მეორე ამბავია, რომლის გადაბმასაც წინა მოთხოვნისათვის ძალა დაუკლია. კაცმა რომ ბედაური რაში დახატოს და მერე აიღოს და მეორე კუდიც გაუკეთოს და ისიც კიდევ ვირის, — აბა რა იქნება? პოეტები, როგორც ბუნება თანაზიარი და ადვილათ გამტაცებელი ხალხი, ხშირათ ისეთ რამეს გადაწყვიებიან ხოლმე, რომ სანამ იმ თავის შთაბეჭდილებებს სხვებსაც არ გაუზიარებენ და არ გამოაქვეყნებენ, ვერ მოისვენებენ და შეიძლება ამ გვარი რამ შეემთხვა ავტორსაც იმ ხანებში, სადამდინაც ის შესაზარი სურათია გლეხის სიკვდილისა.

გადააბა, შეიძლება, მაგრამ ნათქვამია: „სხვა სხვის ომში ბრძენიაო“. „მოამბის“ რედაქციას, როცა ბეჭდვდა, როგორ მოუვიდა, რომ ეს ხორც მეტი არ ჩამოაცალა. აი, ეს კი არის სასაყვედურო, თვარა ამ ჟურნალის დაწუნება უსამართლობაა. მჯობნის მჯობნე არასოდეს არ დაიღვევა, მაგრამ, სიმართლეს თუ ვიტყვით, ჟურნალი „მოამბე“ იმ თავიდან ამ ხნობამდე უმნიშვნელოთ არ გამოდის და ხშირათ კარგი და სასარგებლო რამ იბეჭდება შიგ ხოლმე.

---

# სოლომონ პირველი დიდი

## იმერეთის მეფე

(ზეპირ გადმოცემული თანამედროვისაგან, რომელიც იყო სიკო კანდელაკის პაპა და ჩაწერილი მისი შვილი-შვილის სიკო კანდელაკისაგან)

ეს მეფე იყო ალექსანდრე მეფის ძე. თუმცა სამეფო ტახტი უფროს ძმას იოსებს ეკუთვნოდა, მაგრამ ვინაიდან ხედავდა, რომ მისი უმცროსი ძმა სოლომონ უფრო სამეფო კაცი იყო, როგორც თვალ-ტანადობით, გრეთვე ძლიერებით და სიმარჯვით, ამის გამო იოსებმა მეფობა მას დაუთმო და თვითონ ბერათ შედგა.

სოლომონი რომ სამეფო ტახტზე ავიდა, სულ თვრამეტი წლისა იყო. ამ დროს ოსმალეთის ჯარები იყო იმერეთში შემოსული და ციხე სიმაგრეებიც იმათ ეჭირათ: პირველი ფაშა მამედ-ალი კიკიანი ქუთაისი ციხეში იდგა დიდძალი ჯარით და მბრძანებელიც იყო დანარჩენი ფაშების. მეორე ფაშა უსეინ იდგა ბაღდადის ციხეში; მესამე ფაშა ახმედი შორაპნის ციხეში; მეოთხე ფაშა ალიბეგი იდგა ხრესილზე. თუმცა ამათ გამგეობაში არ იყო ჩვენი სამეფო, მაგრამ ბეგარას-კი ახლევინებდენ იმერეთის მფვეს რამდენიმე ათას ყურუმს. ამ დროს

ცხოვრებდნენ იმერეთის სამეფოში ორი თავადი: ერთი რაჭაში, რომელსაც უწოდებდნენ დიდ როსტომ ერისთავათ ლ მეორე არგვეთში თვით მეფის დედის ძმა ლევან აბაშიძე. ამათ შემოიყვანეს თათრები ალექსანდრეს მეფობის დროს, გაუღეს ციხის კარები, დააბინავეს, დაასუსტეს ალექსინდრე მეფის ძლიერება და თვითონ მათი შემწეობით გავლენა მოიხვეჭეს. ახლაც სოლომონის გამეფების შემდეგ დაუ-ახლოვდნენ კიკიან ფაშას ძვირფასი საჩუქრების მიართმე-ვით და ურჩევდნენ, რომ ბაგრატიონის გვარი სრული-ად მოესპო და მათთვის მიეცა მეფობა, ასე რომ ორ სამეფოთ გაეყო იმერეთი: ნახევარი ერთისათვის მიეცა და ნახევარი მეორესთვის. სამაგიეროთ პირდებოდნენ იმე-რეთში მახმადიანობის შემოღებას. უნდა აეშენებიათ მე-ჩითები ქუთაისს, ბაღდათს, შორაპანს, ხრესილზე, საჩი-ნოს, ორაპირს, კულაშს, ხონს, რაჭას, ნიკოლოზ-წმინდის ტაძრის გვერდით, ონში ლ ამბრაღეურში. კიკიანი ფაშა მოხარული იყო, მაგრამ თავის თავათ ცოტა ჯარით შებმას ვერ ბედავდა, რადგანაც, როგორც თვით მეფე სოლომონს, ისე მის ძმას არჩილს დიდი ვაშკაცობის სახე-ლი ჰქონდათ დავარდნილი. მეფე სოლომონს თვალს უჭრიდა და ხალხი დარწმუნებული იყო, რომ ოთხი თვა-ლი აქვსო. მართლაც, პირდაპირ მისი შეხედვა და თვალის გამართვა, როგორც ზაფხულში მოწმენდილ ჰაერში მზის თვალის გამართვა, შეუძლებელი იყო. მის ძმა არჩილზე კი ამას ამბობდნენ: მისმა მადლმა, წმინდა გიორგის სასწაულს გარდა, სიმარჯვით ვერ აჯობებსო. ეს არჩილი იყო ძლიერ ახოვანი, ხმელი, მაგრამ ძვლები ჰქონდა მსხვილი და მოგრძო. იმისი ხმლის ხმარება სამა-გალითო და საარაკო იყო. ცოლათ ჰყავდა ქართლ-კახე-თის მეფის ირაკლის ქალი. აი, მიზეზი, თუ რატომ ვერ

ბედავდა კიკიანი ფაშა ციხეებიდან გამოსვლას და მეფესთან ბრძოლას თავის თავათ, სანამ ხონთქარს არ აცნობა ყველაფერი და არ თხოვა ჯარების დასქელება. ხონთქარმა აუთქვა და ამას შემდეგ კიდევ უფრო გაათამამდნენ, როგორც ფაშები, ისე მათი ჯარის კაცებიც და აღარაფრათ აგდებდნენ მეფეს. ერთ აღდგომა დილას თათრის ჯარის კაცი შევიდა მეფის სამხარეულოში, მეფისთვის მომზადებულ სასაუზნო ცხვარს ააგლიჯა ბეჭი, იქვე შეტპა და წავიდა უშიშრათ. სასახლის გამგემ სხვა ცხვრის კეთება დააწყებინა და აცნობა სახლხუცეს პაპუნა წერეთელს ეს გარემოება. წერეთელი შეწუხდა, მაგრამ რას იქმოდა! მოხსენება ვერ გაუბედა მეფეს. მხოლოდ ქათალიკოსი ჭ დიდებული კარის კაცები, მეფესთან მისალოცავათ მიმავალნი, შეაჩერა, რომ დრო გაგრძელებულიყო და მანამდის მოესწროთ სხვა ცხვრის გაკეთება. მეფეს რომ საუზმე დაუგვიანდა, ვეზირს—თამაზა მესხს—უბრძანა: სად არიან ჩემი დარბაისლები, რომ ვეღარ ვხედავ, ან ქათალიკოსი რატომ არ მობრძანდა, რომ სუფრა მიკურთხოს და ან პაპუნა წერეთელი საუზმეს რათ მიგვიანებს, რომ გავისწილოთ? თამაზამ გამოტეხით მოახსენა ყველაფერი. მეფე ისარ ნაკრავით წამოვარდა ზეზე და დაიძახა: ამისთანა სიცოცხლეს სიკვდილი სჯობიაო! ნულარც გამოთენებია აღდგომა, თუ ისინი იმერეთიდან არ გავრეკოა! მოითხოვა ცხენი, შეჯდა და ვარციხისაკენ გაეშურა: მე აქ ქუთაისში დასადგომი პირი აღარ მაქვსო. დიდებულები ზოგი თან წაყვენ და ზოგი გზაში დაეწიენ. მისვლის უმაღლვე სარდლები დაიბარა: ციხის თავი ქაიხოსრო აგიაშვილი, ბერი წულუკიძე და გიორგი აბაშიძე. მეოთხე სარდალი კი პაპუნა წერეთელი თანვე ახლდა. ამ პაპუნას სამი ხელის-

უფლობა ეჭირა, ესე იგი იყო სახლ-ხუცესი, უფროსი ვეზირი და იმავე დროს ცხენოსნის სარდალი.

სარდლები აღდგომის მეორე დღესვე გამოცხადდნენ. მეფემ უბრძანა ციხის თავს სარდალ აგიაშვილს ბაღდადის ციხეზე მიდგომა. თავის ძმას არჩილს და გიორგი აბაშიძეს— შორაპნის ციხეზე ბრძოლა, ბერ წულუკიძეს და პაპუნა წერეთელს ხრესილზე ომი და თვითონაც იქ ყოფნა აირჩია, რადგანაც თათრის ჯარი იქ მომეტებული იყო და გაშლილი ალაგიც იყო. ქუთაისის ციხის აღება კი უბრძანა ფიცის კაცებს და გაუგზავნა შემდეგი ბრძანება: „თავადს ბერ ლორთქიფანიძეს მეფე სოლომონ სიყვარულით მოგიკითხავ. ამასთანავე გიბრძანებ, რომ მიღებასთანავე ამა ბრძანებითი წერილისა შეკრიბო ფიცის კაცი: თავადნი და აზნაურები თავისი ყმებით და ისინიც, რომელნიც ჩემი სახასო ყმები არიან და ანუ ეკლესიისა; ვისაც იარაღის ხმარება შეეძლოს თავად-აზნაურობისაგან სუყველა და გლეხებისაგან მხოლოდ თვითო გამოაწვიე. შემოჰკარი ქუთაისის ციხე, დაამწყვდიეთ შიგ ოსმალეთის ჯარი, არავინ გამოუშვათ! ვინც გამოვიდეს და ქრისტიანობის მიღება განაცხადოს, ის დაკრძალეთ და შემდეგ ჩემთან მოიყვანეთ. მეფე იმერთა სოლომონ“.

ამ გვარივე ბრძანება გაუგზავნა მიქელაძეს. „თავადს ზურაბ მიქელაძეს სიყვარულით მოგიკითხავ და გიბრძანებ: ახლავე შეკრიბე ჯარი, გამოაწყვე ყველა თავად-აზნაურნი და გლეხნი, საჩინოს სოფლიდან მთელი მთის მცხოვრებნი, ვიდრე გურიის საზღვრამდე; ვაკიდან— ორპირი, კულაში, ჯაგანი, გეზათი, მაედანი, ჯიხიაში ორივე სოფლები, გუბი და ეწერი. კომლზე თითო გლეხი გაიყვანე, თავად-აზნაურს, რომელსაც იარაღის ხმარება შეეძლოს— რამდენიც იყოს ოჯახში, ნუ და-



ტოვებ და შეკარი ფოხის გზა, სადაც გურიისა და ფოთის გზა შეერთდება იქ, ესე იგი ეკალ-მუხურში დაბინავდით. ოსმალოს ჯარი არც აქეთ მომავალი და არც იქეთ მიმავალი არ გაუშვით, სრულებით გაწყვიტეთ! მეფე იმერეთისა სოლომონ<sup>4</sup>. ამ ბრძანების მიღებასთანავე ზურაბ მიქელაძე მივიდა ორპირის ქალაქს და გაგზავნა კაცები ჯარების გამოსაწვევათ. ამ დროს მოვიდნენ ახალგაზდა მიქელაძეები, რომელნიც ქალადიდს მაყრებათ ყოფილიყვენ ქორწილში და გზაში შეპყროდნენ თათრებს, იმერეთიდან ტყვეები რომ მიყავდათ სათათრეთში, მაგრამ წინააღმდეგობა ვერ გაეწიათ მეფის ხათრით. ახლა კი, როდესაც გაიგეს მეფის ბრძანება, გამოუდგენ, მიეწიენ ფოთთან, თათრები გაწყვიტეს და ტყვეები გამოიხსნეს. ეს გარემოება როსტომ ერისთავმა და ლევან აბაშიძემ სიჩქარით აცნობეს კიკიან ფაშას. მან ცნობისათანავე გზის შეკვრამდის გაგზავნა ფოთში კაცი და დაიბარა ჯარები, მაგრამ ამ ჯარებს დახვდნენ ეკალ-მუხურში მიქელაძეები. შეიქნა დიახ ფიცხელი ომი და სულ ცხვის ფარასავით გადაყარეს თათრები რიონის წყალში. ფიცის კაცებმა ქუთაისის ციხე შემოკრეს. მეფის სურვილი იყო, რომ თათრებთან ომი ყოველ ადგილს ერთსა და იმავე დღეს, რაც შეიძლება, სიჩქარით დაწყებულიყო, მაგრამ პაპუნა წერეთელმა მოუშალა და ურჩია როსტომ ერისთავთან წასვლა და იმასთან მოლაპარაკება. ამ რჩევაზე დათანხმდა მეფე და მოულოდნელათ მიბრძანდა ბარაკონს ერისთვისას. როსტომი იმ დროს საღალატოთ ემზადებოდა: უნდოდა, რომ ლევან აბაშიძესთან ერთად თათრებს მიხმარებოდა და, რასაკვირველია, მეფის მიბრძანება სასიამოვნოთ არ დაურჩა. იმ ღამეს სასტუმროში მიიღო, თვითონ არ ნახა მეფე, ბო-

დიში მოითხოვა: ავით ვარო. ვახშამი ღიახ საკადრისო მოუშადა: სხვათა შორის ირემიც დაუკლა და ქამის გათავებამდის, როგორც მეფის სადღეგრძელოზე, აგრეთვე ისეც დრო-გამოშვებით ზარბაზანს ისროდენ ციხადან. ორივე კარებზე ოსმალური წესით ორმოც-ორმოცი კაცი ხელ ჯოხიანები იდგენ უიარალოთ და ქამის გათავების შემდეგ შეიარაღებულნი — გათენებამდის. დილას, მეფის პირის დაბანის შემდეგ, გავიდა როსტომ მეფის სანახავათ განძრახ მოურიდლათ და თავხედათ: ახალუხზე ტოლომო წამოსხმული, წითელი ჯამფასის ნიფხვით და ქოშებით. მეფემ ეს არაფრათ შეიმჩნია: „როგორც გიჭირდეს, ისე გიღირდესო“ — თქვა თავის გუნებაში და ჩვეულებრივი მოკითხვის შემდეგ საქმეზე დაუწყო ლაპარაკი და თხოვა, რომ თავისი რაქველებით ხრესილზე მოსულიყო და მოხმარებოდა. ერისთავი დიდი მორჩილებით დაეთანხმა; აღუთქვა ოთხი ათასი კაცის გამოწვევა. გაგზავნა ყოველი მხრით მისი შვილები ჯარის გამოსაწევვათ: რაქაში და ოსეთში — კუდაროს და თხოვა მეფესაც მასთან დარჩენა, სანამდის ჯარი სულ არ შეგროვდებოდა.

გამოწვეული ჯარები წვრილ-წვრილათ იკრიბებოდენ ბარაკონში ერისთვის დიდ ეზოში. მეფე დიდ შექცევაში ჰყავს: დილაობით ყოველ დღე ყაზახზე სროლა არის, საღამოობით ჯირითი და სადილ-ვახშამზე ზარბაზნების სროლა. მეფე გაკვირვებულია ამ კაცის ცხოვრებაზე და პაპუნას უბრძანებს: „მადლობა ღმერთს, გურიელსა და დადიანს ვარდა კიდევ მყოლია დედებული ქვეშევრდომებიო!“ ამ ყოფაში იყვენ რამდენიმე დღე, რომ მესამე დღეს ორმა კაცმა ცხენი მოაჭენა ხიდისკარიდან, მივიდენ პირტაპირ ერისთავთან და აცნობეს: ნაქერალას

მთაზე თათრის ჯარი ამოვიდა და შაორის მდინარეზე და-  
ბინავდაო; როგორც გავიგეთ, ხრესილზე მდგომი ჯარის  
ოცდაათი ათასისაგან ნახევარი აქეთ წამოსულაო. ეს  
ლაპარაკი მაღალი ხმით იყო. მეფემ მოკრა ყური და უბ-  
რძანა ერისთავს: რა ამბავი არისო? ერისთავმა მოახსენა:  
რაქაში მტერი შემოგვსევია და აოხრებს მიპირებსო,  
მაგრამ მაღლობა უფალს, რომ მეც მომზადებული ვარ,  
იმას რაქაში არ შემოუშვებ, ნაქერალაზე გადმოვყრი და  
მერე თქვენ მოგეშველებითო. ახლა-კი წაბრძანდით,  
დროს ნუღარ კარგავთო. მეფემ მაღლი უბრძანა და და-  
იმედებული გამობრუნდა. თათრების ჯარების შესვლა  
რაქაში თურმე გამოგონილი იყო ერისთვისაგან. მეფე  
მოატყუა და დროც დააკარგვია, რომ მანამდი ხრესილ-  
ზე თათრებისათვის მეფის განძრახვა ეცნობებია. რაქიდან  
გამობრუნებულ მეფეს სიმონეთში სარდალი ბერი წუ-  
ლუკიძე დაუხვდა დიდი ჯარით, მეფემ ჯარი დალოცა  
და გასამხნევებელი სიტყვები უბრძანა: „ჩემო იმერლებო!  
მტრები ბევრით ჩვენზე მეტია, მაგრამ ნუ შეშინდებით!  
დღეს მარტო ჩვენ არა ვართ მეომარნი, არამედ ჩვენთა-  
ნა არს ძალი იესო მაცხოვრისა. დღეს ეჭირვება ქრის-  
ტიანობას გამოხსნა. შესწირეთ თავი თქვენი, ქრისტეს  
სარწმუნოებას, გამხნევდით, შვილებო, გამხნევდით! მეც  
თქვენთან ვიქნები, არც ჭირში და არც ლხინში არ მი-  
გატოვებთ და ღმერთი იქნება ჩვენი შემწე!“ ეს რომ თქვა,  
ჯარის დაწყობაც ბრძანა. გამოვიდა კერძოთი ცხენოსანი  
ჯარის სარდალი პაპუნა წერეთელი და დააწყო ცხენოსანი  
ჯარი. გამოვიდა ბერი წულუკიძე — სარდალი ქვეითი  
ჯარისა — და დააწყო ქვეითი ჯარი. შედგა სულ ქვე-  
ითი და ცხენოსნის ჯარი თერთმეტი ათასი. მეფემ  
გამოთხოვა პაპუნას ნახევარი ცხენოსნის ჯარიდან ლუბ-

რძანა: თუმცა შენ ხარ ყოველ ომში მემარჯვენე, მაგრამ ხვალ მე უნდა ვიქნეო. იმ ღამეს მტერზე ახლოს შივიდენ. მეფეს არ უძინია, მთელი ღამე დაჩოქილი ლოცულობდა. ბრძოლის წინათ ბრძანა ღვინის მიტანა; აივსო აზარფეშა და თქვა: „დიდება ღმერთსა! ღმერთო, გაუმარჯვე ჩემ ჯარს, სპერსტიანოს გამოხსნისათვის მსხვერპლათ დამზადებულს!“ დაცალა და გადასცა პაპუნა წერეთელს. წერეთელმა თაყვანის-ცემით ჩამოართვა სასამო, აავსო და დაილოცა: „ღმერთო, უსმინე ბატონ მეფე სოლომონსო!“ წერეთელმა ბერ წულუკიძეს გადაუღია და იმანაც ჯარი შეავედრა წმინდა გიორგის. მოემზადენ საომრათ. პირველ მამლის ყვილზე მიადგა ბერი წულუკიძე, საიდანაც მარჯვე ადგილი იყო. დაჰკრეს საომარი ბუკი და ნაფირი. მეფემ მარჯვნივ შეუტია და პაპუნამ მარცხნივ. შეიქნა დიდი ფიცხელი ომი. გათენებამდე ძლევა არც ერთ მხარეს არ რჩება. რომ გათენდა, დაინახეს, რომ მეფე შევარდნილა შიგ შუაგულ ჯარში და ხმალ-ამოღებული ეძებს, უყვივის და იწვევს დავლურში ალი-ფაშას. ამასობაში ბერმა წულუკიძემ და პაპუნა წერეთელმა შემოამტერიეს საფრები. თათრის ჯარი გაქცევას აპირებს, მაგრამ ლევან აბაშიძე თავის ჯარით ამხევეებს მათ!..

მეფემ დაინახა ფაშა, შექყივლა თათრულათ: „აიყარე იარაღი და ან მარჯვეთ დამხვდიო!“ ფაშა მეფის დანახვაზე ისე შეშინდა, რომ, როგორც იყო, ნახევრამდი ხმალი ძლივს ამოიღო. ომის დროს საოცარი რამ სანახავი იყო ბატონი მეფე! მიიგდო ცხენი და როგორც ქათამს, ისე გააგდებია თავი ფაშას. ალი-ფაშის სიკვდილის შემდეგ სარდლობა აბაშიძეს დარჩა და გაგრძელდა ისევ ომი. რომ არავის უბრძანებია, ისე ერთი ვილატ ჯარის კაცი

გავიდა დიდ ხეზე და მორთო ძახილი: „გაიქცა თათრის ჯარი და ლევან აბაშიძეო!..“ ამ ტყუილმა ძახილმა ჩვენი ჯარი გამოაფხიზლა. ეს ხმა ლევან აბაშიძესაც მოესმა, მიიგდო ცხენი, ხეზე, შენიშნა, რომ მყვირალი კაცი ხეზე იყო გასული, შემოუარა ხეს და დაეძებდა, საიდან მოეხერხებია სროლა. ამ დროს ერთი ჯარის კაცი თურმე ჩირგვეში იყო მიმაღული, მიაღწა თოფი აბაშიძეს და გადმოაგდო ცხენიდან. გადმოიხედა ხეზე გასულმა კაცმა, დაინახა, რომ აბაშიძის რახტით შემკული ცხენი უპატრონოთ გარბის და პატრონი-კი ძირს აგდია მკვდარი, — მოუმატა ყვირილს: „მოჰკლეს აბაშიძე და ფაშა ალი ბეგო!..“ ამ ორი სარდლის სიკვდილმა თათრის ჯარები სრულიად მოშალა. სამხრობამდის კიდევ გაგრძელდა ომი, მაგრამ მხოლოდ წყვეტდნ და იჭერდნ თათრის ჯარს, რომელსაც ხელის გამოდების ღონე აღარ ჰქონდა, თვარა ნამდვილი ბრძოლა-კი დიდი ხნიდან გათავებული იყო. მეფეს, თუმცა წინათვე მოახსენეს აბაშიძის სიკვდილი, მაგრამ ომის დასრულებამდე არ უნახავს. შემდეგი მივიდა, გადააფარებინა ნაბადი და იტირა ისე, როგორც ეკადრებოდა ნათესავს. არც ერთი საყვედური არ უთქვამს! შეაკრევეინა კუბო და დიდი პატივით გაგზავნა თავის სახლში. მოითხოვა აბაშიძის მკვლეელი, მაგრამ ვერაინ გამოჩნდა შიშის გამო, სანამ დაჯილდოება არ ბრძანა. მაშინ-კი მოიყვანეს მესხეთელი გლეხი გეგელა თევდორაძე. — „როგორ გაბედე შენ ბიძაჩემის მოკვლაო?“ უბრძანა მეფემ. — „მე ბიძა თქვენი კი არა — ქვეყნის მტერი და ორგული მოვკალიო“ — მოახსენა თევდორაძემ. მეფეს გაეცინა, აზნაურობა უბოძა, სახელი გვართ შეუცვალა: თევდორაძეობა გეგელაშვილათ, რომ მისი ნაშვირები გეგელაშვილათ იწოდებოდნენ. მას-

თანავე აჩუქა ათი კომლი გლეხი და სახნავ-სათესი ადგილები გეგუთში. გამარჯვებულმა და გახარებულმა მეფემ იმ ღამეს ცუცხვათში მოისვენა და მეორე დღეს ქუთაისს მიბრძანდა.

იყო ერთი დიდი მილოცვა და სიხარული. ამ დროსვე მოვიდა მახარობელი შორაპნის ციხის აღებისა—ქაიხოსრო ქაქიშვილი და ბალდადის ციხისა—კოსტანტინე კოპაძე. ქაქიშვილს უბოძა არგვეთში ჩვიდმეტი მოსახლე გლეხი ღ კოპაძეს წაბლარ ასხევას მთა—ნახევარი. ამ დღესვე გამოეცხადა მეფეს ბერი ლორთქიფანიძე, მიულოცა გამარჯვება და მოახსენა: ეს ოც-და-ხუთი დღე გადის, ციხე შამოკრული მაქვს და გალავანს გარეთ ვერავენ გამოსულა, გარდა ექვსი კაცისა, რომლებიც ასის თავმა მომგვარაო. იმათი წინაპარნი ოდესმე ქრისტიანები ყოფილან და სურთ, რომ ისევ მამა-პაპის რჯულს დაუბრუნდნო. მეფემ ბრძანა მათი მოყვანა. ლორთქიფანიძე მიუძღვა. ტყვეებმა პირველათ თავის წესისამებრ ხელი პირზე მიიდვეს, შემდეგ მიწას პირი დაყვეს, შუბლზე ხელები მიიდვეს და მოახსენეს მეფეს: ქრისტიანობის მიღება გვინდაო. მეფემ ყოველიფერი გამოკითხა მათ. გამოდგა, რომ ერთი მათგანი—გვარათ კვინიხიძე—აჭარიდან იყო, მეორე—გვარათ ქვარიანი—შავშეთის ქვეყნიდან; მესამე—გვარათ ჭოლოშვილი—ასპინძიდან, მეოთხე—გვარათ კიკიანი—ქანეთიდან, მეხუთე, ინაკვაძე, ჩაქვიდან ღ მეექვსე, კეყერაძე, ქობულეთიდან. ეს კაცები თავის რჯულისამებრ სწავლით განათლებული იყვენ. მეფემ უბძანა მათ: ეგებ გულით არა გსურთ ქრისტიანობა ღ შიშით გაიძულებდესთო? მე ძალას არ ვატანთ, გამოთავისუფლებიხართ, წადით, სადაც გინდათო. ამ სიტყვაზე დაიჩოქეს თათრებმა და რჯული ქრისტიანობისა იხზოვეს.

მეფემ პაპუნა წერეთელი მისცა მათ ნათლიათ. ჩაიყვანეს თვით მეფის სახლის ოქროს ჩარდახთან და მონათლეს. მეფემ უბოძა მათ აზნაურობა და მამულებიც დაანათლიავეს. ერთმა მათგანმა—ანანია ქოლოშვილმა—მიიღო ქართული სწავლა და შვენიერი მწერალიც იყო. ბევრი გრამოტები და განჩინებები არის მისი ნაწერი იმერეთში.

როგორც ზემოთა ვთქვით, ქუთაისის ციხე ფიცის კაცებისაგან იყო შემოკრული. ფოთიდან თათრები საზღვარ ველარ აწვდნდნენ; რადგანაც ზურაბ მიქელაძე შიგ კრიჭაში უდგათ. დრო იყო, რომ შიმშილით დაღონებულ თათრებზე იერიში მიეტანათ, მით უფრო, რომ სამი-ათასი, კიბე გარედან ციხეზე მისადგმელი, ფიცის კაცებს მზათ ჰქონდათ და მეორე დღეს კიდევ მიადგნენ. ბერმა ლორთქიფანიძემ უბძანა ნაფირის დამკვირველს: სანამდი მე გალავანზე არ შევდგე და ნიშანი არ მოგცე, ნაფირი არ დაუკრაო. ჯარსაც ეს ჰქონდა მისგან ნაბრძანები, რომ პირველ ნაფირის ხმაზე ყველა ერთათ გადამხტარიყო გალავანში. მიიღგეს ღამით გალავანზე კიბეები, შეჩერდნენ მაღლა, დაჰკრეს ნაფირი და ყოველი მხრიდან ერთ დროს გადაცვინდნენ ციხის გალავანში. შეიქნა დიდი ბრძოლა და მზის ამოსვლამდის იბრძოლეს. მოკლეს კიკიანი ფაშა და ჯარიც სრულებით ამოწყვიტეს. ციხეში გამომწყვდეულმა მტრებმა შიმშილის გამო მაინცა და მაინც დიდი წინააღმდეგობა ვერ გაუწიეს. ამ შემთხვევაში იყო ერთი არგვეთის აზნაური, გვარათ ჩიკვაიძე, თავის სიმამრს ავალიანს ახლდა; შეხვდა ხატაველი კატა, რომელსაც ქართულათ ბარგის კატას ვეძახით: გასულიყო ხეზე და ტოტებზე დახტოდა. ჩიკვაიძემ დაანუბა თავი ომსაც და საშოვარსაც, მორთო

ქცივილი და იხვეწებოდა: ეს კატა დამაქერიეთო, მაგრამ რა დროსი იყო და ვინ აყვებოდა, რომ მოხმარებოდა. გამარჯვებულმა ჯარმა ერთათ შეკრიბა ყოველივე საშოვარი და საომარი იარაღი, მოართვა მეფეს, მაგრამ მეფემ ყოველივე იმათვე უბოძა გარდა ზარბაზნებისა. ეს უკანასკნელი იყო ქუთაისის ციხე, რომელიც ეკირათ თათრებს ხელში და რაღაი ეს აიღეს, კიდევ გაიწმინდა იმერეთი სრულიად თათრებისაგან. დამწვიდდა ქვეყანა და ძღვევა-მოსილი მეფე მიეცა სიხარულსა და განცხრომას. ყოველი მხრით მოდიოდნენ დიდებულნი და, მორჩილებით თაყვანის მცემელნი, ულოცავდნენ გამარჯვებას.

ქუთაისის ციხე საკუთრათ ფიცის კაცებმა აიღეს, ისე რომ სხვა აღარავინ გაურევიათ; ფიცის კაცები იყვნენ შემდეგი გვარისანი: თავადი ლორთქიფანიძეები, აზნაურნი: მესხი, ავალიანი, იოსელიანი, ლოლობერიძე, მიქაბერიძე, ყიფიანი, ქორქაშვილი; იაშვილი, უგრეხელიძე, გრიგოლაშვილი და ჭაბუკიანი. ესენი ცხოვრებდნენ სოფლათ: ახალბედისკულში, დედალოურში, ცხუკურში, გვაშტიბში, ჩუნეშში, წყალტუბოში, ქვილიშორში, გუმათში, ჯიმაშტოროში, ოფიჩხეთში, ნამახვანში და რიონში. ამ სოფლებს საზღვრავდა აღმოსავლეთით სოფლები: სიმონეთი, ქვაშავა, ნავენახევი, ძვერული ანუ იგივე ძვერი, ჩხარი და ნაქერჯლას მთა; აქედან გაგრძელდებოდა დასავლეთით, ვიდრე დადიანის საზღვრამდის და ხონამდის; სამხრეთით: ვაკე იმერეთი — ქუთაისი და კიშურა; ჩრდილოეთით: კვალადვე დადიანის; საზღვარი, ბომბუას ხიდი, გორდი და ლეჩხუმი, ვიდრე რაჭის საზღვრამდის. ამ საზღვრებს შიგნით, ზემო თქმული სოფლები, ისეთი მიუდგომელი ადგილები იყო, რომ



ვაკე იმერეთიდან და ქუთაისიდან ურმის შესვლა არ შეიძლებოდა: სრულებით მთა-გორა და კლდოვანი ადგილები იყო. ვაკეს სივრცით ერთ ქცევა ადგილსაც იშვილათათ შეხვდებოდიტ გარდა ერთი ადგილისა, რომელსაც ჰქვია გურეშევი. ამ გურეშევის ზემო კერძოთი უძახდენ ერთ-პატარა ნაკვეთ ადგილს ლეკერწას, სადაც იდგა ერთი შესანიშნავი დიდი მუხის ხე, ფიცის კაცნი, ეიღრე თუთხმეტი წლისა, თავისი ყმებით, სამღვდელმრეებით და ხატებით მათი ეკკლესიისა ამ მუხის ხესთან შეიკრიბებოდენ ყოველ წლობით თუთხმეტ მაისს და იფიცებოდენ ესრეთ: მეფის ერთგული ვიყოთ და თანაც ჩვენი ოჯახების მტრის მტერი და მოყვრის მოყვარეო. გვარებს კი თვითეულათ აღიარებდენ. როდესაც ერთი მათგანი ფიცს ასრულებდა, მისი ყმები უკან იდგენ და ფიცის შესრულების შემდეგ მიდიოდენ, ხატებზე ხელს ადებდენ და იტყოდენ: ჩვენი ბატონი მართალს ფიცავს ამისმა მატლმაო. და რომ ფიცი გათავდებოდა, გამოვიდოდენ იქვე გურეშევის დიდ შენეიერ მინდორზე. იქ ქონდათ მომზადებული ნეშოს კარვები, ბარგი, ხაბაზები, მზარეულები და ყოველივე ჭამის სამკაული, ვისაც როგორ თავი მოსწონდა. ლოგინებათ ჰქონდათ ნეშო და ზედ გაგებული ხალიჩები და ქვეშ-საგები საზაფხულო. თუმცა, როგორც ბინა ცალ-ცალკე, ეგერვე სადილ-ვახშამიც კერძოთ კეთდებოდა, მაგრამ ჭამათ-კი ყველანი ერთათ დაჯდებოდენ. პირველათ უმთავრესი სასასპოთი უნდა დაეღიათ ღვინო და ეთქვათ: „დიდება ღმერთსა! ღმერთო, გაუმარჯვე ჩვენს მეფეს და მის ერთგულს ერთობით ფიცის კაცს, შენდობა ბატონოო“. იყო სიმღერა, ცეკვა-თამაში და გაუწყვეტლი თოფის სროლა. ეს ღვინი გასწევდა, უკეთუ ღარი იქნებოდა, ორ კვირეს.

იყო ყოველ დილაობით ყაბახზე სროლა, საღამოს ჯირითი. პირველი ყაბახის გაგზავნის მოვალე იყო მეფე; აგზავნიდა ბტყლოთ გაქედნილ ვერცხლს. ამის ჩამოგდების შემდეგ დასვამდენ ყაბახათ ქაშანურს; მაგრამ ყოველი ოჯახიდან იყო მოტანილი ნაცვლათ ყაბახისა ვერცხლის იარაღი, ე. ი. აზარფეშა, თასი და დიდროვანი ვერცხლის სტაქნები და ვის სახელოზედაც ყაბახი დაისმოდა, მისი მიტანილი ვერცხლეულობაც იქვე ხის ძირში იდვა. ვინც ყაბახის ქაშანურს გატეხდა, ვერცხლიც მისი იყო. ფიცის კაცს დიდი გავლენა ჰქონდა მეფეებთან, ასე რომ უკეთუ ვისმე მეფე გაუწყებოდა, შერისხული მიმართავდა ფიცის კაცს და თუ შეასწრებდა ფიცის კაცის საზღვარში, მღვეარი ველარ შეყვებოდა; რა კი ფიცის კაცს მიენდობოდა, მეფე ძალით ველარ გამოიყვანდა. შეიკრიბებოდენ ერთობით ფიცის კაცნი, ესენი ცოტანი არ იყვენ: ათასი მეომარი სახელოვანი გამოვიდოდა მარტო თავად-აზნაურნი და მათი ყმები-კი, რასაკვირველია, ზედ მეტი იყო. ფიცის კაცნი, თავის ყმებით შეკრებილნი, ერთ ადგილას ქუთაისის მახლობლათ დაბინავდებოდენ, მიუგზავნიდენ მეფეს მოციქულს და მოახსენებდენ, რომ ეპატრიებიათ მათთვის ის დამნაშავე კაცი. არ იშუამდგომლებდენ მხოლოთ მეფისა და ქვეყნის მოლალატეზე; სხვებს კი, როცა შენანებულს ნახავდენ, თავის კალთას აფარებდენ და მეფეც იძულებული ხდებოდა მიეტყვებია. ფიცის კაცებს, მეტადრე ომის დროს, დიდი ერთობა ჰქონდათ: ომში ერთათ შედიოდენ,—ერთი მეორეს ვერ დატოვებდა, გაწყდებოდენ ერთათ და გამოვიდოდენ კიდევ ერთათ. როგორც დაჭრილს არ დატოვებდენ, ეგრეთვე არც მკვდარს. და თუ ვისმე შენიშნავდენ, რომ ხელ-გამოულებელი და ან შეშინებულ-

ლი მოკვდა, იმას აღარ მარხავდენ და არც შინ წამოიღებდენ, მინდვრათ დატოვებდენ მხეცების შესაქმელათ. უკეთუ ამისთანა კაცი ცოცხალი დარჩებოდა ომის დროს, იმაზე იტყოდენ: ფიცის კაცს უღალატაო და აღარც შეიძლებოდა დაეყენებიათ მათ საზღვარში, აყრიდენ და გადაასახლებდენ, მაგრამ მის ადგილ-მამულს კი ფიცის კაცებივე შეიყიდდენ ღირებულ ფასათ.

პირშავი ერისთავი დიდ ხანს არ მოკარებია მეფეს, სანამ არ დარწმუნდა, რომ ვეფე სახუმროთ აღარ გაძლიერდა და მორჭმით ზის ტახტზეო. მაშინ კი წამოვიდა შეილებიანათ მეფის მისალოცავათ, წყვილი ირემი და საქებარი სახორცეები წინ-დლით მოართვა. მეორედღეს მოვიდა, ბინა უჩვენეს, გადახტენ, ტანისამოსი გამოიცვალეს და იახლენ მეფეს. ორი დიდებული მეფის კარის კაცი წინ მიუძღოდა. მეფე აუღდა. ერისთავებმა კვანტ გადადებით თაყვანი სცეს და გაჩერდენ. — „ყოვლად ძლიერო მეფეო იმერეთისა, დიღო სოლომონ! — ჰკადრა როსტომმა — მოგილოცავ გამარჯვებას, რათა ძლიევა შემოსილმა მარჯვენემა თქვენმა დათრგუნა წინა-აღმდეგნი მტერნი თქვენნი ქვეშე ფერხთა თქვენთა. თქვენ დაავიგვინეთ სამეფო თქვენი ესე, ვითარცა წინაპარმან თქვენმან ლეონ ბაგრატიონმა, რომელსაც დაადგა თვით ანგელოზმა თავსა ზედა ზეგარდამო ხელთუქმნელი გვირგვინი, ვითარცა უბრძანა მაცხოვარმა მოციქულსა პეტრეს: შენ ხარ კლდე და ამა კლდესა ზედა აღვაშენო ეკლესია ჩემიო. ეგრეთვე შენ ხარ კლდე გვირობისა და სიმტკიცე ქრისტიანობისა. თქვენ შეიმოსეთ ძალი ძლიერი, გაანათლეთ იმერეთი და ამიერიდან მაჰმადიანის მძორებითა აღარ შეიბილწების ნათელ-ღებული სამშობლო ჩვენი. ვთხოვ, ზეგარდმო

განგებას ესრეთ ზანაგრძოს დღენი თქვენი მრავალ წელს და შემდეგ თქვენი მეფობისა მემკვიდრეთა თქვენთა ასეთივე ძალა და დიდება შეიმოსონ, ვითარცა თქვენ!“ მეფე თვალეზში შეჩერებოდა ჭ ბოლოს ბრძანა ცივათ: როსტომ ერისთავო, ღმერთსა ვთხოვ ის შემასრულებიოს შენთვის ჭ ჩემი სამეფოსთვის, რაცა მსურდეს ჭ გულში მედვასო. დარბაისლებმა დასძახეს ამინ. პაპუნა წერეთელმა-კი ორჯერ გაიმეორა ამინ, ამინო. ერისთავებმა კვალადვე თაყვანი სცეს. მეფემ ფეხი წინ წამოადგა, როსტომმა გულზე აკოცა, მეფემ თავზე, შვილები-კი ხელეზზე ეამბორენ მეფეს. ბრძანა მეფემ სელის მოტანა და გვერდით მოისვა ერისთავი. შვილები-კი მოშორებით კერძო აღგილას დასვეს. ისეთი რამ სანახავები იყვენ ერისთავები, რომ უცნობი ვინმე როსტომს მეფეთ ჩათვლიდა და მის შვილებს მეფის შვილებათ. დიდხანს დარჩენ მეფესთან ერისთავები, ერთათ ისადილეს და სადილის შემდეგ-კი გავიდენ ბინაზე. შვილებმა უთხრეს როსტომს: ძალიან ალერსიანათ გვეპყრობა მეფეო! მამამ მწარეთ გაიღიმა: თქვენ ვერ ატყობთ, თორემ ეგ ალერსი რისხვაზედაც უარესიაო. პაპუნა წერეთლის ამინ-ამინი კარგს არაფერს მოასწავებდაო და თუ ჩვენ თავი დღეს არ დავაძვრინეთ როგორმე, ცუდათ არის ჩვენი საქმეო. შორს გამჭვრეტელმა ერისთავმა პაპუნა წერეთელი და ორი დიდებული გაუგზანა მეფეს და თხოვა: რადგანაც სიშორისა გამო თქვენთან ხშირათ ხლება, სამსახური და ერთგულების გამოჩენა არ შემძლია, ვთხოვთ თქვენ მიიღოთ ჩემი ყოველივე სამკვიდრო: ბარაკონში ციხე და სასახლე, ამბრაღეურში კოშკები და სასახლე, სევას ციხე და სასახლე, ონში ციხე, სასახლე და თვით პატარა ქალაქიც. ამასთანავე ყოველი ჩემი რაჟის სამფლობელოა

აზნაურ-გლეხებით და სამაგიერო აქ მახლობლათ სადმე მიბოძოთო. მეფეს ეს ამბავი დიდათ იამა. აღუთქვა სამაგიეროს ბოძება. როსტომს ვეზირობა უბოძა, მის შვილს გიორგის სარდლობა და მეთოდეს—დივანბეგობა. მერე შემოიკრიბნა ვეზირნი და ჰკითხა, თუ რა მიეცა შენანებული ერისთვისათვის ამ დათმობის სამაგიერო, მათი რჩევისამებრ დაიბარა მდივანი და მისცა მას ღრამოტის შედგენაზე თანაშემწეთ ოტია ჩხეიძე: „ჩვენ მეფეთ მეფემან იმერეთისამან სოლომონ პირველმან და დედუფალთ დედუფალმან მაკრინემ ესე წყალობის წერილი გიბოძეთ შენ, ჩვენს ერთგულს დიდებულ თავადს როსტომ ერისთავს, შვილთა და მომავალთა თქვენთა, ასე რომ გიბოძეთ ყმათ სოფელს გეგუთში მცხოვრებნი გლეხნი ყრველივე გვარისანი; გარდა ამისა სოფლები: პატრიკეთი, უკანეთი და მესხეთი, რაც ამ სოფლებში მცხოვრებნი გლეხნი და აზნაურნი არიან საჩემო—ყველანი შენ გიბოძეთ; გარდა ამისა სამოსახლოთ გიბოძეთ გეგუთს თამარ მეფის ნასახლი, ციხე და ეკლესია; რაც ნაკლეულობა აქვს, მე უნდა გავაკეთო. გარდა ამისა სამი ათასი ქცევა ირგვლივ შენი მოსახლობისა გიბოძეთ; გარდა ამისა საშეშეთ საღორიას ტყე—ქუთაისიდან სამხრეთით ხანის წყლის მდინარის ღელემდის, აღმოსავლეთით წყალ წითელას მდინარის ღელე, დასავლეთით რიონის მდინარე. გიბოძეთ მთა საჯოგეებათ—სახელწოდებული „ტიტველათ“. აღმოსავლეთით ქართლის საზღვარი, დასავლეთით ჩიჯავაძის საზღვარი, სამხრეთით ახალციხის საზღვარი, ჩრდილოეთით სოფლები. ესე ზემოხსენებულინი აზნაურნი, გლეხნი მიწა-წყალ-მთებითურთ შენთვის გვიბოძებია. უკეთუ ჩვენი ერთგული და ბრძანებისა ჩვენისა მორჩილი იქნები, ესე წყალობა შენ და

არცა შენს შეილსა და მომავალს არ მოეშალოს არაოდეს ჟამსა. აწ არიან სიგელისა ამისა მოწამენი ვეზირნი და დიდებულნი კარისა ჩემისანი: წერეთელი პაპუნა, აბაშიძე პაატა, მიქელაძე ზურაბ, წულუკიძე ბერი, ჩხეიძე ოტია, ლორთქიფანიძე ბერი, თამაზა მესხი, მამუკა მდივანი, პაპუნა და ქაიხოსრო აბულაძეები, თანდარუხ იოსელიანი და დარბაზისა ჩემისა ერნი“. ეს ღრამატა ხელჩართულ ბეჭდითურთ უბოძა ერისთავს პაპუნას ხელით. ერისთავი გამოვიდა თავის შეილებით, მივიდა მეფესთან, კვანტ გადადებული მადლობა შესწირეს და მოახსენა, რომ მას მისცეს მეციხოვნეები და ციხეები ჩაიბაროს. შინ წასვლის ნებაც გამოითხოვა. მეფემ დასტური უბოძა და ციხეების მისაღებათ მეციხოვნეები ბასილა და კვირიკა იამანიძეები გაატანა. გამოეთხოვა ერისთავი მეფეს და წავიდა რაჭას. ნაქერალას მთის გვერდზე შემოხვდა ერთი რაჭველი აზნაური, მეფესთან მომავალი. ერისთავმა ამ მგზავრს გაატანა წიგნი მეფესთან და უბრძანა: თუ შენი ხელით არ მიეცი მეფეს, რაჭის ქვეყანას გამოეთხოვეო. მან დიდი შიშით მოახსენა: მიტანის დროს ორივე ხელები რომ მომჭრას მეფემ, მაინც მივართმევო. წიგნში ასე ეწერა:

„შენსა მოველ და შევამკობ შენსა ტანადობასა,

შენი უდასტურობა-კი არღვევს ბატონ-უმთაასა“.

ეს წიგნი იმ აზნაურმა მიართვა მეფეს. მეფემ წაიკითხა და პაპუნა წერეთელი შემოიხმო და ჰკითხა: ჩემო პაპუნა, როსტომ ერისთავმა ხომ არ დაგვატყუილა, რომ ხელიდან გაგვძრომოდლაო? პაპუნამ შორს დაიჭირა, მაშინ გადასცა მეფემ წიგნი და წააკითხა. წერეთელს კიდევ არ ეჯერა და ამბობდა: რა ვიცი, რაც ის გახარებული მიდიოდაო! — გახარებული მიტომ წავიდა, რომ ჩვენ

მოგვატყუა, ხელიდან გაგვიძვრაო — ბრძანა მეფემ. და თუ ასე არ იყოს, ამ წიგნის მოწერას ვერ გაბედავლაო. გზაზე ერისთავმა უთხრა შვილებს: „ასე რომ არ მოგვეხერხებია, ჩვენი საქმე ცუდათ იყო და უთუოდ დაგვამარცხებდნო. ვერ შენიშნეთ, როგორ წვრილ-წვრილათ იკრიბებოდნენ ფიცის კაცები: ლორთქიფანძეები, მესხები, ავალიანები, იოსელიანები და სხვანო. ოთია და მისი ძმა ივანეც ცალ-ცალკე მოვიდნენ, რომ იქვე არ შევეყვანეთო. — აგ ორი ძმა მესხი და არჩილ ბატონი-შვილი სწორეთ რომ სასაშიშრონი იყვენ და სხვებისკი რა მოგახსენოთო“ — ჩაილაპარაკა მეთოდემ. — „შენმა გაზდამ, არც სხვები იყვენ მაგათზე ნაკლები! ბევრი უკეთესებიც არიან იმერეთში, მაგრამ ერთხელვე მაგათ დავარდნათ ვაშკაცობის სახელი და ის არისო“ — მიუგო უმცროსმა ძმამ გიორგიმ. ამ საუბრით მივიდნენ რაჭაში თავის სასახლეში, სოფელს ბარაკონს. ბასილა და კვირიკა იმანიძეებს ციხის გასაღების მაგიერათ შემდეგი წიგნი გადატანეს მეფესთან:

„ესე ასრე არ იქნების, ბასილა და კვირიკაო!  
ციხეს მართევენ, მინდოვნ მამლევენ, დაგვდე უნდა ვირიკაო?!  
წადით, უთხართ თქვენსა მეფეს: მე განლავარ დიდი როსტამი!  
მე ერთგულათ ვიახელი, მიპირობდი დაღატოს რატომ?  
სიტყვით გითვლი, წიგნსაცა გწერ, ხელი აიდე რაჭაზედ!  
მიხვდი, რომ აღარ გმორჩილობ, სწორი გიდეგები ძალაზედ!  
რაჭის ბეგარას ავიდე, არ გერიდეები ამაზედ.  
უბწროთ ვირი დამაბით დამტვრეულ ჩელტის პაგაზედ?  
თუ მიპირებ ამოწვეტას, აწ მობრძანდი, რადას უოგნი?  
ციხე მიდგას მაღალ კლდეზე და ზედ მოკერით ბარაკონი.  
ხიდის კარში მტველები შეავს და კოშკები სამაგრინი.  
ჩემა იყო, ქვედ წაგართვი კუდარო და რაჭა-ინი.“

ჩემი წინაპარი იყო ერისთავი კახაბერი,  
თამარ მეფის მამობილსა უმანი ჰქვავდა ორი ბეგრი.  
მე ვარ მისი ტომისაგან, ვერ მატირებ, ტყვილა მღერი,  
კემოწილო, არ გახლავარ ქაჯაია შენი გერი“!

ეს წიგნი იამანიძეებმა მისცეს სახლთბუცესს. იმას  
არ უნდოდა ეჩვენებია მეფისათვის, მაგრამ დფიცვაც  
ალარ შეიძლებოდა და მიართვა. ამ წიგნის წაკითხვაზე  
მეფეს ცეცხლი შემოედვა. მოიხმო სარდალი წულუკიძე  
და უბრძანა: წადი ახლავე ბარაკონში, ერისთავები გაწ-  
ყვიტე ცოლ-შვილით, ციხეები, კოშკები და ყოველივე  
მათი შენობა დაწვი, დაამტვრიე ხიდის კარის კოშკები!..  
თუმცა საღი კლდე არის გამოკვეთილი, მაგრამ წაიყვა-  
ნე ოსტატები, მიეცე ლელუმი და მოშალე. ერთი სიტ-  
ყვით ქვა-ქვაზე დაადუღეო!.. ეს რომ დარბაისლებმა და  
კარის კაცებმა გაიგეს, იუცხოვეს: უჩვენოთ ასე მიძიმე  
საქმე ბატონს ვერ უნდა გადაეწყვიტაო. ერისთავთან ომი  
როგორ ეკადრება: ერთ მის თავადთან ბრძოლა სირც-  
ხვილი არისო! ამას გარდა ერისთავთან, იმის სიმაგრეე-  
ბის პატრონთან, არც ასე ადვილია შებმაო. ყველანი  
ერთად შევიდნენ მეფესთან და თაყვანი სცეს ჩვეულებ-  
რივ. მეფე ტახტზე ბრძანდებოდა; შუბლზე რაღაც მწუ-  
ხარების ხაზი ჰქონდა გადაკრული. მეტი სიფიცხის გა-  
მო თვალთაგან ცეცხლს ყრისო, იტყვადი. დიდებულნი  
თავდახრილი შეყურებდნენ, პირდაპირ თვალს ვერავინ  
უმაგრებდა და საძნელოც იყო. უბრძანა დაჯდომა. ჩამ-  
წკრივდნენ თავ-თავის ადგილებზე. წერეთელმა მდივანს  
გადასცა ერისთვის მოწერილი. მდივანმა წაიკითხა. ყვე-  
ლანი განცვიფრებაში შევიდნენ და იწყეს დარბაზობა.

პაპუნა. მეფემ გადაწყვიტა ჯარის გაგზავნა, გაწყვე-



ტა ერისთევების, დაქცევა და დაწვა ყოველი მათი შენობისა, — თქვენ რას იტყვით?

ჰაატა ახაშიძე. ღირსია ყოველ გვარ უბედურების მიყენებისა! როგორ გაბედა ან დატყუება და ან ამ წიგნის მოწერა? დიახ, კარგათ უნებებია ბატონ მეფეს.

ბერი წულუკაძე. რადგან ნაბძანები მაქვს საომრათ წასვლა, ვერას ვიტყვი.

ბერი ლორთქიფანიძე. აღგება და მეფეს შეჰყურებს

— რას გაჩერდი, ბერო?

— მეშინია მოგახსენო.

— ნებას გაძლევ, თქვი.

— ერისთავი შენი ყმა არის. საკადრისი არ არის ერთი თავადისათვის აგრე აჩქარება, ბატონო მეფე! მასთან ამასაც ნუ დაივიწყებთ, რომ სამასი კაცი იმერეთიდან, ოდიშიდან და გურიიდან თან ახლავს. ესენი ყველა კარგი ოჯახის შვილები და ძლიერ მარჯვეები არიან. ორასი კაცი რაჭველი, ოსი, ჩერქეზები და სვანნი ახლავს. ამას გარდა თავისი საკუთარი ოჯახის გამგე და მოსამსახურეებიცა ჰყავს ყველა იარაღს ქვეშ. ხიდის კარში კოშკები, ორივე მხრით სალი კლდეა გამოკვეთილი. რიონის ხიდის საძირკველის თავები ორივე მხრით კოშკების კარებზე არის მიღებული. ორმოც-ორმოცი კაცი თითოში ჰყავს ყარაულათ. ერთი ათასს დაამარცხებს. ამბრაღეურის აღება კი არ არის საქნელო, თუმცა ჯარი იქაცა ჰყავს კოშკებში, მაგრამ რადგან გაშლილი აღდილი არის, როგორც ხოტევიდან დაინახავენ მიმავალ ჯარს, სასახლის კოშკებს დატოვებენ და მიემატებიან ხიდის კარის ყარაულებს. ეს კოშკები ისე მიუდგომელია, რომ ზარბაზანი არ მიუდგება და თოფიც არ მოეხერხება და იმათ კი ხელის გულზე ეყოლებათ მიმსვლელები. ამ ხი-

დის კარს გარდა შესვლა არ შეიძლება. ონის მხრიდან რომ მოიაროს ჯარმა, ცალი მხრით რიონის წყალი მიდის და ჩაივლის ციხის და სასახლის ძირზე და მეორე მხრით სალი კლდე მიდის, შუაში ვიწრო გზა მიჰყვება. ციხე მისთანა ადგილას აქვს, რომ არც ონიდან მიმსვლელს და არც ხიდის კარიდან მიმსვლელს არ ააცდენენ ზარბაზნის ტყვიას. უეჭველია, დიდ ზარალს მოგცემს ერისთავი და შევრცხვებით...

ზურაბ მიქელაძე. ეჰ, თუ ერთ თავის ყმას მეფე ვერ მორევია, რაღა მეფობა ქვია ამისთანა მეფობას? ყმა კი არა, ამხანაგი ყოფილა და ის არის!

ოტია ჩხეიძე. ერისთავის დასამორჩილებლათ რომ რამდენიმე ათასი თავად-აზნაური დაეკარგოთ, რა მოგება იქნება?

თამაზა მესხი. თუ ერთი თავადის დამორჩილება ჩვენს ქვეყანაშივე ასე გავვიძინებდა, გარეშე მოსაზღვრე მტერი რაღათ ჩაგვაგდებს და არც ჩასაგდები იქნებით!

შამუკა მდივანი. ასეა ბრძენთაგან ნათქვამი: „ხერხი სჯობია ღონესო, ვინც კი მოიგონებსო“. ძალაცა და ხერხიც ორივე შეგვიძლია. რა საქები იქნება ერთ კაცს თავი შევაკლათ? და ვის? ისევ ჩვენს ყმას! ის შემძვრალა კლდეში ისე, როგორც დათვი სოროში და იქადება! ამას უნდა მოტყუებით გამოყვანა, მერე რაც ეკადრება....

მანუჩა აბულაძე. ნათქვამია ესეც: „სადაც არა სჯობს, გაცლა სჯობს კარგისა მამაცისაგან“ო. კაცი შემძვრალა გამოქვამულ კლდეში, შენი ნასროლი ვერას აკლებს და მისი არ აგცილდება. ამისთანა ადგილზე ომს უომრობა სჯობია, ერთხელაც იქნება ისეც ჩაგვივარდება ხელში.

ქაისხსრთ ჰბუჯადე. ათი - ათასი გეომარო რომ გაიგზავნოს ერთ კაცზე, სირცხვილი იქნება: ის არ არის მეფე და არც მთავარი. იმისთანა დიდებული თავადები სხვებიც არიან ჩვენს სამეფოში. მისი ძალაა მხოლოდ ადგილის სიმაგრე და რათ შევაწყდეთ? სჯობია, როგორმე აქეთ მოვიტყუოთ.

თანდაწუხ იასეჟიანა. შეიძლება არც კი შეგვგებას, დავეიტოვოს ციხეები, გადავიდეს საზღვარ გარეთ, შემდეგისათვის მოემზადოს, შეკრიბოს ოსეთის ჯარი, მოიმხროს ჩერქეზის მთავარი — ყიზილყო ბატონი, მისი დიდი მეგობარი. ამას გარდა სვანეთის მთავართან მომძახლეობა აქვს, აფხაზეთის მთავარი ქელემ-ბეგ შარვაშიძე შეილობილია მისი. ესენი ყველა ჯარს ათხოვებენ, ერთი სიტყვით, ყოველი კუთხით შფოთსა და უკმაყოფილებას აგვიტეხს. არ ივარგებს ჯარის გაგზავნა. ვაცალოთ რამოდენსამე ხანს და მერე მოვიტყუოთ რამდენათ.

ამ დროს მეფის ძმა არჩილ შემოვიდა. გააშინჯეს იმასაც ნათათბირები და იმანაც ასე ბრძანა: მართალია, ჩვენს ყმასთან ბრძოლა საკადრისი არ არის, როცა იქნება, ჩაგვივარდება ხელშიო. მეფე სრულებით გაჩუმებული იყო, ხმა არ ამოუღია. კარის კაცებმა თავყანი სცეს და წავიდნენ თავ-თავის სახლებში.

გავიდა რამდენიმე წელიწადი, ეს საქმე სრულებით დაჩუმდა. ეს კი იყო სამწუხარო, რომ თითო ოჯახიდან რამდენიმე სული ზოგი მეფეს ახლდა და ზოგი ერისთავს. ძმა ძმას ველარ ხედავდა, მამა შვილს, შვილი მამას და ნათესავი ნათესავს. ტკბილი მოყვრობა მწარე მტრობათ შეიცვალა და აირიენ ოჯახები რაქა-იმერეთში. ერთ დღეს რჩევისამებრ ვეზირთა და დიდებულთა

მეფემ შეიხმო ძმა მისი იოსებ ქათალიკოსი და შეჩივ-  
ლა: ხომ ხედავ, რომ როსტომ ერისთავი გამიორგულ-  
და!.. მასთან ჩხუბი მცხვენია და ისე კი არ მებუება. რომ  
შეინანებდეს, ყოველსავე მიუტყევებ, შევირიგებ და და-  
ვიახლოვებ, რადგანაც ყოველ გვარათ შესანიშნავი კა-  
ციანო. მშვიდობის მოყვარე ქათალიკოსმა ეს რომ გაი-  
გონა, იამა, მოუწონა მეფეს და შუამავლობაც თავს იდ-  
ვა. დაიბარა ქაიხოსრო აბულაძე და დაუყოვნებლივ გა-  
ემართა თავის კრებულის და მხლებლებით რაჭისკენ.  
რაჭის საზღვარს რომ მიაღწია, ერისთავმა შეიტყო და  
მოაგება თავად-აზნაურები და ერთი მარქათა ბედაური,  
ძვირფასი უნაგირით და რახტით აკაზმული. მიეგებენ  
ნიკოლოზ წმინდის ტაძართან. თაყვანისცეს და გაუძღ-  
ვენ, როგორც ჩვეულება იყო. ყველა წინ მიუძღოდა,  
გარდა მეჯინებისა; ის კი უკან მიდევდა: ცოტა მოშო-  
რებით მიყავდა მარქათათ ძუა-ფაფარ შეღებილი ულაცი.  
მიაღწიეს რა ამბრაღეურის სასახლეში, დაკრეს ეკ-  
ლესიის ზარა და კოშკებიდან ჯაზაირები დაცალეს.  
იქ დახვდნენ ერისთვის შვილები. იდგა ჯვართ თავში  
კარის მწირველი მისი სასახლის მოძღვარი იოანე — მი-  
სივე აზნაური, გვარათ ბაქრაძე. გადახტა ცხენიდან ქა-  
თალიკოსი, მივიდა ღ ჯვარს ემთხვია. წინამძღვარმა შესხმა  
მოახსენა: „მღვდელ-მთავრობისა კვართითა შემკობილმან  
ღვთის მეცნიერთა ქადაგე, შენ, სახარება სასუფეველისა,  
იოსებ, და მართლმადიდებლობისა სწავლანი აღმოთ-  
ქვენ და ეკლესია განამდიდრე მოძღვრებითა და  
აწ განათლებულათ მამისა თანა ძესა სულით წმინ-  
დითურთ ღვთის მეტყველებდეთ და ვადიდებდეთ ყოვე-  
ლნი მეუფებასა შენსა, რომელსა ევედრე ცხოვრებათ  
და განათლებათ სულთა ჩვენთათვის“. ქათალიკოსმა ჯვა-  
რი გადასახა, ერისთვის შვილებმა ხელი მოჰკიდეს, შეს-

ვეს იმ ცხენზე, რომელიც მიაგებეს და გაუძღვენ წინ: ხიდის კართან დახედენ სამღვდლოება და ხალხი მრავალი საეკლსიო ბაირალებით. ესენი წინ გაუძღვენ და ჩავედნ ერისთვის ეზოში. დაჰკრეს დიდი ხმოვანი ზარა— ეს სამღვდლო წესი ანუ პატივისცემა იყო სამღვდლოებისა— და ამას გარდა, რადგანაც ეს ქათალიკოსი გვარათ ბაგრატიონი იყო და მეფის ძმა, მეფის წესისაებრ დაუხვედნ: ციხიდან ზარბაზნის სროლა დაიწყეს, ჭიშკარს შიგნით ერისთვის ცოლი მოეგება, თან ახლდა ელისაბედ მონაზონი ღვთის-მშობლის ხატით. მოეგება თვით ერისთავიც, უამბორეს და ხელ-მოკიდებული მივიდნ ეკკლესიის კარებთან. აქ მოართვეს მანტია და კვერთხი. ერისთვის შვილებმა გალობით შესხმამ მოახსენეს: „იესო მთავარო-მშვიდობისა მოვიდა ღღეს“ და სხვანი. დაჰკრეს დიდ-ხმოვანი გუსლი. მგალობლებმა ზედვე კილოთი დაიწყეს: „უფალო ღაღაღ ვყავ შენდამი, ისმინე, ისმინე ჩემი, უფალო!“ შვეიდენ ეკკლესიაში, ხატებს კმთხვია, მერე საკურთხეველში— ტრაპეზს და გამოვიდა, ორივე ხელით ჯვარი გადასახა ჯარს და მერე შებრძანდა ერისთვის სახლში. საუბრის დროს ქათალიკოსმა სიტყვაში გამოუტრია, რომ დადიანისა და გურიელისაგან ნამეტანი მორჩილება არის მეფისადმიო: ცხენზე შეჯდომის დროს ერთმა აღვირი უნდა დაუკავოს და მეორემ უზანგი უნდა დაუწიოსო. მიხვდა ერისთავი და უბასუხა: „ვიცი, თქვენო მეუფებავ, ყველანი თავადნი და დიდებულნი ამ წრეში უნდა იდგენ, რადგან მეფობა წარმოადგენს გარეშე მოუწერელ უფლებას თვისთა ქვეშევრდომთა ზედაო.“ — „თუ იცი, მაშ შენი ურჩობა რაღას ნიშნავსო?“ — განაგრძო ქათალიკოსმა— შენც კარგათ იცი, კანონში წერია: უკეთუ მეფეს მეფობა არ გაუვა, უნდა დატო-

ჯოს მეფობა მისი და შენ-კი ერთი დიდებული თავად-  
თაგანი არ ემორჩილები. ეს სამარცხვინო საქმე არის მე-  
ფისათვის: გარეშე მტრები რომ გაიგებენ ამას, შემოე-  
სევიან სამეფოს და ქრისტიანობა შეირყევა. მართალია,  
შენი დამორჩილება არ გაუჭირდება მეფეს, მაგრამ ბევრი  
უბრალო სისხლი დაიქცევა ჭ ამას ერიდება. როგორც სუ-  
ლიერი მამა, გირჩევ, დაფიქრდი ამაზედო.“ ერისთავმა თავი  
იმართლა: „მე ვიახელი მეფეს, ჰემს გულში ლაღატი არ ყო-  
ფილა.“ — „ნუ გავიწყდება ხრესილის ომი, როდესაც მეფეს  
უმუხთლევ და დაატყუეო“ — გააწყვეტია სიტყვა ქათა-  
ლიკოსმა, მაგრამ ყოველივე უნდა დაივიწყოთ, რად-  
განაც ქვეყნისათვის საჭიროა მშვიდობა და კაცთა შო-  
რის სათნოება, — მე შეგარიგებ მეფესო“. როსტომ ერის-  
თავმა სიხარულით თანხმობა განაცხადა, მხოლოდ იმ  
პირობით კი, რომ ქათალიკოსს ეკლესიაში ბარძიმზე  
დაერწმუნებია ერისთავი. ქათალიკოსმა აღუთქვა და რომ  
მეფის თანხმობაც მიეღო, გამოეშურა მეფესთან ქუთაი-  
სისაკენ. მეფემ რომ ერისთავი ვერ ნახა მოყვანილი,  
დიდათ ეწყინა. ქათალიკოსმა ყოველიფერი დაწვრილე-  
ბით უამბო და დაამატა: „ცხადია, რომ მხოლოდ სიკვ-  
დილის ეშინიაო“. მეფემ გაიღიმა: გაძლევ სიტყვას და  
ფფიცავ შენს ხახულისა ღვთის-მშობელს, არც ის და არც  
მისი შვილები არ მოვკლა და ისეთი პატივისცემითაც  
მივიღო, რომ საარაკოთ დარჩესო. ამ სიტყვების შემ-  
დეგ ხელ-მეორეთ წაბრძანდა ქათალიკოსი რაჭას და  
ბარძიმზე ხელის დადებით დაარწმუნა ერისთავი. შეიქნა  
დიდი სიხარული. დიდი ხნის დაშორებულები აწ კი  
ფიქრობდენ თავის ნათესავებისა და მოყვრების ნახვასა  
და შერიგებას. ამ დღესვე დაიბარა ერისთავმა ციხის  
მოურავი აღი ენგიჩარი და იმას ჩააბარა ყველა ციხე-

ბი. ეს ალი ენგიჩარი სტამბოლოელი იყო — დიდი ხნის კაცი, მაგრამ ოცდაათი წლის კაცათ თუ ჩაითვლებოდა. ოცი წლის რომ შესრულებულიყო, ასის თაობა მიეცათ, მაგრამ გულ-უმაძღარ ახალგაზდას მეტი მოენდომებია, მით უფრო, რომ ენგიჩრების ამბავი გულში ჩაჭროდა. ერთ დროს ენგიჩრებს დიდი ძალა ჰქონდათ სტამბოლში: ხონთქარს ხან აიყვანდნენ ტახტზე და ხან გადაადგებდნენ. ვინც კი კარგი გამოვიდოდა მათ სამეფოში, ყველა ენგიჩრათ მიდიოდა და ამ გვარათ ენგიჩრების რაზმი დღითი-დღე სქელდებოდა. მათი თავ-გასულლობა უსაზღვრო იყო. უკანასკნელ ენგიჩარს რომ ეთხოვა პირველი დიდებული კაცის ქალი, უნდა დათანხმებოდნენ; უარს ვინც გაბედავდა, შეიკრიბებოდნენ ყველა ენგიჩრები ერთათ, დაესხმოდნენ თავზე ურჩს, აიკლებდნენ და ქალს-კი მათ ამხანაგს მიგვრიდნენ. გზაზე მომავალ ენგიჩარს ხელი ხმალზე ედვა და ვინც წინ შემოეყრებოდა, თუ ნებით არ გადაუხვევდა, ვინც უნდა ყოფილიყო, თავს გაადგებინებდა.

ერთმა ახლათ ტახტზე აბრძანებულმა ხონთქართან განმა ველარ აიტანა მათი ძლიერება, მოიტყუა ყველა და ლალატით ამოწყვიტა. ეს ამბავი რომ ჰქონდა გავონილი ახალგაზდა ალის, მოინდომა ძველი დროის აღდგინება და ახალი ენგიჩრების გაჩენა. შეუტყვეს შეთქმულებს და ბევრი მათგანი ჩამოახრჩვეს. ალი ასის თავმა-კი მოასწრო გადავარდნა. დაუწყეს დევნა. ოცდათუთხმეტ წელიწადს გადავარდნილი იყო, იმალებოდა სათათრეთშივე და ბოლოს ერთი მისი ნათესავი კიკიანი ფაშა რომ დანიშნეს იმერეთში მყოფ ჯარის უფროსათ, გადმოვიდა და მოენდო მას. ფაშამ მისი მეფის მოლაღატის შენახვა რომ ვერ გაბედა, როსტომ ერისთავს გა-

უგზავნა. ერისთავმა მიიღო და ციხეები ჩააბარა. დიდ პატივში ჰყავდა და ალი ენგიჩარიც მიეთვისა, აღარ შორდებოდა და მეციხოვნეებიც გამოუშარდა. აი, ეს კაცი დატოვა ერისთავმა მოადგილეთ და თვითონ-კი მეფეს ეახლა. მეორე დღეს სადილი ტყიბულში ჭამეს; იმ ღამეს ქაიხოსრო აგიაშვილის საზატხულო სადგომში დაბინავდენ კუცხვას; იქიდან კი შეფეს უნდა ხლებოდენ ვარციხეს. ერისთავის მგზავრობა ესრეთი იყო: ბარგს, სამზარეულო იარაღს, პურს და ღვინოს ასი ცხენი და ჯარი უნდებოდა. სადაც დაბინავდებოდა, იქვე უნდა გაკეთებულიყო ხარჯი. თანვე მიქონდათ შუაზე გახეხილი თორწნები და მალე გამართავდენ ხოლმე. უკეთუ ხსნილი იყო, ჯოგათ მირეკავდენ სახორცეებს. ახლაც ამ რიგათ მოგზაურობდა. მეფე დიდი ჯარით მიეგება და, ცოტა არ იყოს, ერისთავს გაუკვირდა ეს სიმდაბლე. ერისთავებმა ხელზე უამბორეს მეფეს და მხლებლები-კი დამწყრივდენ, დაიჩოქეს და ისე თაყვანი სცეს მეფეს. აქ შეიქმნა ერთი აღდგომის ლიტანიობა. დიდი ხნის უნახავი ძმები ერთმანეთს ეხვეოდენ, კოცნიდენ და ტიროდენ. ზოგმა მამა ნახა, ზოგმა შვილი და ზოგმა ძმა. ჯარმა თოფის სროლის ნება გამოითხოვა. მეფემ დასტურა ბრძანა. სულ სროლით მივიდენ ვარციხეს, მაგრამ ერისთავის ჯარისაგან უფრო ფიცხელი თოფის ხმა ისმოდა, რადგანაც სვანური წამალი ქონდათ; თვითონ ერისთავი თავის სასახლეში აქრევენებდა. ვარციხეს ერისთავს სახლები მიუჩინეს, მაგრამ არ ისურვა, რადგანაც ნაბდის კარავები ჰქონდა საკმაოთ წამოღებული ჯარისთვის და ერთიც დიახ დიდი და ძვირფასი ნაბდის კარავი საარკმლებიანი თავისთვის და თითონაც იქ მოისვენა შვილებთან ერთათ. ერისთვის ჯარს თავისი ხარჯი ჰქონდა,



მაგრამ მეფეც აძლევდა. ერისთავი-კი შეიღებინათ ყოველ დღე მეფის იჯრაზე იყო და მხოლოდ შემდეგ ბრუნდებოდა ხოლმე ბინაზე. ოც დღეს ამ ღონისა და შექცევაში იყვნენ. ერთ ღამეს შეკრიბა მეფემ საიდუმლო კარის კაცები და გამოუტყდა: „ვერ ხედავთ, რა სიფრთხილით გვეკიდება ერისთავიო? მაგის გული არ გასწორდება, კიდე ბევრს ცუდს შეგვაძახებებს და დრო არის, ქვეყნის მოღალატეს ახლავე საკანონო მოვასდევინოთო!“ დიდ ხანს ითათბირეს კარის კაცებმა, მაგრამ ერთმანეთს ვერ დაეთანხმენ. არჩილ ბატონიშვილი ბრძანებდა: მე გიორგის მიმაჩემეთ, რადგანაც დიდი ვაშკაცია და სხვა თქვენ იციოთ. პაპუნა წერეთელი ურჩევდა, რომ ოთია და ივანე მესხიც მოეწვიათ. ბერი წულოუკიძე და ზურაბ მიქელაძე ამბობდნენ: ხელ-ცარიელი არც ისინი დაგვრჩებიან: ერისთვის ჯარი ხელს გამოიღებს დი ბევრი სისხლი დაიღვრებაო. თამაზა მესხი შებმას თხოულობდა. მამუკა მდივანი წინააღმდეგი იყო. ბოლოს წამოდგა პაპუნა აბულაძე და მოახსენა მეფეს: ხედავთ, ბატონო მეფე, რომ ამ გვარი რჩევით არა გამოდის-რა! თუ არ გამირისხდებით, მე მაქვს საიდუმლოთ ცოტა რამ მოსახსენებელი და თუ მოგეწონოსთ, მე მომანდეთ მისი ასრულებაო. მეფე დათანხმდა. დაიშალა დარბაზი და დარჩენ მარტო ორი—მეფე და პაპუნა აბულაძე.

მეორე დღეს დილით ადრე მეფე გაბრძანდა და სეირნობა დაიწყო; ცოტ-ცოტათ ერისთავის ბინისკენ იწია. ერისთავმა რომ დაინახა, მაშინვე მივიდა, თაყვანი სცა და მოახსენა: ასე ადრე რათ აბრძანებულხართო?—როგორც მონადირე, კურდღლობას ვარ დაჩვეული, აგერ ოცი დღეა, აღარ მინადირნია; დღეს სურვილმა ამიყოლია და აღარ დამეძინა—ბრძანა მეფემ. ერისთავი ნადირობის

დიდი მოყვარული იყო და კურდღლობაზე რომ სიტყვა ჩამოვარდა, გამხიარულდა. მეფემ ბრძანა: მოდი, ერთი ექნათო—დღეს გავიდეთ გეგუთს იაშვილისას, სალამოსიქ ვიკურდღლოთ, ხვალ დილით ჩემი კურძულები ბევრ სერს გვიჩვენებენ: იქიდან ქუთაისამდე კარგი სანადირო ადგილი არისო. ჯერ ხომ შენ არ გინახავს ბროწეულას კურდღლები, თუ რა ცქვიტნი არიანო? თქმა და ასრულება ერთი იყო. განაძრახა პაპუნა წერეთელი და წინა-და-წინ გაგზავნა იაშვილისას. მეფეც მალე მიბრძანდა სა-ნაოზე. რადგან ეს რიონი მეფის სახლის წინ მიმდინარეობდა, ნავით უნდა გასულიყვენ. პირველათ მეფე გაბრძანდა, მთელი მისი ხლებულებიც გაიკრიფენ. მეფე მაშინვე იაშვილისას წაბრძანდა. შემდეგ როსტომ და მისი შვილი შვილები და რვა აზნაური, რომელთაც ბატონების თოფები ეჭირათ, ჩასხდენ ნავში და გავიდენ ვალ-ვა. პაპუჩამ მენავეებს მიაძახა: ჩქარა, აბა თუ გიყვარდეთ, ბატონი მეფე, სანამ ერისთავი არ მიბრძანდება, მანამ სადილს არ მიირთმევსო. პირველათ ცხენები მოართვით ერისთავებს და შემდეგ ჯარის გამოყვანასაც ნულარ დააგვიანებთო. მენავეებმა ნავი გააქანეს, ატაკეს ჯილეს და გადააბრუნეს. მენავეები გადაცვიდენ წყალში და როგორც კარგი მცურავები, ყვინთვით წავიდენ, ზოგმა კმედოს ცურვით მიმართა და ზედ ჩამოკიდებულ ხის ფესვებს დაეკიდა. შეხედეს, რომ ნავიც დაიღუპა და მენავეებიც დაიხრჩვენ. აბულაძემ დაუძახა ერისთავის ჯარს: ქუთაისზე მოიარეთო; ერისთავს კი ასე მოახსენა, რომ თქვენთვის ცხენები უნდა დავიბაროთო. რამოდენსამე ხანს შემდეგ მოუვიდათ იაშვილიდან ცხენები. შეჯდენ და წავიდენ. ერისთავს ეგონა, რომ, ან მეფის საჯდომ ცხენს გამოუგზავნიდენ და ან ხუცისას მაინც, მაგრამ რომ ვერ

ხედავს, არ მოსწონს პატივის-ცემა და ფიქრობს: ვაი, თუ მიპირებდნენ რამეს, მაგრამ ქათალიკოსი ბარძიშს როგორ უღალატებდაო! ამ მოგზაურობაში ძალიან დიდი ხის წვეროდან სკვინჩამ დასძახა. გიორგიმ თოფი მოთხოვა თავის აზნაურს, ესროლა ცხენ-და-ცხენ, თავი მოწყვიტა და სიცილით თქვა: ყველა ჩემი მტრისათვის ასე მექნასო! როსტომ ერისთავი ფიქრებისაგან იყო წაღებულნი და ხმას არ იღებდა. იაშვილისას რომ მივიდნენ, გადახტენ. ქიშკარში შესვლისათნავე მიეგებათ რამდენიმე კაცი, ვითომ პატივის საცემლათ. ერისთავებმა გამარჯვება უბძანეს და მიმართეს მეფისაკენ. ისინი უკან მოვქცენ და მოულოდნელათ თითოს ოთხ-ოთხი კაცი ეცა. ესენი: წინათვე არჩეულები იყვნენ, როგორც მარჯვე და ღონიერები. როსტომი სხვა შეილებით მალე დამორჩილეს, გიორგი-კი გაუძალდათ: ორი კაცი ცალი ხელით დასცა; ერთ მათგანს, ჯიმშელა ორჯონიკიძეს, რომელიც იკვებდა: გიორგიზე მომხმარე რათ მეჭირვებო, დაჰკრა ხანჯალი და შუა გააპო. შეუტია მეფეს. მეფე შუა ეზოში იჯდა. გიორგის ორი ახოვანი კაცი ზურგზე მოეკიდა, სხვებმა მკლავში ტაცეს ხელი, მაგრამ მაინც ვერ შეაჩერეს, თრევით წაიღო ისინი და მიუახლოვდა მეფეს. მაგრამ მეფემ შეხედა მრისხანეთ; ადგომა და იმ ადგილის გადანაცვლება არ იკადრა. ამ დროს მოეშველენ ჯარის კაცები და დაუბრუნეს თავში თოფის დუმები; მაგრამ მაინც ვერა დააკლეს-რა, სანამ ერთმა მათგანმა ჩახმახი არ დაჰკრა თოფის. ჩახმახის ვერძი ტვინში ჩავიდა და მაშინ-კი წაიქცა. მივარდა თეიმურაზა ორჯონიკიძე ძმის სისხლის ამოსაღებათ და დანით ამოკუჭა თვალები. როსტომი, მეთოდი, ცაგუნნი, კუხნიტი, გივი, ბარძიმი და სვიმონ, თოკებით შეკრულნი, ხედავდნენ გიორგის თვალების ამოჭრას და თვითონაც იმავე

სატანჯველს მოელოდენ. ახლა სხვებსაც მიჰყევს ხელი. პირველათ როსტომი დაწყენის გულ-აღმა, ბევრი აცოდვილეს და მაშინ თითონვე ურჩია თვალის კილოები ჩამქვრით და მერე თავისით გამოცვივდებიან თვალის კაკლებიო; და მართლათაც, სხვებს უფრო ადვილათ მოთხარეს თვლები.

ეს ამბავი რომ მოხდა. მეფე შეტრიალდა სახლში და გარეთ აღარ გამობრძანებულა. იახლა შიგ სარდალი წერეთელი და მეფე რომ შეწუხებული ნახა, თვალ-ცრემლიანი, გაკვირვებულმა მოახსენა:—თუ მაგრე სანანებლათ დაგრჩებოდათ, ნეტავი არ დაგესაჯათ ის ცოდვის-შვილებიო... მეფემ წყენით ბრძანა: „მებრალემა კაცი და დავსაჯე კი ღეთისა და ქვეყნის ორგული მოლაღატე“... — კიდევც არის მეფეო—კადრებს სარდალი—განა არ მოგეხსენებათ, რა კაცია როსტომ ერისთავი? ეგ გულს ვერაოდეს ვერ გაიწმენდდა და, თუ ოდესმე შეიძლებდა, იმას, რაც დღე დღეს დაადგა, ჩვენვე დაგვაყენებდა!... — კი მაგრამ შვილები? ჰკითხავს მეფე.—შვილები უარესიც იქნებოდენ. ეკალზე ვარდი ვის უნახავს? მაგის ნაშეირი არ უნდა დარჩეს!.. ფიცი რომ არ დაგედვათ, უმჯობესი იყო ყველასთვის თავი დაგვეყრევინებია. ამ შვიდ შვილს გარდა კიდევ ჰყავს სხვა შვილებიც საშუალო ცოლის, ხელში და ნუღარც იმათ დავტოვებთ თვალ-დაუთხრელათ. დრო არის გავგზანათ ჯარი რაქას, ავიკლოთ მაგის სახლ-კარობა და დავანახოთ ქვეყანას, თუ რადღე მოელის თქვენს მტერს და ორგულსო. მეფე დიდ ხანს ყოყმობდა, მაგრამ წერეთელი აღარ მოეშვა და მოახსენა: მაგისო ცოდვა ჩემ კისერზე იყოსო. მაშინ უბრძანა მეფემ: „მიჩუქებია შენთვის, როგორც გინდოდეს, ისე მოეპყარო!“ თვითონ ხანდაუყოვნებლათ შებრძანდა ცხენზე და იმ

დღესვე გაეშურა ქუთაისისაკენ. დარჩა იქ პაპუნა წერეთელი მისიანებით და გაიმართა ლხინი. იმდერთან, ივსებენ ღვინით ყანწებს, მიდიან და ულოცავენ სარდალს: ღმერთმა ყოველთვის ასე გაგამარჯვებოდა ქვეყნის ორგულზე და თქვენ მტერზეო! პაპუნა ამბობს: ახლა დამიფარცხოს ჩემი ხედაბუნებო!.. სადილს ვახშამიც მოაბეს დიდი განცხრომით. ერისთავები კი ხელშეკრულები ეყარენ გარეთ ეზოში. ეს დრო დეკემბრის თვის მეორე დღე იყო: დაღამების დროს დაიწყო თოვთქარიშხალი, მაგრამ ვინ გაბედავდა, რომ დასჯილებისთვის შემწეობა აღმოეჩინა. როსტომ ერისთავს ერთი ძაღლი ჰყავდა, რომელიც მოართვა ალი ენგიჩარმა. ის ძაღლი, როგორც სიდიდით, ისე გონიერებითაც შესანიშნავი იყო. არასოდეს არ შორდებოდა პატრონს და ახლაც ფეხით მიუწვა. შუალამე გადასული იყო, წერეთელი ისევ სუფრაზე იჯდა; მხიარულების გამო ღვინო მოკიდებოდა. ძაღლის ყმუილი რომ შემოესმა, იკითხა: ეს რა ამბავიაო? მერიქიფემ მოახსენა: ერისთავების მოტირალი გახლავსო. ბძანა და მაშინვე მოაკვლევინა ის გულშემატკივარი ძაღლიც. მეორე დღით პაპუნა აღრე გამოვიდა გარეთ, გადახედა და დაინახა, რომ ერისთავები ეზოშივე ეყარენ თოვლში, მაგრამ ნაბდები კი ჰქონდათ გადაფარებული და რომ დაინახა, იკითხა: — ეს ვის უქნიაო? მოახსენეს: ქაიხოსრო აგიაშვილმა — ნამალავათო. ერთმა ჯარის კაცთაგანმა სიცილით მოახსენა წერეთელს: წუხელის კარგი მხეცები ვინადირეთ და მოსამკვლელოც ერგებათ: კიკნაძეს, ორჯონიკიძეს, დედარიანს და ცოტა გურგენიძესაცაო. როსტომმა მოჰკრა ყური მათ ლაპარაკს და თქვა: „ცუდრუკეობდენ ჩემზედა ყოველი მტერი ჩემნი და იტყოდენ ჩემთვის ბოროტსო“. მერე მიუბრუ-

ნდა შვილებს: „შვილებო, ღვთის განგებას ვერავინ აცდება! ყოველივე ღირსეულათ მოგვეგო, ნუ ვიტყვი ძვირსა და საყვედურსო. ავიტანოთ ეს სასჯელი ისე, როგორც ეკადრებოდეს ჩვენს ოჯახს!“ — ჭეშმარიტათო, მიუგეს შვილებმა — ჩვენი სულმოკლეობით ნუ გავახარებთ მტრებსო. მართლაც ვერც ერთისაგან ვერ ვაიგონებდით ვერც კვენესას და ვერც საყვედურს ვისმეზე!.. ეს დიდი კაცები, ბრწყინვალე ტანისამოსებით და სხვადასხვა ძვირფას ფარჩებით შემკულნი, ეყარნ თოვლში და მაინც მედიდურობა ეტყობოდათ. ხმას არ იღებდენ; მხოლოდ მოხუცი როსტომ კი აიტანა სინანულმა და მისი ბოხი ხმით წამოიძახა: „დიდებულო რუსთველო ლხინში ძლიერი ჭირშიაც მანუგეშებელი ხარ!.. ტყუილათ არ გითქვამს“:

„გერ დაიჭირავს სიკვდილსა გზა ვიწრო, ვერცა კვდოვანი; მისკან კასწორდეს უფეჯნი, სუსტი და ძალ-გულოვანი. ბოლოს შეყარნეს მიწაჲს ერთად მყემე და მსტოვანი და სჯობს სიცოცხლესა ნაძანსსა სიკვდილი სახელოვანი“.

მაგრამ, ვაი, რომ სახელოვანათ ველარ ვკვდებით — დაამატა ამოსკვნით. — არა, ბატონო, დიახაც სახელოვანათ ვკვდებით — გააწყვეტია მეთოდემ. დიდებულმა მეფემ, რომელმაც სტამბოლი შეაძრწუნა, პირდაპირობა რომ ველარ გაგვიბედა, ღალატით დაგვიმორჩილაო. სირცხვილი მისი და არა ჩვენი. ქვეყნის დასაბამიდან დასასრულამდე სულ ერთი კანონი ბრუნავს: „იყვენ და ბლარ არიან, ვართ და აღარ ვიქნებით, იქნებიან და აღარ იქნებიან“. ამით დაასრულეს საუბარი და გაჩუმდნენ. როსტომმა პირჯვარი გამოისახა და დაფიქრდა. წარმოუდგა მას მის ბარაკონში დილაობით სხვა-და-სხვა ფრინველფაის ხორცზე ბრძოლა და მისი ირმების ბლავილი, რო-

დესაც ჩვეულებისამებრ მარილს ითხოვდენ. გაიხსენა თავისი შემკობილი ცხერები და გულში სევდამ გაუარა... მოაგონდა, ნებიერს რომ დაკლავდენ ხოლმე ყოველ დილობით, გაატყავებდენ და მიუშვებდენ ზედ სხვა-და-სხვა მემძორე ფრინველებს; მიცვინდებოდენ ზედ ქორები, მიმინოები, შევარდენები, სონღულოები, ორბები, სვაეები, ყვავები, კაქკაქები და სხვანი; ჰქონდათ შფოთი ერთმანეთთან, მეტადრე თოვლის დროს, მაგრამ ბოლოს, როდესაც გამოიყვანდენ არწივებს, მაჩხუბარი ფრინველები შიშით მიიფანტ-მოიფანტებოდენ. — აი, რა ყოფილა ჩვენი ცხოვრება და აქამდის არ ვიცოდით!.. ყველგან შფოთი და ძალმომრეობაა, ყოველი კაცი ცრუ არს და ცეება, მხოლოთ შენ ხარ უტყუარი და შეუცდომელი, მაღალ ღმერთო! ცანი და ქვეყანანი წახდენ, მხოლოთ სიტყვანი შენი არაჲ სად მე და სად მეფე სოლომონ?! მიეცით კვისრისა კვისარსაო. რატომ არ ვჯერდებოდი ჩემს ყოფა-ქონებას? სად არიან ახლა ჩემი ბარაკინის სასახლე, ამბრალოური, ხიდის კარის კოშკები, სევას სასახლე, ონში ციხე-სასახლე და ქალაქი? სხვა სიმდიდრესთან ოთხმოც მეწველ შინაურ ირმებს რომ ვეღარ ვნახავ!.. ესენი ამიერიდან ყველა სიზმარივით გაქრებიან... ვინლა გამაგონებს ჩვეულებრივ ღვინს და შეწყობილ ძლის პირებს!.. გაიტაცა ისევ სოფლიურმა ძრახვამ, გაიღვიძა ისევ მის გულში ძველებურმა მედიდურობამ, მით უფრო, რომ იქვე იმ დროს მისმა შვილმა გიორგიმ სული დალია და წარმოთქვა შეჩვენება: „ჰოი, ყოვლად ძლიერო მაღალო ღმერთო, სადაცა დაიქცა სისხლი თვალთა ჩემთა და ძეთა ჩემთა, აღმოფხარი ქვეყანა იგი და მიეც ნიაე-ქარსა გასაფანტველათ ჰაერთა შინა!.. ჰოი, ყოვლის შემძლებელო, გარს შემოუწერელო უფლებითა ღმერ-

თო, მოკითხე სისხლი ჩემი და შვილთა ჩემთა მეფე სოლომონს, ქათალიკოსს იოსებს და არჩილ ბატონიშვილს!.. მიაგე სამაგიერო შურისმაძიებელთა ჩემთა: პაპუნა წერეთელს, პაატა აბაშიძეს, ზურაბ მიქელაძეს, ბერ წულუკიძეს, ბერ ლორთქიფანიძეს, ოტია ჩხეიძეს, თამაზა მესხს, მამუკა მდივანს, თანდარუბ იოსელიანს, ქაინოსრო და პაპუნა აბულაძეებს. შეაჩვენე და აღმოფხარ მათი სახლკარი და გასწყვიტე სახსენებელი მათი უკუნისამდე! წერეთელმა გაიგონა ეს წყევლა და შეუტია—აღარ იშლი? გინდა დასძინო უსჯულოება უსჯულოებასაზედაო? შენს სახლში საღმრთო წერილი იბეჭდება და როგორ არ წაიკითხე, თუ რას გვიწერს ყოვლის შემძლებელი: „დაემორჩილენით უფალთა თქვენთაო“. შენზეა ნათქვამი: „ხნარცვი თხარა და აღმოკვეთა და შთავარდა მთხრებლსა მას შინაო“.—წერეთელო, მართალს ამბობ, მაგრამ არ მეგონა, თუ სამღრთო წერილი იცოდი და ნურც იმას დაივიწყებ, რომ: „ნურცა უფალნი განირისხებენ მონათა თვისთაო“.—ნუ გიხარია, შენც ეს დღე მოგელის წერეთელო, მეფეს ფრთებს აკვეც, გინდა დიდებულები ჩამოაშორო და შენთვის კი ყოველივე მოაგვარო!.. შეგშურდა ჩემი ციხე-ქალაქები და მოწასტრები? ახლა კი იშოვი, მაგრამ ნუ დაივიწყებ: რა გზითაც მიგიდიეს, იმ გზითვე გაგეძევის. ახლა კი ძღვევა-მოსილო, როგორც და მორჩილებულს, ერთი თხოვნა ამისრულე: შემავედრე მეფეს, რომ ასე ნუ გვტანჯავს და თავები დაგვაყრევინოსო. წერეთელმა აღუთქვა, მაგრამ წავიდა მხოლოდ მიტომ, რომ რაქაში ჯარი გაეგზავნა და ერისთავის ოჯახობა აეკლო.

ამ დროს მოვიდა იაშვილის მოურავი—ბუქუა გრიგოლაშვილი. ის ორი კვირის წინეთ სადღაც ყოფილი-



ყო წასული. რომ დაბრუნდა და მის ბატონის სახლში  
ეს ამბავი ნახა, ცეცხლი მოეკიდა და უსაყვედურა ბა-  
ტონს: „რა გიქნია ეს, რომ შენი სახლი გოლგოთათ გა-  
გიხდიაო! რატომ არ დაამშვიდეთ ბატონი მეფე და მის  
დიდებულ სახელს ნიშანი დაადევითო? ან ახლა რატომ  
არ უპატრონებთ ამ საბრალოებს?“ მივიდა თვითონ, გაუ-  
ხსნა ხელები დასჯილებს, წამოაყენა, მოკიდა ხელი, წა-  
იყვანა და საყდრის უკან საქალებოში შეიყვანა, რადგა-  
ნაც შიშით მათ სახლში შეშვებას ვერავენ ბედავდა. იქ  
მოასვენა, მკვდარი გიორგიც იქვე დასაფლავა. ამ დროს  
იაშვილი სხვაგან წავიდა, რომ ბრალი საკუთრათ მის  
მოურავს დადებოდა და რისხვა თავიდან აეშორებია.  
მთელი ღამის ნაწვალეებმა ერისთავებმა საქალებოში სუ-  
ლი მოითქვეს და ძლის პირებით ევედრებოდნენ უფალს.  
როსტომ ერისთვის უცნაური ბოხი ხმა გულ-საკლავათ  
გამოისმოდა. ბუჭუა წავიდა მეფესთან, შამოიხსნა ხმა-  
ლი და ყოველი იარაღი დაუწყყო მეფეს წინ. მეფე ბუ-  
ჭუას იცნობდა, როგორც კარგ სახელოვან ვაშკაცს და  
ჰკითხა: — რა დაგიშავებია, ბიჭოო? მოახსენა: თვალდათხ-  
რილი ერისთავები ეკკლესიის გადახურულში შევიყვანე  
და მკვდარი იქვე დავმარხეო; ჩემმა ბატონმა სიკვდი-  
ლი მომინდომა ამისათვის, მეც ვიცი, რომ ღირსი ვარ  
სიკვდილის და ახლა თქვენ გადამახდევინეთო. მე-  
ფემ უბრძანა: — ადექი, კარგი გიქნიაო. სამართალი  
გაუსწორდა, საკანონო მოხდილი აქვსთ და მეტი რა-  
და ეჭირვებაო. დაუბრუნა იარაღი და გაისტუმრა.  
ეს რომ ქაიხოსრო აგიაშვილმა გაიგო, მაშინვე გაუგზა-  
ვნა ერისთავებს მომკითხავი, ტანისამოსები გაატანა და  
გადიყვანა თავის სახლში. ერისთავებს ყმა და მამული  
ჩამოერთვათ, რაჭაში დაბრუნების ნება აღარ მიეცათ

და დიდ ხანს სხვის კარზე ცხოვრებდენ. თვითონ როსტომ ერისთავი პაპუნა წერეთელმა საჩხერეს გაგზავნა და მეთოდე სვიმონ კანდელაკმა გადაიყვანა თავის სახლში და იქ ემსახურებოდა ერისთავს, სანამ ორ წელს შემდეგ, ქართლ-კახეთის მეფემ ირაკლიმ არ მიიწვია თავის-თავთან და თვითონ მასპინძელიც თან იახლა.

საბრძოლის გაგზავნილმა ჯარმა ბრძანებისამებრ პირველათ ანტონი მონახა და ყარაულები დააყენეს. დედა მისი, როსტომის ცოლი, იაშვილის წანართმევი, ეზოში ფეხით ათრიეს და საბრალო მუცელს გადაყვა. შემდეგ შეესივნ ოჯახს, ააოხრეს, აიკლეს, ციხეები ლაღუმებით დაამტკირეს, დაიჭირეს ნიშა ირემი ქორბუღიანი; ის იყო ჩერქეზ ბატონის გამოგზავნილი, ძლიერ დიდი იყო, შეუკრეს ფეხები და წააქციეს დასაკლავათ. ამ დროს მოვიდა ხიტუა გაეაშელაშვილი — ის იყო მეჯოგეთ უხუცესი. ბატონის შემთხვევა არ იცოდა და რომ დაინახა, ნიშა ირემს კლავენო — და იყვირა: ვინ უბედავს ბატონს ამ საქმესო? მივარდა, მისი ხელთ-საქერი დიდი თავ-სხვილი რკინის ჯოხი დაჰკრა თავში თემურაზა დედოფრიანს და ტვინი ამოასხმევია. მიცვივდენ ჯარის კაცები და საწყალი ხიტუა ნაკუწ-ნაკუწათ აიღეს. ააოხრეს იქაურობა, გადაწვეს, გადაბუგეს და გამოემგზავრენ ქუთაისისაკენ. პატარა ანტონიც თან წამოიყვანეს მისი ძიძე-ბიანათ. ქუთაისში რომ მივიდნენ, სახუცესმა პატარა ანტონის თვალების დათხრაც ბძანა, მაგრამ პატარა მეფის ასულმა ელენემ ანტონს თვალი მოკრა, მიიკრა გულში დი ალარავის ანებებდა; იმ დღიდან მეფის სასახლეში იზდებოდა. მაგრამ პაპუნამ მაინც საიდუმლოთ გააძრახა მსახურები. ერთხელ ბურთი ჩაუგდეს ანტონს გახურებულ თორწეში და რომ გაღიხედა ბავშვმა, იმდენ ხანს გააჩერეს ძალათი და აყურებდეს, სანამ თვალები არ გა-

უფუქდა: ამას ყველაფერს, როგორც მეფეს, ისე მის ასულსაც უმაღლედენ. ბოლოს თვალ-დამდგარი და ავათ მყოფი ყმაწვილი ჩააბარეს ძიძებს და მათთან რაქაში გაისტუმრეს.

იოსებ ქათალიკოსმა რომ შეიტყო გაენათში ერისთავების თვალების დათხრა, შეიცხადა, გადმოვარდა ტახტიდან, დაეცა მიწაზე, წაიშინა თავ-პირში ხელები და წვერ-ულვაში დაიგლიჯა. შეიმოსა ძაძით და გაცხარებული მიეჭრა მეფეს ქუთაისს. მეფემ თვალცრემლიანი ქათალიკოსი რომ დაინახა, მიაყვირა: რა ამბავია, ქათალიკოსოვო? — მე დღეს ქათალიკოსი აღარ ვარ — მიუგო მან, არამედ იუდა ისკარიოტელი; ქეშმარიტების გამცემელი!.. მეფეო, რათ შეურაცხყავ ან შენი მეფობა და ან თვით სამეფო?! სად არის შენი აღთქმა და რათ გამატეხინე ფიცი მე ცოდვილს! მეფემ შეიკრა წარბები და მდაბალი ხმით ბძანა: — მე დიალაც ავასრულე ჩემი სიტყვაო. როგორც აღგითქვი, სიკვდილით არ მომიკლავს და საარაკოთაც ღოვექციო. — არა, ბატონო მეფეო, ღმერთთან სიტყვის ქაზრაკობა გამოსადეგი არ არის!.. ოს მალეთის მხედრობა განდევნე და ერთი თავადის დამორჩილება როგორ გაგიქირდა, რათ ჩამავდე საფრთხეში? რა პასუხი ვაგო უკანასკნელ განსჯის დროს? — შემცდარი ხარ, ქათალიკოსო. ერისთავების თვალების დათხრა გაშფოთებს და იმას კი ივიწყებ, რომ თვით იმ ერისთავს უნდოდა საქრისტიანოს სამეფოს თვალების დათხრაო — უპასუხა მეფემ და გადახედა დარბაისლებს. ისინი თავჩალუნულნი იდგენ შეწუხებული, ხმას არავინ იღებდა. მეფესაც სახეზე მწუხარება დაეტყო. სიჩუმეს შემდეგ ხმის კანკალით წამოიძახა ისევ ქათალიკოსმა: „მეფეო, შეჩვენებული იყოს შენი მეფობა, უკეთუ მეც არ გამას-

წორი ერისთავთან და თვალეები არ დამთხაროო!“ კარის კაცები აშფოთდნენ. მეფემ ზურგი მიაქცია ქათალიკოსს, გაბრუნდა. ქათალიკოსი კი თითქმის გონება დაკარგული გაფარდა გარეთ და წავიდა გაენათისკენ. უბძანა კრებულს მეორე დღეს წირვის მომზადება, შევიდა ეკლესიაში; უბძანა არქიელს კათედრაზე შემოსვა, თვითონ შიგნით შეიმოსა. არხილიაკონს მისცა დაწერილი ქალღმრთელი და უბრძანა: რაც წერია, არ შეცვალოო. გამოვიდა შემოსილი, შევიდა კათედრაზე: მიართვეს ჯვარის სანთლები და ააპყრო ხელები. უკმეის. დიაკონმა დაიძახა: უფლისა მიმართ ვილოცოთო. არხილიაკონმა გადანაცემ ქალღმრთელში ამოიკითხა: არა ბრწყინვედის ნათელი შენი წინაშე კაცთა და არცა იხილონ საქმენი შენნი კეთილნი და არცა აღიდე შენ მამა ზეციერი ყოვლადვე აწ და მარადის და უკუნითი უკუნისამდეო. ამ სიტყვაზე ქათალიკოსმა თითონვე დაამხო ჯვარის სამთლები და გადასცა. კიდევ დაიძახა დიაკონმა: უფლისა მიმართ ვილოცოთო. არხილიაკონმა ცლადა ჰყო: „არა დაგადა თავსა შენსა გვირგვინი პატიოსნის ცხოვრების, არა თხოვე და არცა მოგცა შენ ყოვლადვე აწ და მარადის და უკუნითი უკუნისამდეო. მოიხადა გვირგვინი და ამ გვართ განიძარცვა ყოველივე სამღვდელთმთავრო წირვის შესამოსელი. ყოველ გახდის დროს არხილიაკონი ბძანებისაებრ მისისა იძახოდა: „არა ღირს არსა“. ფერმიხილი ჩამოვიდა ქათალიკოსი კათედრიდან, შევიდა საკურთხეველში, ემთხვია ტრაპეზს, გამოვიდა, მივიდა ხახულის ღვთის მშობლის ხატის წინ, დაიჩოქა და ტირილით დაემხო. იმ დღიდან აღარც უწირავს, თავს კლირსათ ხდიდა და იყო მარად სინანულში.

# პ ნ ღ ა ზ ე ბ ი

(შეკრებილი სოსიკო მერკვილაძისგან)

ა

— აქლემის ქურდი და ნემსის ქურდი ორივე ქურდიაო.

— არ გათეთრდება ყორანი, რაგინდ რომ ხეხო ქვიშითო.

— აქლემი ისე არ დავარდება, ვირის საპანე კიდევ არ აიკიდოსო.

— ამანათს მგელიც შეინახავსო.

— ადგილის კურდღელს ადგილის მწვეარი უნდაო.

— ავი არ მაკადრიან, კარგი არ მაღირსიანო.

— აღამიანის პირის კანი ხახვის გარსზე უფრო თხელია, თუ ერთხელვე გაიხა, კამბეჩის ტყავზე უფრო გასქელდებაო.

— ან არ ვარგა ნავთა ჯდომა ანუ მენავეთა ბრძოლაო.

— ამყოლს აჰყევი, დამყოლს დაჰყევიო.

— ავი კაცი აღდგომასაც ავიაო.

— ამხანაგი ნუ გძულს, სარგებლობა ნუ გშურსო.

— ავი მუშა კვარა დღეს გახალისდებაო.

— არა გყავდეს მოახლეო, თავი მოიმუხახლეო.

— ავი შემნახავი ქურდზე უარესიაო.

— არა მკითხე მოამბეო-მიტყეპე და მიაგდეო.

- ავი შევილი დედ-მამის მაგინებელიაო.
- ამირან გულში მღეროდა, მოყვარე ბანი მითხარიო<sup>ე</sup>
- ავი ძალლი არც თვითონა ჭამს, არც სხვას აჭმევსო.
- ალიას დარდი ფლავიაო.
- ავსა კაცსა ავი სიტყვა ურჩევნია სულსა გულსაო.
- აზნაური მქადს არა ჭამსო, მოშივდება ჭირსაც მომქამსო.
- ასლის პურო ჯერ არ მიქამიხარ და ახლავე მუცელსა მგვრემო.
- არა შეჯდა მწყერი ხესა, არა იყო გვარი მისიო.
- აზამბურელი თათარი გოჭის თავს მედავებოდაო.
- არც არავის ყმა ვყოფილვარ, არც არავინ ყმათ მყოლიაო, ძველი პური, ძველი ღვინო წლის წლობამდინ გამყოლიაო.
- აქლემს უთხრეს: კისერი ბრუნდი გაქვსო და სხვა რა მაქვს სწორიო.
- ასეთმა ფურმა დამწიქლოს, დერგით მიღამდეს ყველსაო.
- ახალ წელიწადს ვირმა ბაგაზე შეიტყო—დღემ მოიმატაო.
- ასი წლის ბებერმა იანვარში მარწყვი ინატრაო.
- ასეთი გოდორი დასწანით, თქვენ შეიღებსაც გაზოადგესო.
- ახალ კიტრს და ახალ ამბავს ძვირათ ნუ იყიდი, მალე გაიფლებო.
- აქლემმა თქვა, რომ არ დამაჩოქებდენ, ქვეყანას ავიკიდებო.
- აჩქარებით სოფელი არავის მოუჭამიაო.

- აქლემები წაიკიდენ, კოზაკი შუაში გაქყლიტესო.
- ასეთი ხიდი გადევნი, რომ შენმა შვილიშვილებ-  
მაც ზედ გაიაროსო.
- ავ მოვალეს, რაც მოგცეს—გამოართვიო.

ბ

- ბევრი ხელი ჯაფაშიო, ცოტა-ხელი ქამაშიო.
- ბელაური მათრახს არ დაიკრავსო.
- ბუზმა სპილოს ყურში ზამთარი გაატარა, სპი-  
ლომ უთხრა მადლობის დროს: შენი არც შესვლა გამი-  
გია და არც გამოსვლაო.
- ბალი წვერში გამწარდებო.
- ბუზი ბევრს ბზუის, ფუტკართან ყველა სტყუისო.
- ბალდას ვირი კიტრათ იყიდება, მაგრამ ჯორი  
საგზლათ მოუძებნებო.
- ბრმას რა უნდოდა და ორივე თვალებიო.
- ბევრი გამდლის ხელში ბოვში დახარული შე-  
იქნებო.
- ბელაურები გადაშენდენ, ვირს მოედანი დარჩაო.
- ბოლოკმა თქვა: უკადრისმა გამთალა, მსუნაგმა  
გამთხიკაო.
- ბელაურს სქედდენ და ბაყაყმაც ფეხი აიშვირაო.
- ბებია, მიტომ გაკოცებ წირბლიან თვალში, რო  
კვერი მიტეხოვო.
- ბრიყვი კაცი იზდებოდა და ვირდებოდაო.
- ბედი ბნავს და ბედი თესავს, ბედი მოიყვანს  
ყანასო.
- ბაბუის ნაჭამმა ტყემალმა შვილი-შვილს კბილი  
მოკვეთაო.
- ბრმა ლობეს მიაღვა: შენს იქით გზა არა მაქ-  
ვსო.

— ბერი კაცი თვრესო, ვაჟკაცს ერთი ხვდესო და ბავშვს რომ სული ეცესო, ღმერთს თაყვანი სცესო.

— ბრძენთა შორის ცალთვალთა არს პირველი სარდალთა.

— ბრმა თვალ-ხილულს ატყუებდაო.

— ბრიყვ კაცს ჭკუა თვალში აქვსო.

ბ

— გავბრიყვდი და შევჯექი ვირსა, მიკვინტა და დამცა ძირსა.

— გადაგვარების მოსურნე ბუნებისაგან კრულიაო.

— გაუთლელი, სჯობს აღმასი გათლილსა ფირუზხანასაო.

— გამქცევი და მიმწევი ორივე ღმერთს ეხვეწებოდაო.

— გადი, გამოდი, გუთანო, ღირღიტავ, ბანი უთხარო.

— გამხიარულდი, ბუხარო, გულ ჩახვეწული ნუ ხარო.

— გადარეულისთვინ ნიადაგ ღვინიაო.

— გადამხდა გადასავალი, აწ უარესსა მოველიო;

— გიყი ის არის, ვინც აბნევს და ვინც კრფავს, ის ჭკვიანიაო.

— გიყი ქორწილში შევიდა: ჩემს სახლს ესაჯობიაო.

— გველი ეკალზე ნახა გადაკიდებული ურიამ და თქვა: ქირი ქირზე გადაუკიდებიათო.

— გველსა ხვრელით გამოიყვანს ენა ტკბილათ მოუპარიაო.

— გველი გარედგან არის ჭრელი, კაცი კი შიგნიდანო.



- გაჭირვება მიჩვენე და გაქცევას გაჩვენებო.
- გაჭირვების ტალკვესიაო.
- გაუგონიათ ალია მამკვდარაო ზე არ იციან, რო-  
მელი ალიაო.

დ

— დედაკაცი, მინამ ქმარი ჰყავს, ამირანია და რო-  
ცა მოუკვდება ქმარი—ამირანთ-ამირანიო.

- დათვმა კბენა არ იცოდა და კაცმა ასწავლაო.
- დილას ოქრო ხარ, სტუმარო, საღამოს ვერცხ-  
ლათ იქცევი, თუ ხანი დაგიგვიანდა სპილენძათ გადაიქ-  
ცევი.

— დავბერდი დავჩაჩანაკდი წვერი შემექნა ქალარა  
შინ ჯალაბს მოვძულედივარ ბატონს უნდივარ აღარაო.

— დაჩვეულსა ნუ მოუშლი, დაუჩვეველს ნუ დააჩ-  
ვევო.

- დედაკაცს თმა გძელი აქვს და ქკუა მოკლეო.
- დედაკაცმა თუ გაიწია, ცხრა უღელი ხარი ვე-  
ლარ დააკავებსო.

— დედა მიწა გრილია, მკვდარს რომ მიბარებენ, მა-  
ლე დაავიწყდებათო.

— დრო დროთი, თორემ ჟამი ნიადაგ იწირვისო.

— დედაბერმა იანვარში მოცვი ინატრაო.

— დიდ კაცს დიდი სულგრძელობაც მართებსო.

— დიდ აღმართს დიდი თავდაღმართი აქვსო.

— დაჟეჟილს გატეხილი ჯობიაო.

— დამ დასა საცერში გახედა:— როგორა მხედაო?  
ისუ; როგორც შენაო.

— დაიამ დაიას საცვალი ათხოვა და ტანი არ ჩა-  
დვა შიგაო.

— დახლიდან რომ ნემსი ამოიღო, მახათი უნდა ჩა-  
აგდო.

მ.

— ერთმა ფარა ცხვარმა რომ ხეს შებღავლოს, გა-  
ხმებაო.

— ერთი ალილუია ღვდელსაც შეეშლებო.

— ერთი მერცხლის ჭიკჭიკი გაზაფხულს ვერ მოი-  
ყვანსო.

— ეშმაკები ტიკებს ალბობდენ და ღვინო არსად  
იყოვო.

— ეშმაკის მუშა ღმერთმა დაფუშაო.

— ეშმაკის წინ მალაყს ვერ იზამო.

— ერთ ადგილს რომ ვირი ტალახში ჩაიფლოს, მე-  
ორეთ იქ აღარ გაივლის.

— ერთი თხილი ცხრა ძმა კაცმა გაიყოვო.

— ერთი პირი ძილი წყალსაც მოკუაო.

— ერთი რეგვენი მოიქნევს ძვირფასს აღმას ზღვა-  
ში ჩააგდებსო და ათასი ჭკვიანი რომ მიგრავდეს, ვეღარ  
ამოიღებსო.

— ერთი ხიდგან ბარიც გამოვა და ჯვარიცარო.

— ერთ სოფელში გამდელი არ იყო და ვირს პირ-  
მთვარისას ეძახოდნო.

— ერთი კაცი ჭამაშიდაც ბრალბო.

— ერთმა ტალახიანმა ღორმა ასი ღორი გასვარაო.

— ერთი ღლის საგზალი გინდ ხელით ვიტარებია  
და გინდ მუცლითო.

— ეს ფონი კარგია, მაგრამ ერთ ადგილას ახრჩობს  
კაცსაო.

— ერთი პირის ჭირიმე და ბევრი ხელისაო.

— ერთი წლის ბერწობისთვის ფური არ დაიკვლი-  
სო.

3

— ვირს რომ ზურგი მოქავდება, წისქვილს მიაღ-  
გებაო.

— ვაის გავეყარეო, უის შევეყარეო.

— ვირს რქები არ გამოუვიდა და ხბოებში გაე-  
რიაო.

— ვინც მოკვდება, თავს მოუკვდებაო.

— ვირს პიტნა ძულდა და ცხვირში ატენიდნო..

— ვირმა რა იცის, ხურმა რა ხილიაო.

— ვირმა პალო მოგლიჯა; ერთს რომ სხვას მიახვე-  
დრებდა, ოცს თვითონ დაირტყამდაო.

— ვირის წიხლი არ უნდა გეწყინოსო.

— ვაი, დედაო, დედაო, რა დიდი ღორხ კვდებაო.

— ვაი, ჩვენსა წერასაო, თავი გიგავს ძერასაო, გუ-  
ლითადი ვეზირი ორგული, ჰყავს ყველასაო.

— ვაჰ, თხოვნაო, ვაჰ კარზე დგომაო.

— ვაჰი, ჩემო ტიკქორაო, რა ტყუილებს მიქორაო.

— ვაშლი რომ მადლა შეაგლო, მის ჩამოვარდნამ-  
დინაც დრო გაივლისო.

— ვაი უშველებელსაო.

— ვინც ძაღლს მოკლავს, იმანვე უნდა გადაათრი-  
ოსო.

— ვინცა ენა ქართალია, მისი სიტყვა მართალიაო.

— ვერიდებოდი დვალოსო, დამიხვდა სოფლის ბო-  
ლოსო.

— ვირი ჩიოდა: ხუთმეტი მუტრუკა გავხარდე, მაგ-  
რამ ჩემი კურტანი ზურგს არ მოცილდაო.

— ვეშაზი ისეთს არას ჩაყლაპავს, რომ ვერ მოინფლოსო.

— ვინც რა უნდა თქვასო, წისქვილმა კი ფქვასო.

— ვინც ჭამა ქათმის გული, ვერ მოიგო კაცის გულიო.

— ვინც რომ კაცია—ჩოხა ჯაჭვია, ქუდი ნაბდისა, ჩაბალახიაო.

— ვისაც ვინ სძულს, მისი ლაპარაკი რახა-რუხია, ჭამა ხლამანლომია და სიარული ბრახაბრუხიაო.

ზ

— ზურგ წამხდარი ვირი კაჭკაჭს ზეცაში დაინახავსო.

— ზოგს მღვდელი მოწონს, ზოგს მღვდლის ცოლიო.

— ზოგჯერ თქმა ჯობს არა თქმასა, ზოგჯერ თქმითაც დეშავდებისო.

— ზოგი რჩებოდა ბედითა, ზოგი ვერც მოჭირვებითაო.

— ზოგი ქირი მარგებელიაო.

— ზღვა კოვზით დაიღვეაო.

— ზოგი კაცი კაციაო ზოგი კიდევ კაცუნაო.

— ზოგისა ბამბა ჩხრიალობს, ზოგის კაკალიც არაო.

— ზოგიერთმა კაცმა იცის გაძღება და გაგორდებაო, რა გინდ საქმე უხდებოდეს, საქმე აღარ აგონდებაო.

— ზღვა ისე არ დაშრება, გუბის ოდენი კიდევ არ დარჩესო.

თ

— თურაშაულის პატრონი ტყეში ექებდა პანტასო.

- თავგმა თხარა, თხარა და კატა გამოთხარაო.
- თხამ ნეკერი დანახა ზ სანტომიკი არ გაუშინჯაო.
- თავგი ბუჯერში შიმშილით არ მოკვდებოაო.
- თხას თხა ურჩვენია ათას სულ ცხვარსაო.
- თავგებმა თქვეს: კატას ეჟენი შევებათო, არჩი-  
ეს, მაგრამ შემბმელი კი არავინ გამოარჩიესო.
- თხოვნელი და წუნებელი ღმერთსაც ძულს და  
კაცსაცო.
- თავათ არ იყო ძმარო, შიგ შეურიეს წყალიო.
- თუ ჭკვიანი არ ცდებოდეს, რეგენი კლდებზე  
გადავარდებოა.
- თავდები ხელით ჰკილიაო.
- თევზმა თევზს უთხრა: პატარა იქით მიიწიეო,  
—საით-ლა მივიწიო, ორივე ერთს ტაფაში ვიწვითო.
- თევზი მარხვაში—ცხენი აღმართშიო.
- თევზმა თქვა: სალაპარაკო ბევრი მაქვს, მაგრამ  
პირი წყლით მაქვს სავსეო.
- თევზი თავიდან აყროლდებოა.
- თუნდ გახიე, თუნდ გაფხრიწეო.
- თუნდ მკვდარი—თუნდ შინ მოუსვლელო.
- თეთრი კბილი—შავი გულიო.
- თუ მტერი არ გყავდეს ძმას გაეყარე და მტერს  
გაიჩენო.
- თვალეზ შუა რომ ცხვირი ან იყოს—ერთმანეთს  
შეკამდენო.
- თუ მასპინძელი არ ღებინებს, სტუმარსაც მოე-  
წყინებისო.
- თვალი დაუდგა ხუროსო, დაჯდეს და აბრახუ-  
ნოსო.
- თუ გული გულობს, ქადა ორი ხელით იკმებოა.

- თაფლი კარგია, მაგრამ ძაღლის გულაძიაო.
- თოვლი ჩმისთვის მოვა, რომ ხელ-ფეხს მოსწვავსო.
- თოვლი თეთრია, მაგრამ სიცივე დიდი იცისო.
- თაფლი კარგია, მაგრამ ცოტა კუპრი ურევიაო.
- თივაში ცეცხლი არ დაიმალებაო.
- თავის ქება მწვანე კიტრათა ღირსო.
- თითო სახლში თითო ქოთანს შექამადი დუღსო.
- თითო თავიდან თითო ჭკუა გამოდისო.
- თავ-დაძვრენილი კულ-გაბზეკილიო.
- თავისის ქონით თვალებს სწვავსო.
- თავის სიცილს კაცი არ მოუკლავსო.
- თუ ურემმა შეშა არ მოიტანოს, ურემი შეშათ იქცესო.
- თეთრი ძაღლი ბამბის ზარალიაო.

ი

- ისეთმა ფურმა დამწიხლოს — საწველელს მივსებდესო. (ზოგან: დერგით მიდგამდეს ყველსაო).
- ინდოეთში ვირი ხეზე გავიდაო, ეს ვირი და ეს ხე, აბა, აქაც გავიდესო.
- ირემმა ირემს ფოთოლი წაუშვირა, შენც გეშოვება, მაგრამ სიყვარულობა არისო.
- ისე მგელი არ მოკვდება, რომ თხის დასამარხათ გახდესო (ზოგან: თხამ ყურში ჩა — უოს),
- იმედიანი შიმშილიც კარგიაო.
- იმერელმა თქვა: არცა მაქვს და არც მშიაო.
- იმისთანას ნურას იტყვი, რომ ბოლოს შეგრცხვებსო.

კ

- კაცი რომ დაღარიბდება, თავში ჭკუა გამოუაო, ზოგს ძილათ გადაექცევა, ზოგსა ძილიც არ მოუვა და რა ქნას კარგმა მონადირემ, თუ დუშაში არ მოუაო.

- კაცი ბჭობდა და ღმერთი იცინოდაო.
- კაცი მგზავრობაში გაიცნობაო.
- კაცია და გუნებაო.
- კაცი კაცის წამალიაო.
- კაცი რომ ნავში იჯდეს, მენავეს არ უნდა ეჩხუბებოდესო.
- კაცის თვალი ხარბიაო.
- კაცი, რასაც თავის თავს უზამს, იმას მტერი ვერ უზამსო.
- კაციც ის არის და ქუდიც მას ხურავსო.
- კბილი კბილია, მაგრამ როდესაც შეგაწუხებს, მოიგლეჯ და გადაადგებო.
- კაი მთქმელს, კაი გამგონე უნდაო.
- კაი მამა იყავიო, — კაი ჭამა გიყავიო.
- კედელს ყური და მიღორს თვალი ასხიაო.
- კედელს ცერცვი შეაყარეო.
- კამბეჩმა თქვა: ქვეყნის დაქცევის რომ არ შეინოდეს, ისეთს გავიქცევი, რომ ფრინველი ვერ მომეწიოსო.
- კარგისათვის კარგი ვის უქნიაო.
- კარგი არ მაკადრიან და, ცუდი არ მაღირსიანო.
- კბილი კბილს მოხვდება და ქუჭი კარს გააღებსო.
- კატამ შეჭამა ძეხვიო, ამოიკვეთა ფეხიო.
- კატას ძეხვი თავში ჩაარტყეს: — მაგისთანა მებინუ დამელიოსო.
- კბილის ნაჩიქნი კაცს ვერ გააძღებსო.
- კატას თევზი უყვარს და ფეხის დასოლოება კი ეზარებაო.

- კურდღელმა, რაც იმალა, ის იხტუნაო.
- კურდღელმა სთქვა: სანამ გამახტუნებენ, მანამ უფრო მეშინიანო.
- კვიცი გვარზე უნდა ხტოდესო.
- კარგი შვილი დედის გულის ვარდიაო.
- კამბეჩის მარჩოლარ ხარს რქები არ შერჩებაო.
- კვიცი იყიდე და დედა იკითხეო.
- კვიცი რომ დედის წინ ხტომას დაიწყებს, მგელი შეჭამსო.
- კითხვის კითხვით ინდოეთს მიხვალო.
- კვერცხის გემო თავის წონა მარილითო.
- კოკასა შინა რაცა დგას, იგივე წარმოდინდებისო.
- კოკა წყალზე გატყდებაო.
- კუმ ფეხი გამოყო: მეც ნახირ-ნახირო.
- კულა ხარი თავისთვინ არ იყო და სხვას ბუზებს უგერებდაო.
- კოლოსაც კი შეუძლიან ვნებაო.
- კატა ვერ შეწვდა ძეხვსაო: პარასკევია დღესაო.
- კვერნასაც თავის ტყავი სჯისო.
- კაი ღვინის ნაძირალი და კაი კაცის ნაცოლარიო.

ლ

- ლუკმა გავარდეს და ჯამში ჩავარდესო.
- ლომს ხერხით კოლო მოერიო (თურმე ცხვირში შეუძვრა და დასცა)

მ

- მეგობარს პირში უძრახვენ, მტერს პირს უკანაო.
- მეჭურჭლე, საითაც უნდა, ყურს იქით გამოაბამს ქოთანსო.



- მოციქულის მოციქული მატრაკვეციაო.
- მადლარს მშიერიც მადლარი ეგონაო.
- მგელი ცხვარში გაერია: ვაი ერთის პატრონსაო.
- მწყერს ერთი დღე შეხვდა ისიც ავღრიანიო.
- მგლის თავზედ სახარებას კითხულობდნენ: — ჩქარა გაათავეთ ცხვრები მიდიან მეშურებაო.
- მგელმა ძალივით რო სუნი იცოდეს — ქვეყანას ამოაგდებდაო.
- მგელმა თქვა: ჩემ დამჭირავ ძაღლს ერთი შეხედვით შევატყობო.
- მგლის შიშით ცხვარი ვის გაუწყვეტიაო.
- მგელს მგლობა შეერქვა, ტურამ ცა და ქვეყანა დააქციაო.
- მადლი ქენი, მარილიც მოაყარეო.
- მადლი მატლათ გადაშექცაო.
- მართლის მოქმელს ცხენი შეკაზმული უნდა ყავდეს: თქვას და წავიდესო.
- მამალმა თქვა: მე კი ვიყივლებ და გინდ გათენდეს და გინდ არაო.
- მეშურნეთა თვალიო — ცეცხლის მინათვალიო.
- მარწყვი მპირდება გასუქებასო, არველი გასრულებასო.
- მე შენსკენა ვარ, — შენ ეშმაკებისაკენაო.
- მე ალა-ლალას ვიქახდი, სხვები მწყერს იჭერდნო.
- მაშიდასაც ვნახავ, კვიცსაც გავხედნიო.
- მესტეირის ცოლს კითხეს: თამაშობა იცო — მეთი რაღა მისწავლიაო.
- მამა ნახე, დედა ნახე, შვილი ისე გამონახეო.
- მგზავრს კითხეს: რა მომიტანეო და შენ რაღა გამატანეო.

— მელომ თავისი კუდი მოწმათ მოიყვანაო.

— მელიას, რაც აგონდებოდა, ის ესიზრმებოდაო.

— მელას თავისი მახრჩობელა უყვარდაო.

— მე რომ ვხედავ ნიშანსაო— ხარს დამიკვლენ ნიშანსაო.

— მელა მახეში გაება: თავს მოვიმძინარებ და გამომეხსნებაო.

— მწევარი კურდღელს შისდევსო, მაგრამ კურდღელი რაღას მისდევსო.

— მწიხლავს წინ დაუდგებიან, მკბენარს უკანო.

— მზეს ვინც ტალახს ესვრისო, მას ვერ მისწევს, თითონვე თავზე დაეცემაო.

— მჩხვანა კატა თავგს ვერ დაიქერსო.

— მწვადი ისე შეწვი, არც მწვადი დაწვა და არც შამფურიო.

— მანამ ხმალი მოვადოდა, ენამ თავი მამჭრაო.

— მტყუანს ტყუილის კარამდე მიჰყვებო.

— მწიფეს ესვრიდენ, მკვახე ცვიოდაო.

— მთა და ბარი არავის გაუსწორებიაო.

— მთა მთას ვერ მოხვდებოა. თორე კაცი კაცს კო შეხვდებოა.

— ფრინველია — რომ მის ხორცსა ჭამენ — ფრინველია რომ ხორცს აჭმევენო.

— მიზეზ მიზეზ დოს მარილი აკლიაო.

— მღვდელს ქილობში იცნობენო.

— მტერმა რომ მტრის ამბავი იცოდეს, ადვილათ დაამარცხებსო.

— მთვარე რომ ჩემსკენ იყოს, ვარსკვლავებს არ არ შეეგებუებიო.

— მუცელს აქორებ — ქორია, აღორებ — ღორიაო.

- მოვიდა სომეხი, მოიტანა სხვა მეხიორ
- მოვიდა სეტყვა, დახვდა ქვაო.
- მოკლას ხარი თივამაო.
- მპარავი ძალლი უარესია მყეფარზეო.
- მკვდარი მკვდარს აეკიდა: სამარემდის მიმიტანეო.
- მდიდარს ღარიბიც მდიდარი ჰგონიაო.
- მორთული ტიტველს პერანგს აძრობდაო.
- მაძღარს მშიერიც მაძღარი ეგონაო.
- შე კი დავაყრი და გინდა ზედა წისქვილმა დაფქვას, გინდა ქვედამო.
- მგორავ ქვას ხავსი არ მოეკიდებაო.
- მარტი ქალია: დღეში ათჯერ გამონიქიატებს და ათჯერ მოიქუშებაო.
- მქედელს დანა არა ქონდა და ხარაზს ჩუსტებო.
- მუცელი ჩემს ქვეით არის და არა ჩემს ზევითო.
- მეზობელმა რომ შამოგაფურთხოს, თუ მაგიერი არ შეაფურთხე, უტუხო ეგონებო. (ზოგგან შემო—უოსო)
- მარილს თუ არ მამცემ, მარილიანი სიტყვა მაინც მითხარო.

5

- ნუ დასცინი სხვასო, გადაგხდება თავსაო.
- ნუ იქ ავსა და ნუ გეშინია ავისაო.
- ნაბიქვარსაც მონათვლა უნდაო.
- ნუ შეხვალ, ნუ ებანები, ნუ გამოხვალ, ნუ თრთობო.
- ნათხოვარი ათხოვეო, მამის სული აცხოვნეო.
- ნათლიავ, შენსას ჩემი მირჩევნია—სხვისას შენო.

— ნუ დააგდებ ძველსა გზასა, ნურცა ძველსა მო-  
ყვარესაო.

— ნაჩუქარს ცხენს კბილი არ გაეშინჯებაო.

— ნამუსიც კარგი საქონელიაო.

— ნიორმაც შეინახა სამი დღე სიმყრალეო.

— ნაჯხოვარი მოგრხდება, ისევ მალე გაგეხდებაო.

— ნათქვამია: კატა შეხედავს მეფესო.

### მ

— ორი კაცი ერთ კაცზე ლაშქარიაო.

— ოთოთაანთ ქორს უთხრეს: ჰკარ გარეულებს,  
თორე შინაურები სად წაგივლენო.

— ობოლს ძლივს ერთი კვერი ხვდა ღ ისიც დამწვა-  
რიო.

— ობოლი გაზდას მოელის, ღარიბი გამდიდრებასო.

— უპატრონო ეკლესიას ეშმაკები დაეპატრონენო.

— ორი ნესვი ცალ ხელში არ დაიჭირებაო.

— ობლის მამა ღმერთიაო.

— ობლის კვერი გვიან ცხვებაო.

— ოდეს ტურფა გაიფედეს, არა ღირდეს არცა ჩი-  
რადო.

— ორი კურდღლის მღევარი ვერც ერთს ვერ და-  
იჭერსო.

### პ

— პური მეპურეს გამოაცხოზინე, ერთი პური მის-  
თვინ ნუ გშურსო.

— პურ-მარილის დასწავლა ძალღმაც კი იცისო.

— პური და გული სტუმარსა, წავა შინ გაახსენდე-  
ბაო.

— პირში მაქებარი ეშმაკის მოციქულიაო.

- პურს რო გთხოვენ, ქვას ნუ მისცემო.
- პურად-ძვირი თუ გამხიარულდა, ბედ დოვლათს გადააქარბესო.
- პალური კარა მეტკინება—მეწყინებაო.
- პურ-მარილი ქვაზე დადე, გამოივლი წინ დაგხვდებაო.
- პურ-მარილის დასწავლა ქვამაც იცისო.
- პური და ღვინო ძველი ჯობს, ბატონი ახალ-ახალიო.
- პურმა თქვა: მე პირს არ მოვძებნი, თუ თვითონ არ მომძებნაო.
- პირი წყლითა მაქვს სამსეო.
- პირის გამთავებელი ძმაზე უკეთესიაო.

რ

- რასაცა გასცემ—შენია, რაც არა—დაკარგულიაო.
- რაც არ ექნას მამაშენსა, ნურც შენ გახვალ თავსა შენსა.
- რწყილს დაწვენენ და აქლემს აშობინებენო.
- როგორც მღვდელი, ისეთი ერიო.
- რასაც კბილს დაადგმენ—აყროლდებაო.
- რომელ თითსაც მაპჭრი, ყველა მეტკინებაო.
- რას დასდევ ჭრელსა პეპელსა, გაგიფრინდება წაგევა. არც არა ხორცი გიხორცებს, ტყავი სულ არად გაგევაო.
- რასაც კაცი თავის თავს უზამს, იმას მტერი ვერ უზამსო.
- როგორც თვალი შორს, ისე უულიც შორსო.
- როგორც ტყვა, იმისთანა ნადირი ბუდობსო.
- რაც არ შერგება, არ შემერგებაო.
- რამდენი ვირი ვიყიდე, იმდენი კ—ნა გამომადგაო.

- როგორცა ჰქუხს, ისე არა წვიმსო.
- რკინა სანამ ცხელია, მანამ გაჭედვო.
- რასაც დათესამ, იმას მოიმკიო.
- რაც თხამ თრიმლს უყო, ის თრიმლმა თხის ტყავსაო.
- რკინას ჟანგი სჭამს, კაცის გულს ჯავრიო.

ს

- სტუმარს სტუმარი ძულდა, მასპინძელს ორივეო.
- სადაც ძალი შევა, სამართალი ბანიდან ავაო.
- სტუმარო, გაისაჯე, შენი სახეთქიც არისო.
- საქმეს წაახდენს რეგვენი, ფათერაკს დააბრალებსო.
- სვავე კისერზე მიიზმანს და ძვალს ისე გადაყლაპავსო.
- სხვისი ხელით ნარს ნუ მოგლეჯ — ეკლიანი ბაღაზიაო.
- სული სულს იცნობს, გული გულსაო.
- საყდრის კარი ღია იყო, ძალს ნამუსი არა ქონდაო.
- სული ტკბილიაო.
- სოფელი ვნახე უძაღლო, შიგ გავიარე უჯოხოო.
- საქონელი პატრონს ეგვანებაო.
- სხვის ამარა ფართო ლოგინს ნუ დაიგებო.
- სირცხვილი დიდი კომბალიაო.
- სხვათა ჭირი — ლობეს ჩხირიო.
- სიკვდილმა თქვა: ისე ვერავინ მოვკალი, რო არას დააბრალებსო.
- საქებურმა ხარმე ნიახური გადაქელაო.
- სიცილს ტირილი მოსდევსო.

- სხვათა შაზიარებელი მოკვდა უზიარებელიო.
- სიკვდილმა თქვა: მოგკლაო და—მჯერა შენი ქვეიდაზაო.
- სხვილისა და წმინდის დამფქველს ორივეს ერთი ფასი აქვსო და, ვაი, წმინდის დამფქველსაო.
- სამართლით მოჭრილი ხელი არ მეტკინებაო.
- სიფთხილეს თავი არა სტკივაო.
- სხვას სხვისი მკვლარი მძინარე გონიაო
- საბზელი რო გეწოდეს, ხელეგი ჰოითბეო.
- სწავლა კაცს სიბერემდის არ მოჭარბდებაო.
- საბზელმა თქვა: ქარის არც გატანილი მინდა არც მოტანილიო.
- სიცივე მიტომ მოვა, რომ ხელფეხი მოგვწვასო.
- სართი დასწრებისა არისო.
- საიღამ სადაო, წმინდაო საბაო.
- სადაც არ იყოს — ცოტაც კმარიყოსო.
- საქმე თუ თავიდან არ დაიწყე, ბოლო რა მოსახმარისი იქნებაო.
- სანებვეს რამდენსაც გაქექენ, უფრო უარესად — აყროლდებაო.
- საქონელმა თქვა: ღმერთო, მისთანას მიმეცი, მონმარება შეეძლოსო.
- სადაც არა სჯობს, გაცლა ჯობს კარგისა მამაცისაგანაო.
- სანამ პეტრე მოვიდოდა, პავლეს ტყავი გააძრესო.
- სანამ თორნე ცხელია, პური მანამ უნდა ამოაკრაო.
- საღამოს ხეირს დღის შარი ჯობიაო.
- სამი დღის ხბო თავის თავათ წავა წყალზეო.

- სითაც გავიქეციო, იქით წავიქეციო.
- სადაც დაბალი ლობია, ყველა მას გადაქელავსო.
- სადაც კვამლი მაღალია, ის იმისი მაყარიაო.

ტ

- ტრედს მისი სიმშვიდით ნისკარტი მოჭრესო.
- ტერტერამ უღელი გადააგდო, კურდღელი მოკლაო.
- ტყუილის მთქმელს მართალსაც აღარ დაუჯერებნო.
- ტყუილს მოკლე ფეხები აბიაო.
- ტაშტი გატყდა, ხმა გაფარდაო.
- ტერტერამ თქვა: მე რომ გაქცეული კურდღელი მინახავს, მისი ხორცი ღმერთმა ნუ მაჭამოსო.

უ

- ურია რომ გაღარიბდება, ძველს ვალებს გამოუღდებო.
- ურემმა თუ შეშა არ მოიტანოს, ურემი შეშად იქცესო.
- ურიამ ცხენის ნალი ნახა და—ღმერთო, სარკინეთი ამოაგდევო.
- უბედურ კაცს ქვა აღმართში მიეწიაო.
- ურია წყალს მიჰქონდა, გზაც იქით ქონდაო.
- ურიას ერთი დღე ხვდა, ისიც შაბათიო.
- ურიავე, ღმერთს ნუ ფიცავ ჭე „არა, ღმერთმანია“
- ურია და მისი შვილი ორივე ღმერთმა დააშამათაო.
- ურიამ თაფლი გასცა, უკანვე მიტიროდაო.
- ურემი რომ გადაბრუნდება, გზა მას უკან გამოჩნდებაო.



- უნამუსო ვირზე შესვეს, „აჩუ ვირო“ — დაიძახაო.
- უნაგირი ვიშოვე — ცხენი ვერ ვიშოვე, ცხენი ვიშოვე — უნაგირი ვერ ვიშოვეო.
- უკულო ხარი თავისთვინ არ ბყო, სხვას ბუზებს აგერებდაო.
- უნაგირი გქონდეს — ცხენს ბევრჯერ იშოვიო.
- უნამუსო თხაო, ტყიდან გამოხტაო.
- ჯრჩი მიუშვი ნებასო, დვით შეეყრება სნებასო.
- უხვსა მორჩილობს ყოველი, იგიცა, ვინ ორგულიაო.
- უშვილო და პურა-ძვირიო.

ფ

- ფული პატარა ღმერთიაო.
- ფონი გასვლის შემდეგ უნდა დალოცოვო.
- ფებერვალი და მარტი რომ წინ გედვას — ზამთარს ნურც აქებ, ნურც აგინებო.
- ფეიქარი ფაშა გახდა, მაგრამ მუდამ იგონებდა ვა, შენ ჩემო საფეიქრო, მასრაქო და მასრა მაქოვო.
- ფებერვალი ბერავსო, მარტი ტყავსა კერავსო, აპრილი გაჩქარებულა, სახნის საკვეთს ფერავსო.
- ფებერვალი დადგა, ხეში წყალი ჩადგაო, ჩიტმა-ჩიორამ საძირკველი გასკვნაო.
- ფიცი მწამს, ბოლო მაკვირვებსო.
- ფერი ფერსა — მაღლი ღმერთსაო.
- ფლავი ვის უდგია და მადა ვის აქვსო.
- ფარჩა-ფურჩა გაცვდა და შავი ყამი დარჩაო.
- ფაფთი შეშინებული დოს უბერავდა სულსაო.

ქ

- ქრთამი ჯოჯოხეთს ანათებსო.
- ქალაქი კარგი სათლელი ღუმე არისო.

— ქაჩაღმა წაშალი იცოდეს—თავს მოიჩვენდაო.

— ქაჩაღს კითხეს: ვინა გძულსო „ვინც თავი დამბანაო“.

— ქვრივმა ქვრივს მიუტირა, მერე ერთმანეთი თვითვე ანუგეშესო.

— ქათამმა თქვა: ცხვარი დაკლეს ზედ ღამაკლეს, ძროხა დაკლეს, ზედ წამაკლეს, ხარი დაკლეს ზედ წამაკლესო.

— ქათმისა მიყვარს ენაო, მაღლიდგან გადმოფრენაო (პატარძალს უთქვამს), მხარ-ბარკალ-მკერდ-კისერ-კურტუმი ცოტა რამ საწეწკელოა, თუ საბძელსაც დამუმატებთ, ისიც არ მეწყინებაო.

— ქათამი წყალს დაღევს და ღმერთს შეხედავსო.

— ქურდს რა უნდა და ბნელი ღამეო.

— ქარის მოტანილს ქარივე წაიღებსო,

— ქვეითი ცხენიანს დასცინოდაო.

— ქალი ქებით გათხოვდება, კარგი რძალი ვის უნახავსო.

— ქალი მორცხვი, ვაჟი ხასი—ქვეყნის ფასიო.

— ქალი იჯდეს, ბედს ელოდდეს, ვაჟი იჯდეს ბერდებოდესო.

— ქურდი რო ფიცზედ მიაგდო, ასჯერ შემოგფიცავსო.

— ქურდმა თუ ვერა იშოვა-რა, თავის ქუდს მობარავსო.

— ქურდის შემნახავა ქურდზე უარესიო.

— ქურდმა ერთი ცოდვა ქნა და დამკარგავმა ათასიო.

— ქარავანს დაცილებიხარო.

— ქმარი ლაშქარს იყო, ცოლი ამბავს უყვებოდაო.

— ქვევრს რასაც ჩაძახებ, იმას ამოგძახებსო.

— ქალმა თუ გაიწია, ცხრა უღელი ხარ-კამეჩი ვე-  
ლარ დააკავებსო.

— ქალი თმიანი—მწვადი მცვრიანო.

— ქურდს რომ ყური დაუგდო, ღღეში ათჯერ ვა-  
ტყდებო.

— ქვეყნის ქურდი მთხლეზე მოკლესო.

— ქვა თავის ადგილს მძიმეა, დაიძვრება გამსუბუქ-  
დებო.

— ქოთანი დაგორდება, სარქველს ნახავსო.

— ქოთანმა თქვა: ოქროს ძირი მაქვსო, კოვზმა  
უთხრა: — მე სულ მუდამ იქ დავტლიკინობ და რაცა  
გაქვს, არ ვიციო.

— ქალის აშენებული ოჯახი ღმერთმა ვერ დააქ-  
ციაო და ღვთის აშენებული ოჯახი ქალმა დააქციაო.

## ღ

— ღმერთი ჭკუით იცნესო.

— ღმერთი დიდია, ღარიბო, გული ნუ შეგიშინდე-  
ბო.

— ღმერთი რომ კაცს გაუწყრება, პირველათ ჭკუას  
გამოუღვესო.

— ღვინით გალახულს, ჯოხით გალახული ჯობიაო.

— ღარიბი კაცის პურის ქამა მაღლიო.

— ღმერთი უისაც მისცემს, ორივე ხელით მიმცემსო.

— ღრუბლიანი დღე პატარძალს დილა ეგონაო.

— ღალანიძემ სამი დღის სიცოცხლისთვის, ძალ-  
ღის ღვეკი შეჭამაო.

— ღვთისაც მეშინიან, ღვთის რისხვისაცო.

— ღმერთსაც თავისი პირით შეეხვეწებიაო.

— ღმერთი მთას დახედავს და თოვლს ისე დადებსო.

— ღმერთმა ქვეყანაზე გადმოიხედა და თქვა: ბევრი ჩემი უნებური მკვდარი არისო.

— ღმერთო, ნუ შეჰყრი ვაშ კაცსა ცოლს ყბედსა და მძინარსაო, ის შეშლის, ის დააბერებს, ის შეჰყრის წყალსა მძინარსაო

— ღვინოსა ვსვამდი კახურსო, არც თავს მატკენდა არც გულსო.

— ღორმა თქვა: გოჭები რომ დამეხვია, წმინდა წყალი ვეღარ დავლიეო.

— ღორს უთხრეს ქეჩოში ქერი გიყრიაო.

— ღორის ტილს რომ ფეხზე დაისვამ—თავში აგილოღდებო.

— ღორ-მუცელა კაცის აშენება არ შეიძლებაო.

— ღორი რომ გასუქდება, მგლის დაჭიდებას მოინდომებსო.

— ღმერთი ჩემსკენ იყოს თუარა,—ეშმაკები ვერას დამაკლებნო.

ჟ

— ყმაწვილი თუ არ იტირებს—დედა ძუძუს არ მიაწოდებსო.

— ყურძნის სიყვარულით ღობესა კოცნიდენო.

— ყბად აღებული—წყალ წადებულიო.

— ყვავსაც თავის ბარხალა მოსწონსო.

— ყვავს არ ქონდა, ბუს გაჰქონდაო.

— ყბედი ვინ მოღალა და მუნჯმაო.

— ყმაწვილი ტირილით გაიზღება, გოჭი ჰყვირილითო.

— ყვავი ნებს ჩხრეკავდა და ბოლოს არიდებდაო.

— ყური მითომ არ იზღება—ბევრი ჰორები ესმისო.

- ყველა ზავისას ჩიოდა, მენახირე ბუზანკალასო.
- ყრუსთვინ ორჯერ არ დარეკენო.
- ყმაწვილის ენა დედას ესმისო.
- ყმაწვილი მიტომ ტირის, რომ გაუდისო.
- ყვავს თვალი არ ქონდა და წამწამს ინატრიდაო.
- ყვავს რა აქვს — კაქკაქს რა მიცესო.

შ

- შეგნებულთან ომი ჯობია შეუგნებულთან ლხინსაო.
- შეჩვეული ჭირი ჯობია შეუჩვეველსაო.
- შავი თეთრთან დააბი, ან ფერ იცვლის, ან ზნესაო.
- შენ სულ-გრძელობას ჩემი დღე-გრძელობაც უნდაო.
- შუბი ხალთაში არ დაიმალებაო.
- შავ ღორს გინდ აღმა შეფხანე, თუნდ თავდაღმა ჩაფხნე, მაინც ღორიაო.
- შექამადს თვალი სჭამს და თვალი სვამსო.
- შავ ღორას შავ-ტრუხა არ დააკლდებაო.
- შინ დაბარებული გარეთ არ გამოადგებაო.
- შორს მოუარე, შინ შეიღობით მიდიო.
- შენიჭთუ არა იხარჯებოდეს რა — ლხინს ნურა გი-რჩევნია რაო.
- შიში ვერ იხსნის სიკვდილსა, ცუდია დაღრე-ჯილობაო.
- შეუნდოს ჩემს მკვდარსო, ჩაუღვას ჩემს ყბასო.
- შინ რომ ბავშვები შიმშილით გიკვდებოდეს, გარეთ ტაბლას რა ხელი აქვსო.
- შინაურს მღვდელს შენდობა არა აქვსო.

— შვილი მტრულათ გაზარდე, მოყვრულათ გამო-  
გადგებაო.

— შენ რომ დიდი მადა გქონდეს — რა ჩემი ქონების  
ბრალიაო.

— შენ ნახირში წაბძანდი, მე ქორწილში წავეთ-  
რევიო.

— შეილმა რომ დედის გულსთვის გულზე  
ერბო-კვერცხი მოიწვას ყოველდღე, დედის ამავს მაინც  
ვერ გადაიხდისო.

ჩ

— ჩემი შენ გითხარიაო — გული მოგიკალიო.

— ჩვეულება რჯულზე უმტკიცესიაო.

— ჩიტი საცა გაიზღება, მისი ბაღდადი იქ არისო.

— ჩიტი ბღღენათ არა ღირდა უკან დევნა, მეტი  
იყოო.

— ჩქარს უგვიანდებოდესო.

— ჩიტი ღობეს მიტომ შეეხიზნება, ქარს ნუ გამა-  
ტანო.

— ჩათრეულს ჩაყოლილი ჯობიაო.

— ჩიტი ნარს შეეხიზნა: წვიმა მომიფარეო.

— ჩემი ურგები ქოთანია — ქვასო და შეჭამადი — ძა-  
ლლსო.

— ჩხუბში ისეთს სიტყვას ნუ იტყვი, რომ შერიგე-  
ბის დროს შეგრცხვესო.

— ჩიკორა ცემით გახეთქეს: რატომ ძმა არა გყავსო.

ც

— ცხრაჯერ გაზომე, ერთხელ გასქერიაო.

— ცარიელ კაცს საბაჟოზე მიუხაროდიაო.

- წარიელმა თითმამ პირი გამამქლითაო.
- ცხვრის ღუმას არა ქამს: უკანიდამ რათ აბიაო.
- ცოტა მოთოხნე, ცოტა მოხოხნეო.
- ცუდათ ყოფას ცუდათ შრომა ჯობიაო,
- ცხვირს მოიწმენდენ და არ მოივლეჯენო.
- ცას არავინ შეაბერდებაო.
- ცხვარს ცხვრის ფეხით დაჰკიდებენ, თხას თხის ფეხით და ხარს, ძროხასაც თავის ფეხითო.
- ცა ქუდათ არ მიაჩნია, დედამიწა ქალამნათო.
- ცოცხალს არ მეცვა კაბანი, მკვდარსა ჩამაცვეს ფარჩანიო.
- ცდა ბედის მონახევრეაო.
- ცოდვა გამეღავენებული ჯობიაო.
- ცხვარი ცხვარია, თუ გაცხარდა—ცხარიაო.
- ციხეს კარი უნდა, კარს უკან კაციო.
- ცეცხლი და გული სტუმარსა, წავა შინ გაახსენდებაო.
- ცეცხლი თივაში არ დამალდებაო.
- ცხენს ვერაფერი დააკლეს, უნაგირი დაამტვრისო.
- ცეცხლი ვთქვი და პირი არ დამწვაო.
- ცეცხლის პატარა ნაპერწკალი დიდ ხორას გადაწვავსო.
- ცის ვალი დედამიწას არ შერჩება, დედამიწისა ცასაო.
- ცული პატარა არის, მაგრამ დიდ ხეს წამოაქცევსო.
- ცოლსა დიდი ცომი უნდა, ასი ლიტრა საფანელიო.
- ცალი ხელით ტაში არ დაიკვრისო.

- ცხე შიგნიდან გატყდება.
- ცალიერი ტომარა ზეზე ვერ გაჩერდება.
- ცოლ-ქმრის ამბავი მხოლოდ ლოგინმა უნდა იცოდეს.

ძ

- ძმა ძმისთვისა და ამ დღისთვისა.
- ძალისა სცემდენ და რძალს ასმენდენო.
- ძმა და ძმამ ანგარიში ქნეს და ისევ ძმები რყენენო.
- ძილმა სასთუმალი არ იცის და შიმშილმა სასუკარიო.
- ძალი სამქედლოდან რას გაიტანსო.
- ძერას შვილი მოუკვდა და ბუს მიუკვდა: „დიდი თავი გაქვს და იტირეო“.
- ძნა იწოდა, ულო იცინოდაო.
- ძაღლის კუდი კალაპოტში არ გასწორდებაო.
- ძაღლი ძაღლის ძვალს არ გატეხსო.
- ძაღლი ჭიბოსანს ტლაკავდა: ენაში სისხლი გადიოდა ზე ეგონა: ჭიბოსანს გადისო.
- ძაღლი ყვეს, ქარავენი მიდისო.
- ძალა აღმართს ხნავსო.
- ძაღლისა ბატკანი ვის უნახავსო.
- ძაღლისა წინიდან გეშინოდეს, ცხენისა უკანიდანო.
- ძროხამ იწველა, იწველა, ჰკრა წიხლი და დააქციაო.
- ძაღლი არის ძაღლისაო, ორივე ერთი გვარისაო.



წ

— წიქვილის ქვები თუ ერთმანეთს არ ეხმარებოდენ, ცალმა რამდენიც უნდა იბრუნოს, ვერას დაფქვავსო.

— წყალნი წავლენ და წამოვლენ, ქვიშანი დარჩებიანო.

— წკნელი სანამ პატარაა — მოგრიხე, გაიზდება, აღარ მოიგრიხებაო.

— წითელი ოქრო შავი ღლისთვისო.

— წავიდა ღლე და ფათერაკი.

— წყალ-წალეებული ხავსს ეკიდებოდაო.

— წყალში თევზი არ დაფასდებაო.

— წყალ გაღმა წაედავე, გამოღმართი ხელთ დაგრჩებაო.

— წაიქცა ჯირკი და მიესია ჯინქველაო.

— წინა კაცი უკანისა, ნათქვამია, ხილიაო.

— წითეს უსერიდნენ და კუხე ცვიოდაო.

— წედისი (ქედისი) დაიწვაო და რაც იმას ბერვა ქონდა; ან აქამდინ როგორ გაძლოვო.

ჭ

— ჭამა ქონებაზე ჰკილიაო.

— ჭკუავე, გიყიდი ფასადა, თუ მოგიღებდა ვაჭარიო.

— ჭირს გაძლება უნდაო

— ჭამამ რა მიყო, ლუკმამ რა მიყოსო.

— ჭკუა მოგონებაზე კილიაო.

— ჭიას რომ ფეხს დაადგამ, ისიც გიკბენსო.

— ჭორი თქვას და მეჭორე ხელში დაიჭირეო.

— ჭირო, მეზობლისას წადი, მე კი მამშორდიო.

— ჭირიც აღარ მიუბრუნდება მეორეთო.

— ჭინჭარი ჭირის ჭირია, სატატური ბალღამიაო.

— ჭედე რკინა, სანამ ცხელიაო.

ბ

— ხვალინდელ ქათამს ღღევანდელი კვერცი მირ-  
ჩვენიაო.

— ხენაში პირობა ჯობია მკაში პირობასო.

— ხნიერ კაცს სიზმარიც დაეჯერებაო.

— ხარმა ხარს ურქინა და კარგ ბალახში გადაადღო.

— ხერხი ჯობია ღონესო, თუ კაცი მოიგონებსო.

— ხარი სხვისა, სახრე ტყისა, გაჰკა და გაუჭირეო.

— ხუცესს არ უჯერებდენ და ხუცის ძაღლს კიო.

— ხე რომ წაიქცევა, ცულიანი და უცულო ზედ  
მიეხვევაო.

— ხელმა ხელი დაბანა, ორივემ პირიო.

— ხარი ქირაზე მოკვდება, კოკა წყალზე გატყდებაო.

— ხარბს თვალს შავი მიწის მეტი ვერა გააძღებს-  
რაო.

ჯ

— ჯერ თავო და თავო მერე, ცოლო და შვილოვო.

— ჯორჯმა ძაღლმა რომ კურდღელი მოგიბრუნოს,  
დაჭირვაში ჩავარდებაო.

— ჯერ ძილო და მერე სიზმაროვო.

— ჯერ ფონს იკითხვენ, მერე წყალში შევლენო.


— ჯერ შობა არ მინდოდა და მერე სიკვდილიო.

— ჯობს სიცოცხლესა ნაძრახსა სიკვდილი სახელო-  
ვანო.

— ჯდომას და ღდომას ერთი ფასი აქვსო.

— ჯერ ღვინო არსად იყო და ეშმაკები ტიკებს  
აღბობდენო.

— ჯერ არ დაბადებულიყო და აბრამს არქმევდენო.



(ზღაპარი, ქართლში ჩაწერილი ვანო ლალიაშვილისაჲან.)

I

იყო და არა იყო, ღვთის უკეთესი რა იქნებოდა; ერთ დროს იყვნენ ერთი ღარიბი ცოლ-ქმარნი. იმათ ბედზედ არა მოიპოვებოდა რა: არც ერთი ხეირიანი სახლი, არც კარი და არც სარჩო-საბადებელი. სცხოვრობდნენ ერთ უდაბურს ტყეში თინია და ბერიკა; აგროვებდნენ იმავე ტყეში ფიჩხს, მიჰქონდათ იქვე შორი-ახლოს მდებარე ქალაქში, ჰყიდდნენ და ამით დღიურათ თავს ინახავდნენ. ასე, ამ ყოფით იყვნენ რამდენიმე წელიწადს. ერთს დღეს ბერიკა ტყეში წავიდა ფიჩხის მოსატანათ, თინია კი სახლში დარჩა, რადგან ორსულათ იყო, სიარული არ შეეძლო და დღე-დღეზედ მორჩენას ელოდებოდა. ბერიკა კარგა შორს იქნებოდა წასული, რომ საბრალო თინიას მუცელი ასტკივდა. რაკი თავის თავის მეტი მომვლელი არავინა ჰყავდა, ისევე თითონ შუა ცეცხლის პირთან დააგო თივა, ზედ ლოგინი გაშალა და დაწვა. ტკივილმა თან-და-თან შეაწუხა. რამდენიმე ხნის შემდეგ იმათ ღარიბ ქონში შემოვიდნენ სამი ბებერი ქალები, მოუარეს ავათმყოფს, როგორც რიგი იყო, თავაანთებურათ უბებიეს და მოარჩინეს კიდეცა. თინიას შეეძინა ქალი. ბებრებმა აიყვანეს ბავშვი, დააწვინეს პა-

ტარა ჩაჩაბაზედ და მერე დედას დაუწყეს მოვლა. აგერ თითქმის საღამოს უამბა მოაწია და ბერია არსაიდან ჩნდა, იმ ბებერ ქალებსაც წასვლა ეჩქარებოდათ; წასვლის დროს სთქვეს: მოდი ბარელამ მოვნათლოთ და ისე წავიდეთო. მართლაც ასე მოიქცნენ. მონათლეს ყმაწვილი და სახელათ მარგალიტა დაათქვეს. ეხლა რა დავანათლიოთო? სთქვეს. ერთმა სთქვა: მე ჯვარს დავკიდებ გულზედ! ის ჯვარი თუ მოშორდეს, მოკვდეს და თუ არ მოშორდეს და მუდამ ჰქონდეს, საუკუნოთ იცოცხლოსო. მეორემ სთქვა: მე სილამაზეს და გაზრდა-მატებას დავანათლიებ; ერთი წლისა რომ გახდეს, სამისა ეგონოთ, ხუთისა რომ გახდეს, ათის და თხუთმეტისაო; ისეთი ლამაზი, მშვენიერი, მომხიბვლელი და ეშხიანი გამოვიდეს, რომ მთელი ქვეყანა მაგას შენატრიდეს და ბედნიერი იყოსო. მესამემ სთქვა: როცა სტიროდეს ან ლაპარაკობდეს — მარგალიტის მარცვლები და ძვირფასი თვლები მოსცვივოდეს პირიდგანაო. ყოველივე ეს გაათავეს, ბავშვის დედას კიდევ მოუარეს, საჭმელი დაუტოვეს და წავიდნენ. ცოტა ხნის შემდეგ ბერიაც მოვიდა. რომ ნახა თავის მეუღლემ მშვიდობით მორჩენილი და ბავშვით, ძალიან გაუხარდა. ცოლმა ყოველივე უამბო, როგორ მოაოჩინეს ქალებმა. ცოტა ხნის შემდეგ ბავშვს გამოეღვიძა და ტირილი დაიწყო. მართლაც გადმოცვიინდა პირიდგან და თვლებიდგან მარგალიტები და ძვირფასი თვლები. ისე მალე აიესო იქაურობა, რომ ბერია ვერც-კი ასწრობდა აკრეფას: როგორც სეტყვა, ისე დაცვიინდა ძირს იმოდენა მარგალიტები. ბერიკას სიხარულს სამზღვარი არა ჰქონდა. მალ-მალ ჩაიტანდა ხოლმე ქალაქში და ჰყიდდა კარგ ფასათ. ერთი წლის განმავლობაში ბერია იყიდა ერთ მშვენიერ ალაგას სამოსახლო ადგილი, შიგ აა-

შენა მშვენიერი და უზარმაზარი სასახლე, კარ-ფანჯრები გაუკეთა სულ ოქროსი და თვალმარგალიტით მოჭედული; ეზოზედ შემოავლო ოქროს გალავანი, ჭისკარიც (ალაყაფის კარები) ოქროთი და თვალ-მარგალიტებით მორთო. ქალიც გაიზარდა. ათი წლისა რომ შეიქნა, ისეთი მშვენიერი რამ გახდა, რომ კაცის თვალი უკეთესს ვერაფერს ნახავდა. იმის ტოლი, იმ ქვეყანაში არავინ იყო და ყველა მას შენატროდა.

სცხოვრობდა ბერია თავის ცოლშვილით და მოსამსახურეებით რამდენიმე წელიწადს. მარგალიტა თან-და-თან იზრდებოდა, უფრო და უფრო მშვენიერდებოდა, ამომავალ მზეს ემგზავსებოდა და მამის სიმდიდრესაც უმატებდა.

ერთ დღეს ერთი ხელმწიფის შვილი თავის ვეზირებით წასულიყო სანადიროთ ერთს თავანთ სახელმწიფო ტყეში. ინადირეს სალამომდის ისე, რომ სახლში წასვლა სულ-დაავიწყდათ და შეუძლებელიც იყო მაშინ იმათი წსსვლა, რადგან ძალიან დაღამდა. გაჩერდნ ერთ ადგილს და დაიწყეს ფიქრი, თუ სად გაეთნებიათ იმ ღამეს. ბოლოს გარხედეს და დაინახეს სანადირის შუქი. სთქვეს: აქ სწორეთ ვინმე მოსახლე უნდა იყოსო. გაიარეს ცოტა და დაინახეს ოქროს, ბრჭყვიალა გალავანი და შიგ მშვენიერი ქალი, ოქროსივე და ძვირ ფასი თვალ-მარგალიტებით მორთული სასახლე, რომლის ზურმუხტ-ოალებს ათას-ნაირათ აბჭყვრიანებდა გარშემო სანათურები. წავიდნენ და პირდაპირ ჩვიდნენ იმ სასახლესთან. ხელმწიფის შვილმა ვეზირი ჩაგზავნა ეზოში, თვითონ გადმოღმა გაჩერდა და შეუთვალა სასახლის პატრონს: (სასახლის პატრონი ბერია იყო) დღეს სანადიროთ ვიყავით ამა და ამ ტყეში, უცბათ დაგვიღამდა,

სახლში წასვლა ვეღარ მოვასწარიტ და, თუ შეიძლება, ამაღამ თქვენსა ღამე გაგვათევეინეო. ვეზირი მივიდა ბერიკასთან და უთხრა ყოველივე, რაც დააბარა ხელმწიფის შვილმა. ბერიკამ, რა გაიგო უცხოის და ძვირფასი სტუმრების მოსვლა, მაშინვე დიდი სიამოვნებით მიიღო.

ბერიკა, როგორც ეკადრებოდა ხელმწიფის შვილს და მის ვეზირებს, ისე გაუმასპინძლდა; იმისთანა ვახშაში გაუკეთა, რომ თვით ხელმწიფის სასახლეშიაც არ გაკეთებულა იმისთანა. იმ ღამეს ბერიკამ კარგი პატივი სცა სტუმრებს, კარგი დროებაც გაატარებინა და მეორედღეს გამოემშვიდობენ სტუმრები, დიდი მადლობა გადაუხადეს მასპინძლებს და წავიდნენ.

თურმე ხელმწიფის შვილს იმ ღამეს მარგალიტა ძალიან მოწონებოდა. რამდენმა ხანმაც გაიარა, იმდენი უფრო შეუყვარდა, სიყვარული გულში ჩაეჭრა. რამდენი დღეც გადიოდა, იმდენათ უფრო და უფრო უცხოველდებოდა და ერთ ადგილას ვეღარ დგებოდა: სიყვარულმა საშინლათ გაიტაცა, რა ექნა, აღარ იცოდა... სანადიროთ სიარულს უფრო მალ-მალე მოუხშირა; დადიოდა იქეთ, საითაც მარგალიტა ეგულებოდა. ერთი კვირა ისე არ გაივლიდა, რომ ორჯერ-სამჯერ მაინც არ გაეცლო მარგალიტა მამის სასახლისკენ და მარგალატასთვის თვალი არ გადაეცლო გულის თრთოლვით: რა დღესაც მარგალიტას ან იმის ახლო-მახლო არე მარე არ დაენახა, ის დღე დღეთ აღარ მიაჩნდა.

ასე, ამ ყოფით გაატარა რამდენიმე თვე ხელმწიფის შვილმა, რომელიც ისე ძლიერ მოიხიბლა იმ ღამეს მარგალიტასაგან. ხელმწიფის შვილმა გაუგზავნა ბერიკას თავის უმცროსი ვეზირი და სთხოვა, რომ უეჭველათ

უნდა თქვენი ქალიშვილი მომცე ცოლათო. ბერიკამ შეუთვალა: მე თქვენი საკადრისი ქალიშვილი არა მკავსო და არც ღირსი ვარ თქვენი დამოყვრებისაო. ვეზირი წავიდა, მივიდა ხელმწიფის შვილთან და ყოველივე მოახსენა, რაც ბერიკამ დააბარა. ხელმწიფის შვილმა ისევ უკან დააბრუნა ვეზირი და სთხოვა: იქნება თქვენ არ მკადრულობდეთ მე სიძეთ, თორემ მე დიდი ხნის სურვილი მაქვს, რომ თქვენი ქალიშვილი შევიერთოვო. ბერიკამ უარი ვეღარ შეუთვალა, რაკი მეორეთა სთხოვა და უთხრა ვეზირს: თანახმა ვარ და მოხარულიც, რომ ხელმწიფის შვილს ჩემი ქალიშვილი სურვებიაო; მობრძანდეს საქორწილოთ, მზათ დავხვდებითო. ვეზირი მაშინვე დაბრუნდა და მოახსენა ხელმწიფის შვილს: ბერიკა თანახმა არის და საქორწინოთ მოემზადეთო; თვითონაც ემზადება და თქვენც გელითო. ხელმწიფის შვილი მაშინვე მოემზადა, როგორც ეკადრებოდა ხელმწიფეს: შეჰყარა მრავალი ნაზირ-ვეზირი, წაიყვანა თავის მამის სახელიწიფოდგან საუკეთესო კაცები და წავიდენ. მივიდენ ბერიკასთან, დაიწერეს ჯვარი მეფედლოფალმა და გიიშართა დიდი ღვინი. თითქმის ერთი თვის განმავლობაში საერთო ღვინი არ შეწყვეტილა ბერიკას ოჯახში. ბოლოს წასვლის დრომაც მოაწია. გამოაწყო ბერიკამ და თინიამ თავის ქალიშვილი წასაყვანათ: ჩაულაგეს მრავალი ძვირფასი ნივთები მზითვად, აჰკიდეს ჯორცხენებზე უთვალავი თვალ-მარგალიტი და ოქროები და გაისტუმრეს სიძე და ქალიშვილი. ერთი გადია ჰყავდა მარგალიტას, რომელიც თითქმის ბავშობრიდან იმის გაზღდილი იყო და ძალიანაც უყვარდა მარგალიტას. ისიც თან გაატანეს. გადიას ერთი ქალიშვილი ჰყავდა, რომელიც მარგალიტას ძალიან ჰგავდა და ერთიც

კატა. ისინიც გადიამ თან წაიყვანა და გაუდგენ გზას სიმღერით და ცეკვა-თამაშით. ბევრიიარეს თუ ცოტა, მივიდენ ერთ მაღალ, დაბურულ ტყეში, რომელშიაც გზაწვრილი მიდიოდა და იქ უნდა გაეელოთ. შუა ტყეში რომ შევიდენ, გადიამ უცბათ კატა გაუშვა ხელიდგან. კატა რასაკვირველია გაიქცა. გადიამ ყვირილი მორთო: არიქა, მიშველეთ, კატა წამივიდა, დავიღუპევა! თავ-მომწონე მაყრები მაშინვე გამოუდგნენ ცხენებით. კატას დასაქერათ და ხელმწიფის შვილი (ნეფე) თან მიჰყვა. მაგრამ ისე უცბათ რას დაიქერდენ: კატა ხან ერთ ხეზე შეხტებოდა და ხან მერეზე, კარგა შორს გაიქცა და მაყრებიც ღნეფეც სულ ერთიან იმას გამოეკიდნენ. ქალები კი მარტო დარჩნენ ერთ ადგილს გზის პირზე. სანამ მაყრები კატას დაიქერდნენ და მოვიდოდნენ, გადიამ უცბათ გადმოაგდო მარგალიტა თავის ცხენიდგან, გახადა ტანისამოსი, ააძრო გულზე ის ჯვარი, რომელიც იმათ დაანათლიეს მაშინ, ჩააცვა თავის ქალიშვილს მარგალიტას ტანისამოსი, დაჰკიდა გულზე ის ჯვარი, შესვა მარგალიტას ცხენზე და საწყალი მარგალიტა წაიყვანა და ერთს ეკლიანს და ჭაობს ადგილში გადააგდო. ჯვარი რომ მოშორდა მარგალიტას გულზე, დასუსტდა და ადგომა ვეღარ შესძლო. ძლივს-ძლივობით დაეკირათ მაყრებს და კატა მოუყვანეს გადიას. გადიამ დაარიგა თავის ქალიშვილი, როგორ უნდა მოქცეულიყო. აიღო მარგალიტები, ჩაუყარა პირში, უბეში და ჯიბეში ღ უთხრა: როცა დაილაპარაკო, თითო-ოროლა გადმოაგდევა. მარგალიტა და გადიის ქალიშვილი ძალიან ჰგვანდნენ ერთმანეთს და რომ მოვიდენ მაყრები და ნეფე, ვერ იცნეს, თუ გადიას მარგალიტა გამოეცვალა. შესვეს გადიაც ცხენზე და რაზემბათ დარიგდნენ წასასვლელათ. გადიამ დაიჭახა წა-



სვლის დროს: თუ არ წამოხვალ, ჯანდაბაშიაც წასულხარ, ცოცხალიც ნულარ ადგები მანდღეგანაო! — ვინ არისო? — ჰკითხა ხელმწიფის შვილმა. — ჩემი ქალიშვილი გახლავთ, ბატონო! აქ რომ წამოვიყვანე — გაჯავრებული არის და შინ დაბრუნება უნდაო — მიუგო გადიამ. ნეფემაც ყურადღება არ მიაქცია. წავიდნენ მაყრები, წაიყვანეს ნეფე-დედოფალი და მიიყვანეს თავის მამის სასახლეში. იქაც დიდი ლხინი და ქორწილი გამართეს. ერთ თვეს თითქმის ლხინის და საკრავების ხმა არ გაწყნარებულა.

## II

სადაც გადიამ მარგალიტა გადააგდო, იქ თურმე ახლოს ერთი პატარა გზა-წვრილი მოჰყვებოდა. იმ დღეს, რა დღესაც ეს საქმე მოხდა, იმ გზაზე ჩამოიარა ერთმა მოხუცმა კაცმა: ნაშხირით სავსე გუდა მოეკიდა ზურგზე და გასასყიდათ მოჰქონდა. რომ მიაწია იმის პირდაპირ, სადაც მარგალიტა ეგდო ქაობში, რაღაც ხმაურობა მოესმა: ვაი, მიშველეთ, ვინა ხართ პატრონიო! მოხუცი ამ ხმაურობაზე შეჩერდა და დაუძახა: ცოტა ხანს მოიცადე, ამ ნახშირს გავყიდი, მოვალ და გიშველიო! კიდევ დაიძახა ქაობიდან: თუ ადამიანი ხარ ვინმე, დროზე მიშველე, რად გინდა ნახშირი, ერთი აქ ჩამოიხედო! მოხუცმა ჩაიხედა ქაობში, მაგრამ რას შეხედავდა უკეთესს!.. ჯერ მშვენიერი ქალი ესვენა შიგ და მერე თვალ-მარგალიტებით იყო იქაურობა სავსე!.. საჩქაროთ გადააგდო ზურგიდან გუდა, გადმოყარა ნახშირი და ჩავიდა ქაობში მარგალიტასთან. ჯერ მოხუცმა აავსო თავის გუდა მარგალიტებით, სულ აკრიფა, ერთიც არ დაუტოვებია და მერე უთხრა მარგალიტამ თავის თვე-გადასავალი, რაც მოსვლოდა იმ დღეს და მერე

სთხოვა მოხუცს: წამიყვანე შენს სახლშიო. მოხუცმა მაშინვე წაიყვანა მარგალიტა და ის ერთი გულდა ძვირფასი თვლებიც წაიღო.

მარგალიტამ მოხუცის სახლში ერთი ოვე კიდეც იცოცხლა, ბევრი ძვირფასი თვლები და ოქროები დაუტოვა და ძალიანაც გაამდიდრა მოხუცი. როცა კვდებოდა, მოხუცს დაუბარა: რომ მოვკვდე, ამა და ამ სახელმწიფო ტყეში, სადაც მე ვადიამ ვადამაგლო, იმ ადგილს გააკეთე ერთი დიდი და ძალიან მაღალი სამრეკლო, სვეტები სულ ოქროთი იყოს, მოჭედილი, ოქროსივე სახურავით დახურე, ოქროს კიბე გაუკეთე ზედ ასასვლელათ, ოქროს კუბო გამიკეთე, სულ ძვირფასი თვლებით მორთე და მე რომ მოვკვდე, ჩამასვენე შიგ, ამიტანე იმ სამრეკლოზე, შუა ალაგას დამასვენე და ოთხი დიდი ოქროს სამთლები დამინთე: ორი თავით და ორტიც ფეხებით და მერე თავისუფალი ხარო. მოკვდა კიდეც საბრალო მარგალიტა. მოხუცმა კაცმა, როგორც დაუბარა, ისე მოიქცა და ყოლიფერი აუსრულა. გაუკეთა სამრეკლო, ჩაასვენა ოქროს კუბოში, აუნთო ოხთი სამთელი დასტოვა და წავიდა თვითონ.

### III

გაიარა რამდენიმე ხანა; ბევრმა დრომ და ქამმა განელო. მოუნდა კიდეც იმ ხელმწიფის შეილს სანადიროთ წასვლა. ადგა და წავიდა მარტო სანადიროთ. მივიდა იმ ადგილს, სადაც მარგალიტა დასტოვა ვადიამ, ინადირა იმ ტყეში სალამოდის. მზე ჩავიდა და უცბათ ამ შუა ტყეში დაულამდა. წასვლის დროს აქეთ-იქით მიიხედ-მოიხედა; ძალიან ბნელოდა. და თითქმის წასვლას ვეღარ ბედავდა. მეორეთ კიდეც გაიხედა და სადღაც შორს

სინათლეს მოჰკრა თვალი. გასწია და პირდაპირ მივიდა სინათლესთან ახლოს, აიხედა ზედ, რას შეხედავს! დიდ მალალ, თვალ-უწვდენელს სამრეკლოზედ დიდრონი სანთლები ანთია და სულ იქაურობას ანათებს. ხელმწიფის შვილს, ცოტა არ იყოს, შეეშინდა და სთქვა: რაც უნდა მომივიდეს, ერთი ამ სამრეკლოზედ ავალო! მართლაც ავიდა ზედ, გაიხედა — რას შეხედავს! ოქროს კუბო დგას პირ-გადახდილი და შიგ მშვენიერი ქალი ასვენია. ხელმწიფის შვილს კინალამ ბნედა მოუვიდა, რომ დაინახა ისეთი მშვენიერი, ლამაზი ქალი უდროვოდ მკვდარი. დიდ ხანს გაშტერებული უყურა, უყურა... მერე ტირილი მოუვიდა; ბევრი იტირა და სთქვა: ცოდვა არ არის შენს-თანა ადამიანის სიკვდილიო!.. ხელმწიფის შვილმა ქალს ხელი მოჰკიდა, გასინჯა, მაგრამ მკვდარს არა ჰგავდა, როგორც ახალი დაძინებული ადამიანი, ისე იყო. რადგან დაღამებული იყო, ხელმწიფის შვილი სადღა წავიდოდა? იმ ღამეს სამრეკლოზედ დარჩა, მეორე დღეს დილით ადგა და წავიდა სახლში. გაიარა სამმა თვემ და კიდევ მოვიდა იმ სამრეკლოზედ დასაოვალიერებლათ; გაშინჯა კიდევ, ნახა მიცვალეხული, ისევ ისე დახვდა, როგორც წინათ, და მუცელი გაზრდოდა მიცვალეხულს. წამოვიდა. კიდევ სამმა თვემ განვლო ო კიდევ წავიდა სანახავათ. ნახა მიცვალეხული: ეხლა უფრო მომატებოდა მუცელი. დაბრუნდა კიდევ. იმის მეტმა არავინ იცოდა და რომ შესრულდა ცხრა თვე, მივიდა კიდევ სამრეკლოზედ, ავიდა ნახა: შეებულა ბავშვი, ძირს გადმოფორთხებულია და სტირის. დაინახა თუ არა ხელმწიფის შვილმა, რომ ქალი ისევ მკვდარი იყო და ბავშვი-კი ცოცხალი, — ძალიან გაუკვირდა, დაიჩოქა, ილოცა ცოტა ხანს, ახსენა ღმერთი და წაიყვანა ბავშვი სახლში და წავიდა. მიაბარა ძიძას, მო-

უარეს კარგათ და გაზარდეს ყმაწვილი. სამი წლისა რომ შეიქნა, აიტეხა ბავშვმა ტირილი, იტირა და იტირა და უსრულებლათ. მოუტანეს ბავშვს ათასნაირი სათამაშოები, მაგრამ არც ერთი არ მიიკარა. მოუტანეს ბოლოს ჯვრები. ბავშვმა დაუწყაო ჯვრებს შინჯვა; ამ ჯვრებში ამოარჩია ერთი უფერული ჯვარი, დანარჩენები გადაადლო და ის ერთი ჯვარი დაიჭირა ხელში და გაჩუმდა. ეს ის ჯვარი იყო, რომელიც მარგალიტას დანათლიეს. ერთი საათის შემდეგ კიდევ დაიწყა ტირილი ბავშვმა, მოაკიდა ხელი ხელმწიფის შვილს კალთაზე და დაუწყაო წევა იქითკენ, საიდგანაც მოიყვანა. ერთ დღეს კიდევ უყურა ხელმწიფის შვილმა ბავშვს და მერე იფიქრა: ამას სწორეთ იქ უნდა წასვლა, საიდგანაც მოვიყვანო. დაუძახა მეჯინიბეს, გამოაყვანინა ცხენი, შეჯდა, ყმაწვილი დაისვა და წავიდა ჭისკრისკენ. ჭისკართან რომ მივიდა, განგებ დაბრუნდა ხელმწიფის შვილი. ყმაწვილმა ტირილი მორთო. ადგა ო წაჭიდა პირდაპირ სამრეკლოსკენ. მივიდა სამრეკლოსთან, ცხენი ძირს დააბა, აიყვანა ყმაწვილი და ავიდა ზევით. გაუშვა ბავშვი თავის ნებაზე, თვითონ ერთ კუთხეში დადგა და დაუწყაო ყურება. ბავშვმა ფეხზე სიარული არ იცოდა, წავიდა ფორთხვით, მივიდა კუბოსთან, აფორთხდა დედის გულზე, აიღო ჯვარი, დაადვა დედას, გულზე, აიღო ბოლოს ჯვარის საბმული და გადააცვა კისერზე. თვითონ გადმოფორთხდა ძირს და კუბოს გვერდით მოუჯდა. ხელმწიფის შვილი გაკვირვებული უყურებს ამ ბავშვის ამბავს. ცოტა ხნის შემდეგ ქალმა თვალეები გაახილა, სახეზე ხელები გადაისვა და წამოჯდა ზევით. გაიხედ-გამოიხედა აქეთ-იქით და კუთხეში გაჩერებული დაინახა თავისი ქმარი. ქმარმა ვერ იცნო. ქალმა აიღო თითი

და უჩვენა ქმარს მისი ნიშნათ მინატანი ბეჭედი. ხელმწიფის შვილმა მაშინვე იცნო თავისი მარგალიტა, ძალიან გაუკვირდა: ამას რა ამბავსა ვხედავო! მარგალიტამ ყოლიფერი დაწვრილებით უამბო, რაც დღე გადიამ დააყუნა, როგორ გადაადგო ჭაობში, როგორ დაუძახა, როგორ თვითონ ხელმწიფის შვილმა ჰკითხა: ვინ არისო, და რაც გადახდა—სულ უთხრა. მაშინვე ხელმწიფის შვილმა იქვე იშოვნა მეორე ცხენი. შესხდნენ ორივე თავიანთი შვილით და წამოვიდნენ შინ. ხელმწიფის შვილმა დაუძახა მომტყუილებელ გადიას და თავის ცრუ მეუღლეს და ორივენი მაშინვე დაახოცვინა ერთათ. მარგალიტამ და იმისმა ქმარ-შვილმა ბოლოს მშვიდობით იცხოვრეს.

ჭირი იქ დავტოვე და ლხინი აქ მოვიტანე.

(ჩაწერილი მიხეილ როსტრომაშვილისაგან)

ერთი კაცი ქვეყნიერობისთვის დარდობდა: რა დღესაც ქვეყნის ავი სიტყვა გაეგონა, იმ დღეს პურს აღარ შესჭამდა. ერთ დღეს ვერა გაეგონა რა, იყიდა ოთხ ნაირი ხორავი, მიიტანა სახლში და უთხრა ცოლს: დედაკაცო, დღეს ქვეყნის მშვიდობიანობა მესმის, კარგი სადილი მომიმზადეო. რასაკვირელია გაუქვეთა სადილი და როგორც რა დაჯდა სუფრაზე, შამოვიდა ერთი პატარა ბიჭი და უთხრა: — ოსტატო, ახალი ანბავი არ გაგიგიაო? — რა არის, შვილო, ახალი ამბავიო? — ქვეით უბანში ერთ ფურს უკუდო ხბო მოუგიაო.

დალონდა ეს კაცი და უთხრა ცოლს: აალაგე სუფრა, თორემ პური გამიმწარდაო. ცოლმა უთხრა: კაცო, შენ იმისთვის რასა დარდობ, შენ ხომ ცვტი არა ხარო! — მაშ იმას მკათათვეში რომ ბუზები დაეხვივნენ, რით უნდა მოიგეროსო? და ადგა სუფრიდგან.

### სოლომონ ბრძენი

(მისივე)

სოლომონ ბრძენმა ერთი სასახლე ააშენა, რომელიც თვალ-მარგალიტის იყო. თავის ნაზირ-ვეზირებს უთხრა: ჩემი სასახლის ფასი უნდა გამიგოთო.

წავიდნენ სამნი, სამი წელიწადს იარეს, მაგრამ ფასი ვერ გაიგეს და უკანვე დაბრუნდნენ. მომავლობაში ერთი მენახირე შეხვდათ. ჰკითხა მენახირემ:--რას დადიხართ, რას დაეძებთო? იმათ შესჩივლეს: ჩვენ სოლომონ ბრძენის კაცები ვართ, იმან ერთი სასახლე ააშენა და ჩვენ გამოგვგზავნა, რომ იმისი ფასი შევიტყოთ; სამი წელიწადი ვიარეთ, ვერა შევიტყეთ-რა და ახლა უკანვე მივდივართო. მენახირემ უთხრა:--მაგას მე გასწავლით, აი, მაგის ფასი: შვიდ მაისში რომ წვიმა მოვა, ის არისო. ნაზირ-ვეზირებს ძალიან გაუხარდათ, წავიდნენ და მოახსენეს სოლომონ ბრძენსა.

სოლომონ ბრძენმა უთხრა: -- ვინ გასწავლათ ეგაო? -- ერთმა მენახირემო -- მიუგეს ნაზირ-ვეზირებმა. სოლომონ ბრძენმა მაშინვე გაგზავნა კაცები და მოაყვანიდა იგი მენახირე.

სოლომონ ბრძენის სასახლის მახლობლად ერთი მდინარე ჩამოდიოდა, ზედ ერთი დიდი მორი იყო გადებული ბოგირად და ვისაც იმ წყალს გაღმა-გამოდმისას სჭირდებოდა გასვლა, იმაზე უნდა გაევილოთ. როცა მენახირე მოუახლოვდა ბოგირს, გაიხადა ფეხთ და წყალში გამოქყუბა. სოლომონ ბრძენი ამ დროს თავის სასახლის აივანზე იდგა და დურბინდით იყურებოდა. მენახირის ასეთი საქციელი ეუცხოვა და გადასწყვიტა გამოეკითხა მიზეზი, თუ რისთვის არ გამოიარა ბოგირზე. როცა მენახირე მოვიდა სოლომონ ბრძენთან, სოლომონმა ჰკითხა:--რისთვის არ გამოიარე ბოგირზეო? მენახირემ მიუგო:--მე ჩემი თავი ღირსად არ ვცანი მისი დალაზვისა, რომ დამელახა იგიო. სოლომონმა მიუგო: განა ის ისეთი რა არისო, რომ ეგრე ეკრძალებიო? მენახირემ მიუგო:--როდესაც ადამი სამოთხიდაგნ გამოაგდეს და

აუკრძალეს იქ შესვლა, მაშინ ანგელოზებს შეეხვეწა: მაშ ერთი ხელ-საბჯენი მაინც მამეცით, რომ მანამ ცოცხალი ვარ, ვატარო სამოთხის სახსოვრადო. ანგელოზებმა აუსრულეს თხოვნა და მისცეს ერთი პატარა ღერი. ადამი მანამ ცოცხალი იყო, ის ღერი ხელით ატარებდა როცა გარდიცვალა, მისმა შვილებმა ის გამხმარი ღერი დაურქვეს ადამის საფლავზე. გამხმარმა ხემ იხიერა, გაიზარდა უშველებელი ხე და, აი, ახლა თქვენ ის ხე გავიდვით ხიდათ მდინარეზე და ამისათვის არ გამოვიარე მასზეო. სოლომონ ბრძენმა ჰკითხა მენახირეს:--შენ რომ ეგეთი ბრძენი ხარ და იცი ყველაფერი, მაშ გეცოდინება — ღმერთი სად არისო? მენახირემ მიუგო:--როგორ არა, მე ვიცი, ღმერთი საცაა — ღმერთი ტყეშიაო. სოლომონმა მიუგო: ტყეში რას აკეთებსო?

— ტყეში კიბეს აკეთებს — მიუგო მენახირემ.

— კიბე რათ უნდა? ჰკითხა ბრძენმა.

— ზოგი აპყავს, ზოგი ჩამოაპყავს — მიუგო მენახირემ.

## II

სოლომონ ბრძენს ერთი მოსაგები ფურ-კამეჩი ჰყვანდა. მენახირეს აჩვენა და ჰკითხა: — შენ რას იტყვი, როგორს ზაქს მოიგებს ეს კამეჩიო? მენახირემ მიუგო: ზაქს კულზე პატარა თეთრი ექნებაო. სოლომონმა უთხრა: არა, შუბლი აქვს თეთრიო. მენახირემ მიუგო: კული შუბლზე უღვეს და ამიტომ თეთრათ გეჩვენებათო. მართლა და იმ დამეს კამეჩმა მოიგო და ზაქს კული გამოადგა თეთრი.

## III

სოლომონ ბრძენმა უთხრა მენახირეს: ეგეთი მცნიერი ხარ და რათა ხარ ეგრე საწყლადო? მენახი-



რემ მიუგო:—ცაში ერთი ყოჩი აბია, მე რო ვი-  
ბადებოდი, ყოჩმა მოიფხანა და რქა კანქში მოიხვედ-  
რა, იმიტომ ასრე ვარ მჭლეთო. შენ რომ იბადებო-  
დი—მოიფხანა და ღუმაში მოიხვედრა, ამიტომაც თქვენ  
ეგრე მსუქნათ ხართო. სოლომონმა უთხრა: რამდენიც  
გინდა, მოგცემ სარჩოს, წაიღე. და იცხოველე. მენახირემ  
მიუგო: თუ ღმერთი არ მამცემს, შენი მოცემული რას მარ-  
გიაო!.. სოლომონმა შვიდი ჯორი მანც აუკიდა და თავის  
კაცების თან გაყოლებით გაატანა და თავის კაცებს უთ-  
ხრა: შინამდის მიუტანეთო. მენახირემ მადლობა უთხრა  
და წავიდნენ. იარეს. იარეს, და ერთ ხევში შევიდნენ;  
აქნამდის წყალი პატარა მოდიოდა, მაგრამ უცბათ აღიღ-  
და და ჯორები საქონლიანათ წაიღო, სოლომონ ბრძნის  
კაცებიც დაიხრჩუნენ, მენახირე ფორთხა-ფორთხა გა-  
ვიდა. ნაპირზე რომ გავიდა, თავის კომბალი წინ  
დახვდა.

#### IV

სოლომონ ბრძენს ერთი მოახლე ჰყვანდა. ამ მოა-  
ხლეს ერთი გოლიათი ფალავანი კაცი ჰყვარობდა და  
კვირაში ერთხელ მოდიოდა; სახელად დამშელი ერქვა  
ერთ ღღეს სოლომონი აიფანზე იღვა და ღურბინდით  
იყურებოდა; შორს დამშელს თვალი მოჰკრა. გზაზე  
ერთი გორაკი იყო; დამშელი რომ მოუახლოვდა გორას  
მოწიწებით და დახრით გამოიარა. სოლომონმა ეს რომ  
დაინახა, ძალიან გაუკვირდა და გადაწყვიტა თავის გულ-  
ში: გამოვკითხავო. სოლომონი მივიდა ო თავის მო-  
ახლეს შეეხვეწა: დამშელს გამოკითხე, რათ დაიხარა, რასი  
შეეშინდა იმისთანა ვაჟკაცს ამა და ამ გორასთანო. სო-

ლომონი რომ მოშორდა მოახლეს, ამ დროს დამშელო მივიდა თავის სატრფოსთან. ქალი ძალიან კარგად დახვდა, პატივი სცა და ბოლოს გამოჰკითხა: რა იყო მიზეზი, ამა და ამ გორასთან რომ დაიხარე და მოერიდო? დამშელო უთხრა: ---მაგ გორასთან მოსე წინასწარმეტყველი ღმერთს ელაპარაკებოდა, ღრუბელში ღმერთმა მოსეს ბეჭედი გადმოუგდო, მაგრამ მოსემ ვერ იპოვნა და იმ გორაში დაიკარგა, ახლა ის ბეჭედი იქ არის და ყველა ფრინველნი დღეში სამჯერ მოდიან სათაყვანოთ, დაუკრავენ თავს და ისევ წაველენ ხოლმე, მე იმისი მორიდება მაქვს და ამისათვისაც მოწიწებით მოვდივარო.

დამშელო რომ წავიდა, ქალმა სულ ყველაფერი უთხრა სოლომონ ბრძენს. სოლომონი წავიდა იმ გორასთან, რომ სიმართლე თავის თვალით ენახა. ნახა და დარწმუნდა კიდევ. სოლომონმა კლდე სულ დაანგრევინა და გაჰყო ორათ. მოვიდენ ფრინველნი და ერთს დაუკრეს თავი; სოლომონმა ახლა ეს გააყოფინა სამათ. ასე გაყოფ-გაყოფით ისე შეეცოტავა ის კლდე, რომ ხელის გულზე დაიყარა და იპოვნა ბეჭედი.

ფრინველები მოვიდნენ და დაუწყეს თაყვანის ცემა სოლომონ ბრძენს. ამასობაში სოლომონმა ფრინველთა ენაც შეისწავლა. ერთ დღეს დაგროვდნენ ფრინველები და მოახსენეს სოლომონ მეფეს: ჩვენში ერთი უფროსი (ხელმწიფე) ამოარჩიეთ და დაკვიდგინეთო. სოლომონმა უთხრა: ახლა წადით და ვინც დილაზე ადრე მოვა ჩემს სასახლეში, მას მივცემ ხელმწიფობასო. ფრინველები წავიდნენ. სოლომონი რომ აღდა დილით, ნახა, რომ ერთი მაწანწურა პატარა ჩიტო მოსულიყო. სოლომონმა იფიქრა: ეს რა სახელმწიფო ჩიტი არის, ამას როგორ მივცე ხელმწიფობაო და უთხრა: წადი, ისეთი ჯოხი მომი-

ტანე, რომ არც ბრუნდე იყოს და არც სწორეო. ჩიტო წავიდა და დღესაც დაეძებს ლობეში იმ ჯოხს, ამისათვისაც იმ ჩიტს დღეს ეძახიან „ლობე-მძვრალას“. სოლომონმა-კი ფრინველთ ხელმწიფობა ფარშავანგს მიუბოძა.

### მკითხავი

(მისივე)

ერთს დედაკაცს ქმარი მოუკვდა და დარჩა ერთი ზარმაცი მახლი. რძალმა უთხრა მახლს: აქამდინ ჩემი ქმარი გვინახავდა და ეხლა შენ წადი, სადაც იყოს, იმუშავე და შეგვინახეო. ადგა ეს კაცი, დაადგა გზასა და წავიდა. გაიარა ცოტა და დაინახა ერთი აკიდებული აქლემი სდგას ტყეში. გაიარა ამ კაცმა ცოტა და შემოხვდა ორი სოვდაგარი. — აქლემი ხომ არსად გინახავსო? ჰკითხეს სოვდაგრებმა ამ კაცსა. — აქლემი კი არ მინახავს, მაგრამ მე მკითხავი ვარ და, თუ გინდათ, გიკითხავოო. — აბა, გეთაყვა, ერთი გვიკითხეო — უთხრეს სოვდაგრებმა — რას მამცემთ, რომ გიკითხოთო? ჰკითხა სოვდაგრებს. სოვდაგრებმა უთხრეს: — იმ აქლემს ასი თუნის საქონელი ჰკიდია და მეოთხე ნაწილი შენი იყოსო. — კარგოო, დასთანხმდა ეს კაცი და წაიყვანა აქლემთან; თუმც აქლემი ახლო იყო, მაგრამ შორს მოატარა და მიიყვანა სოვდაგრები და უთხრა: აი, ძმანო, ეს თქვენი აქლემიო. აიღეს სოვდაგრებმა და მისცეს ოცდა ხუთი თუმანი ამ კაცსა. წამოვიდა შინ გახარებული და მოუტანა ფულები თავის რძალსა. ეს სოვდაგრები წავიდნენ ერთ ქალაქში სავაჭროთ. იმ ქალაქში ხელმწიფეს დაჰკარგოდა ერთი ძვირფასი ბეჭედი და მეცნიერებსა ჰკითხავდა. ამ სოვდაგრებმა უთხრეს: ამ ქვეყანაში ერთი მკითხავი არის, თუ გაიგებს ისა, თუ არა და სხვა ვერაფერს გაიგებსო; ჩვენც აქლემი დავკარგეთ და იმან გვიპოვნაო. — აბა, მაშწადით ჩქარა და ის

მკითხავი აქ მოიყვანეთო. მივიდნენ მკითხავთან და უთხრეს: ადექ, ხელმწიფე გიბარებსო. რასაკვირველია, თუმცა უარი უთხრა, მაგრამ თავი არ დაანებეს, მიიყვანეს ხელმწიფესთან. ხელმწიფემ შეჰყარა ფილოსოფოსები, ის კაციც ბოლოში დასვეს. მაშინ ხელმწიფემ ერთს პატარა ყუთში კალია ჩასვა, ჩამოატარა და ჰკითხა ფილოსოფოსებს: აბა, რომელიც გამოიცნობს, ამ ყუთში რა არის, ჩემ თვალსაც ის იპოვნისო. ვერავინ გამოიცნო. მიიტანა იმ კაცთან და იმ კაცმა წამოიძახა: ახ, ჩემო რძალო, რა უბრალოდ მომკალიო! მაშინ იგრძნო ხელმწიფემ: ჯერ არ მიმიტანია და ეხლავე იძახის კალიაო. მაშინ უთხრა ხელმწიფემ: რახან ეგ გამოიცან, ჩემი თვალის უნდა იპოვნოვო. იმ კაცმა უთხრა: ორი დღე ვადა მომეცი და გიპოვნიო. მისცა ერთი ცარიელი ოთახი ზე იქ დააყენა ეს კაცი. თვალი, თურმე, ერთ ვეზირს მოეპარა. ერთ შუალამეს მივიდა ვეზირი ამ კაცთან ზე დაუთხრა: რახუნა კარები. გაუღო და ჰკითხა: რა გინდაო? შეეხვეწა ვეზირი და უთხრა: არ გეცოდებიო? შენი ჰირიმე, თვალი ჩემიან არის და როგორმე მომარჩინეო. მერე უთხრა იმ კაცმა ვეზირს: განა არ ვიცოდი, რომ შენა გქონდა, მაგრამ როგორ გამოგაჩენდიო. — თქვენ ბატები არა გყავთო? — ჰკითხა ვეზირს. — როგორ არაო. — ეს ბეჭედი ერთს ბატს ჩააყლაპეო და ფრთა მოსტეხე, რომ ნიშნიან იყოსო. მერე დღეს, დაიბარა მკითხავი ხელმწიფემ და ჰკითხა: აბა რა ჰქენიო? მკითხავმა უთხრა: ეგ თვალი ადამიანის ხელში არ არისო, — თქვენ ბატები არა გყავსო? — როგორ არაო. აბა აქ მოარეკინეო. ბატები მორეკეს. უთხრა: აბა, ეგ ფრთა მოტეხილი ბატი დაკალითო. დაკლეს და კუჭიდან ამოიღეს ბეჭედი. მაშინ ხელმწიფე გაჰკვირდა და მრავალი აჩუქა. ვეზირმაც ჩუმად მისცა ბევრი საჩუქარი. შემდეგ მკითხავი წამოვიდა თავის რძალთან.

## ა მ ი რ ა ნ ი

(მისივე)

ამირანი იყო ღვთის ნათლული და ღონიერი. ერთ-ხელ გზას მიდიოდა მარტოკა; ერთ ქალს მკვდარი მოჰქონდა მარხილით. ამირანი რომ დაინახა ამ ქალმა, მკვდრის ერთი ხელი ძირს გადმოიღო და მიწაზე მოათრევდა. ამირანი რომ მიუახლოვდა, ქალმა უთხრა საცდელათ: მოდი ერთი, და-ძმობას, ეს ხელი გაასწორეო. ამირანი ეწია და ვერ დასძრა ხელი. მერე ქალმა უთხრა: თუ შენთვის და-ძმობა არ მეთქვა, მოვიქნევდი და ცის ღრუბელში გაგრევდიო. დაფიქრდა ამირანი და სთქვა: ღმერთო, მე შენი ნათლული ვიყო ზე ქალი ჩემზე ღონიერი უნდა იყოსო! მაშინ ერთი ჩარეჰი ღონე მიემატა ამირანს. წავიდა და შეხედენ ორნი ძმანი ჩინვლნი — ბადრი და უსუფი. ესენი თუმცა ღონიერნი იყვნენ, მაგრამ ამირანთან ვერ მოვიდოდნენ. ამათ უთხრა ამირანმა: ან უნდა მეძმობო და ან უნდა მეყმობო. იმათ უთხრეს: გემობითო. წავიდნენ ზე ერთ ციხეს მიაღგენ:

სამი დღე-ღამე უარეს, ვერ იპოვნეს კარი მისი,  
ამირანმა წიხლი ჩაჭკრა, იქ შეადო კარი მისი,  
შიგ ერთა მკვდარი ესვენა, საწყალი და საბრადისი,  
თათებსა და თითებს შუა წიგნი უდევს ქაღალდისა;  
ამირანმა წაიკითხა, შიგ ეწერა გვარი მისი:

„არც აგრე დაკარგული ვარ, ძმისწული ვარ უსუფისი,  
სანამ ვიყავ, მტერი ვმუსრე, არ შეგქამე ჯაფრი ვისი,  
მდეგსა ბაუბაუს ვერ შევები, ჯაფრი ჩამეფა მეტათ მისი,  
ვინც რომ ბაუბაუ დევს მომიკლავს, ჩემი სხალი აღაღ მისი,  
ვინც რომ მიწას მიამბარებს, ჩემი რაშიც აღაღ მისი“.

ამირანმა ანდერძი აუსრულა, აიღო იმისი იარაღი და წავიდა მდევთან. მდევნი წინ შემოხვდა; ამირანმა უთხრა: მდევო, სად მიხვალო? დევმა უთხრა: ციხეში ერთი მძორი არის და უნდა შევკამოვო. — შენ იმას ვინ შეგაკმევს, ჩემი მოკეთე არისო!

ამირანს, მდევნი შეიბნენ, მიწას გაჭქონდა გრიალი, ამირანმა მდევნი დასცა, ადგილი შეხვდა ქვიანი, დასცა და ბეჭი მოსტეხა, დაწყებინა ღრიალი.

მივიდნენ ერთ წყლის პირას და დასხდნენ. ერთ ბერი-კაცს ეშმაკი ვირათ ექცა, შეჯდა ბერი-კაცი ღ მიდიოდა.

ამირანს და ჩინოველნი სამნივე ისხდნენ წყლის პირას,

ამირანი ხმაღსა ლესდა, ჩინოველნი უწყობს პირსა,

ერთი ვინმე ბერი-კაცი ტურფათ მოაგოგებს ვირსა,

წინ ამირანი გადაუდგა, თავი მოუკვეთა ვირსა,

აიღო და კაბა მისცა, ექვს-შვიდ თუმნათ ისინი ღირსა.

ჩივის, ტირის ბერი-კაცი: ჩემი ვირი მეტათ ღირსა.

ძრეულ გაჯაკდა ამირანს, პირიდგანსა ჭერიდა ტეტხლსა.

— აცა, ამირანს, ნუ მამეღავ, მამაცო, მარდო ხელმიანო!

წყალ გელმა ქალსა კასწავლი, სახელათ კამარ ჭქვი ნო,

წადი და გამოიუფანე, ამომავალი მზე არის,

თან დვინო გამოატანე, სასმელად მარბათი არის.

ამირანი წავიდა კამარის გამოსაყვანათ. კამარის მამა ხელმწიფე იყო და იმ დროს სანადიროთ წასულიყო, ქალი მარტოკა იყო შინ. მივიდნენ და ქალი მოიტაცეს. ქალმა უთხრა: რახან მე უნდა წამიყვანოთ, რაც კურტელია პირქვე დაამხვე, თორე ხელმწიფეს ამბავს მიუტანენო. მამა შინ ყველა კურტელი პირქვე დაამხვეს. ამირანმა, რაც კურტელი იყო, სულ გადმოაბრუნა. ხელმწიფეს ამბავი მიუტანეს: კამარი მამიტაცესო. ხელმწიფემ მამინეე შაყარა ჯარი და გამოუდგა. ქალმა ნახა, რომ თავის მამის ჯარი მისდევს და უთხრა:

ამირან, ცოლე, ცოლეო, მუსლათ გაქებენ მალეო,  
კასწი და უკან მოგდევენ, ომი იციან ცხარეო!

— არცა ვარ ჭალის ხობობი, მომინადირონ ქორითა,  
არცა ვარ მინდვრის გუნდლეჯი, რომ დამიჭირონ მწევრითა;  
მოვლენ და მე აქ დავსვდები ამ ჩემი კოვდა ხმალითა...

ეროს ციხეს მიატანეს და შიგ შევიდნენ. მოვიდა  
ჯარი და შემოერტყა ციხეს გარშემო. უსუფს უთხრა  
ამირანმა: ჩადი, ნახე, რამდენი ხმლის მოქნევა არისო. ერთი  
ჩარეჟის ტოლა დახოცა უსუფმა და მოკლეს. ამირანმა  
უთხრა: ადე, ბადრი, რასა გძინავს! ღვინო გისვამს, განა  
ბანგი! უსუფის იარაღის ჟღერიალი აღარ მოდისო. ბადრიმ  
უპასუხა ყვედრებით:

ჩვენც გვიფვარს ღამაზი ქალი,  
რომ ვიკოვებდეთ მკლავზედა!..  
წავალ და შენ იქ მოგვედები  
იმ ჩემი მისა თავზედა.

ჩავიდა ბადრი, ნახევარი ჯარი გაწყვიტა და მოკ-  
ლეს ბადრიც. დარჩა ამირანი. ჩამოვიდა, გაუსო  
ხმალი და ეს ჯარი სულ გაწყვიტა. შეხვდა ხელ-  
მწიფე; ხელმწიფეც მუხლებამდინ ფოლადში იჯდა; მოუ-  
ხდა ამირანსა და ამირანი სცემდა თავში, მაგრამ რკინას  
რას დააკლებდა? დიდ ხანს იომეს. ქალი მალლიდან უყუ-  
რებდა და დაუძახა:

ამირან, დედაბრაშვილო,  
კილო არ იცი ომისა!  
მალა რაას სცემ სხალოსა  
ძარს დაუწიე რბილოსა,  
შარსზე გაეფიხოსა...

მერე მამამ დაუძახა:

დახედე ბოხსა კამარსა, ქმარი არჩია მამასა!  
რისთვის გავზარდა დედამა, რისთვის გეტუოდა ნანაწა?  
— არც გავუზრდივარ დედას, არცა შეტუოდა ნანასა.

კამხვევდა ჩაღა-ბუღაში, მიმაგდის კარის ძირსა,  
შიგნით დაიდგის აკვანი, გარედგან შეტუევის ნანსა.

მაშინ ამირანმა შემოჰკრა და ფეხები დააყრევინა.  
რა ამირანი მორჩა ომს, ერთ ჯვარედინ გზაზე ერთი პა-  
ლო დაურქო და სთქვა: ვინც ამას ამოაძრობს, ის უნდა  
გავიხადო ძმათო. ვინც გაივლიდა და ვერ აძრობდა, ხო-  
ცავდა. მერე თითონ უფალი გამოეცხდა თავისი ანგელო-  
ზით. მოდიან, ამირანი წინ გადაუდგა და უთხრა: მართა-  
ლია, ჰემ ნათლიას გეგხარ, მაგრამ ეს პალო უნდა ამო-  
აძროვო. — მიუგო: აბა, ჯერ შენ ამოაძრე და მერე ჩვენ  
ამოვაძრობთო. ამირანმა უთხრა: ბატონი ბძანდებითო და-  
ეწეოდა თუ არა, უნდა ამოეძრო, გადასწერა ჯვარი და  
ზედ დააბა, მიიტანა ერთი გორა და ზედ დაადგა, საზრ-  
დოც შიგ აუჩინა. ამირანს გოშიები ჰყავს. ის გოშიები  
ლოკამენ, ლოკამენ ჯაჭვსა და როცა ძალიან გაწვრილ-  
დება ჯაჭვი, მაშინ დიდ ხუთშაბათობით მკედლები უშ-  
ძრახათ დაჰკრამენ ხოლმე კვერსა და ის ჯაჭვი იქა მთე-  
ლდება. ის გორა, საცა ამირანი იმყოფება, შვიდ წელი-  
წადში ერთხელ იღება. ერთხელ ღია ყოფილიყო და ერთ  
გლებ-კაცს გაველო იქითკენ, ამირანს დაენახა ეს კაცი  
და დაეძახა: კაცო, კაცო, აქ მოდიო! მივიდა ეს კაცი და  
ჰკითხა: რა გინდაო? — მოდი ერთი ეს ხმალი მომაწოდეო.  
მივიდა ეს კაცი, უნდოდა მიეწოდებინა, მაგრამ ვერ დას-  
ძრა. მერე ამირანმა უთხრა: წადი, ერთი ხელი ხმალს წა-  
ავლე და ერთ ხელში მე გამოგწევ და მოვათრევეო. წა-  
ვლო ერთი ხელი ამ კაცმა ხმალსა, მეორე ხელში ამი-  
რანმა გამოსწია და ამ კაცმა დაიძახა: გავწყდი, გავწყ-  
დიო!.. მერე უთხრა ამირანმა: შენ წადი და თქვენე-  
ბური ღვედი მიიტანეო; თუ რომ დაგინახოს ვინმემ,  
უკან არ მიიხედოვო. წავიდა ეს კაცი ღ ღვედი წამა-



ილა. თავის ცოლმა დაინახა და დაუძახა: სად მიგაქვს, კაცი, სად მიგაქვსო? იმდენი უძახა, რომ უკან ძოახებდა და სანამ ის მიიტანდა ლევდსა, გორა დაიკეტა.

## როსტომი

(მისივე)

ერთი როსტომ ფალავანი იყო, მას ვერავინ უძლებდა თავის ქვეყანაში. ადგა და წავიდა-სხვა ქვეყანაში. შეხვდა ერთი ოღუზი კაცი და უთხრა როსტომს: შენ ვინა ხარო?—მე როსტომ ფალავანი ვარო. ამ ოღუზმა კაცმა წააფლო ხელი როსტომსა და სამ საყენზე გადააგლო. როსტომი გაუცხარდა და ისგამოუდგა; როსტომი გაექცა. ერთს გუთნის დედას კალთაში პური ეყარა და სთესავდა, როსტომი მივიდა ზე შეეხვეწა: შენი ქირიმე, დამძალე სადმე, ის კაცი მამდევს მოსაკლავათო. მეგუთნემ აიყვანა და კალთაში ჩაისვა. მოვიდა ოღუზი კაცი და უთხრა: კაცი გამამექცა, აქ მოვიდა და რა იქნაო? მეგუთნემ უთხრა: არ მინახამსო. — როგორ არა, აქ მოვიდაო! მეგუთნემ უთხრა: გაბრუნდი, თორემ ამ გუთნეულს თავში დაგარტყამო! ის კაცი გაბრუნდა და წავიდა. მეგუთნემ ჩაიხედა კალთაში ზე როსტომი აღარ იყო. — ვაიმე, ის კაცი ჩამიყლაბავსო! თურმე ერთი მოტეხილი კბილი ჰქონდა და იმ კბილში დარჩომილიყო და იქიდან დაუძახა: — არა, მამი, აქა ვარო. ჩაიყო ხელი და ამოიყვანა. ამოიყვანა და სთქვა: მადლობა დმერთსა, კაცის სისხლით არ ვეზიარეო!.. მერე როსტომი შეეხვეწა ზე ჰკითხა: მამაშვილობას, მითხარი ეგ კბილი რისგან მოგტყდაო? მეგუთნემ უთხრა: თორმეტი ცხენოსანი ვიყავით გავარდნილი, ხალხს ვცარცვავდით; ერთ მთის ძირას, ზაშინელმა სეტყვამ

და ქარმა მოგვასწრო, ერთ ადგილას ერთი გამხმარი კაცის თავი ეგდო, თორმეტი ცხენოსანი იმ თავში შევედით, მანამ გადიღებდა; როცა ცოტა გადიღო, ერთმა მეცხვარემ ცხვარი გამოუშვა; აუტყდა ერთი მგელი. ამ მეცხვარემ ხან კლდე მოგლიჯა, ხან ხე ესროლა, მაგრამ მგელი ვერ მოიშორა. მერე მოვიდა და სადაც ჩვენ ვიყავით კაცის თავში თორმეტი ცხენოსანი, ხელი დაავლო და ესროლა მგელს. აი, ეს კბილი მაშინ მომტყდა, ზოგს თავი გაუტყდა, ზოგს მკლავი მოსტყდა. თუ არა გჯერა, აგერ იმ მთასთან მიდი და ნახეო. როსტომმა მადლობა გადაუხა და წავიდა სანახავად. ნახა მართლა ერთი უშველებელი. სამი დღე ღმერთს ევედრა როსტომი: ღმერთო, ეს გააცოცხლე და თვალებს ნუ მისცემო. უსმინა ღმერთმა და გააცოცხლა; აიმართა ერთი უშველებელი კაცი. როსტომი ამ საქმეს ჰკვირობდა. იმ კაცმა უთხრა: შენ როგორი ფალავანი ხარ, შენი ხმა ძირიდგან თავამდინ ძლივს მესმისო? როსტომმა უთხრა: ღვთის სახელს გაფიცებ, მითხარი: შენ უპატიურათ აქ რას აკეთებო? იმან უთხრა: შევცოდე უფალს და აქ იმიტომ ვგდივარო. მე გამოჩენილი ფალავანი ვიყავი, ქვეყანაზე რომ აღარავინ გადაამირჩა, ჩემმა ღონემ ძალა დამატანა და უფალს ვუთხარი: მოდი შენ მაინც დამეჭიდე-მეთქი. უფალმა მითხრა: მე კი, ნუ დამეჭიდები, წადი იმ მთას წიხლი წაჰკარი, იქიდგან ფალავანი გამოვა და ის დაგეჭიდებაო. მოველი ამ მთას წიხლი წაგკარი, ნახევარი გვერდი შევანგრე და აქედგან ისეთი ჭიანჭველები გამოცვინდნენ და თავით ფეხამდინ გამომხრეს. ახლა არ ვიცი, რათ ჩამიდგა სული. როსტომი ამ საქმეს ძალიან ჰკვირობდა. როსტომი წამოვიდა და ის ისევ ძვლათ იქცა. თუმცა როსტომი ფალავანი იყო, მაგრამ იმის მნახველმა თავი დაანება ფალავნობას.

მკვამბარა.

(მისივე)

ერთი კაცი ცოლს თავზე კვერცხს ადებდა, თოფს ესროდა და კვერცხს გადმოაგდებდა ხოლმე ძირს. დედაკაცს გული უსკდებოდა შიშისაგან და ქმარი კი იკვებოდა: ჩემისთანა ვაჟკაცი კიდევ იქნებაო? ქალმა იჩივლა თავის დედასთან, რომ ჩემი ქმარი ესე მიშვრებაო და ძალიან მეშინიაო. დედამ უთხრა: ერთიც რო დაიკვებოს, შენ უთხარი: მჯობნზე მჯობნი არ დაიღვევა-თქო. როდესაც იმ კაცმა თავზე კვერცხი დაუღო და თოფით გადმოაგდო, მოჰყვა კვეხნას; ცოლმა უთხრა: რას იკვებამ? მჯობნზე-მჯობნი არ დაიღვევაო. ა! კაცმა ერთ სოფელში გაიარა, ნახა რომ ერთმა ქალმა წყალი აავსო და მიჰქონდა. — ერთი წყალი დამალევინეო — უთხრა მკვებარამ. — აი, წყარო, მიდი და დალიეო. — შენ დამალევინეო. — მე კოკას ვერ დავანაკლულეო. — დამალევინე, თორემ კოკას გაგიტეხა-მო! ქალმა ამ ბიჭს ფეხში ხელი წაავლო, კოკა და ბიჭი ორივე აიკიდა და შინ აიტანა, ხელ-ფეხი შეუკრა და ისე დააგდო. ამ ქალს მამამთილი მოუვიდა. ნახეს — კაცი შეკრული გდია. უთხრა: ვინ არის, შვილო, ეგაო? — მაგას კოკა უნდა გაეტეხა ჩემთვის და იმისთვის შევეკარიო. მერე ის ბიჭი შეეხვეწა ბერი კაცს: სთხოვე — გამიშვასო. ბერმა კაცმა უთხრა რძალს და გაათავისუფლეს. ეს ბიჭი და დაარიგეს: წადი და თავ-მდაბლათ მოიქეცი, თორემ უარესი დღე დაგადგებაო. ეს ბიჭი წამოვიდა, თავის ვაჟკაცობა დაავიწყდა და ამბობდა: ჩემი ცოლი მართალს მეუბნებოდა, რომ მჯობნზე მჯობნი არ დაიღვევაო.

## სოვდაგარი

(მიხივე)

იყო ერთი სოვდაგარი, ფრიად მდიდარი. მას ჟამთა ბრუნვამ სიმდიდრე ხელიდგან გამოაცალა და გასაწყლდა. სთქვა: მე ვხედამ ჩემ საქმეს, რომ უკან დაბრუნდა ჩემი ცხოვრებაო. მან გააკეთა ხუთიოდე საპანე ფარჩა და წაიღო სხვა ქვეყანაში. შევიდა, ჩამოხტა ერთ ქარვა-სლაში და დაჯდა საპანეზე. იმ დროს შევიდა ერთი დედაკაცი, ამოიღო ერთი თვალი და უთხრა: მამაშვილობას, ამისი, რაც მერგება, ფარჩა მომეცი, ყმაწვილები ტიტველა მყავსო. სოვდაგარმა უყურა, უყურა და ნახა, რომ ძვირფასი იყო, აიღო და ერთი ცალი გადმოუგდო. დედაკაცმა უთხრა: შე დალოცვილო, რა მასხარათ მიგდებ? თუ მაძლევ, მომეცი, თუ არა და უკანვე წავალო. სოვდაგარმა მეორე ცალიც გადმოუგდო. დედაკაცმა უთხრა: სამასხაროთ ხომ არ მოვსულვარო!.. სოვდაგარმა უთხრა: არა, დედავ, მე მასხარათ არ გიგდებ, რაც გერგება—გაძლევო. დედაკაცს გაუხარდა, აჰკიდა მუშას და წააღებინა. ამ სოვდაგარმა ოცი წელიწადი გაატარა ამ ქვეყანაში და დიდ-ძალი ფული შეიძინა. ერთხელ თავის ქვეყნის კაცი მიდიოდა შინ და ამ სოვდაგარმა უთხრა: თუ შეიძლება, ერთ ამანათს გაგატან და ჩემ ცოლს მიეციო.—ბატონი ხარ, წავიღებო. შეუხვია თვალი და გაატანა. ამ კაცმა განსნა ქალადი და ნახა ეს თვალი, რომ ძვირფასი რამ იყო; ერთი ათი თუმანი ჰქონდა, იმ ფულში ჩადვა, გახდა ოცი თუმანი; იფიქრა ამ კაცმა: მე აღარ მივცემ ამ თვალს სოვდაგარის ცოლსაო. ეს კაცი თუმც ქონში იდგა, ააშენა კოშკები. ამ სოვდაგარის ცოლს, რაც რამ ებადა, სულ დაავირავა და იმითი იც-

ხოვრა. როდესაც იღროვა ამ სოვდაგარმა, ადგა და თავის ქვეყანაში წავიდა. რაც საქონელი ჰქონდა, ქარავანს აჰკიდა და წამოიღო. იმისი ქარავანი ორ ვერსამდის მოდიოდა. როდესაც ქალაქში შევიდა, ერთი წვერი დანახა ამ სოვდაგრის გოგომ და ქალბატონს უთხრა: ქალბატონო, ამისთანა აშენებული სოვდაგარი ჯერ არ მოსულაო. ქალბატონმა უთხრა: აბა წადი, ნახე, რომელ ქარავანსაში ჩამოხტებაო. წავიდა გოგო დანახა. სამი-ოთხი ქარავანსა ამისო საქონლით ამ სოვდაგარმა. წამოვიდა გოგო და ამბავი მოუტანა თავის ქალბატონს. ქალბატონმა უთხრა: წადი ორი აბაზი სთხოვე, იქნება გვაჩუქოს და ამაღამ ადღების ღამეა და იოლათ წავიდეთო. წავიდა გოგო, ვერ იცნობდა თავის ბატონს და უთხრა: შენი ღეთის გულისათვის ერთი ორი აბაზი გვაჩუქეო:— ჩემი ბატონი სოვდაგარი იყო და ოცი წელიწადია, წასული არისო; ამაღამ ადღების ღამე არის და შენ საღღერძელოთ გვაჩუქე რამეო. უყურა, უყურა სოვდაგარმა და იცნა, რომ თავის გოგო იყო და უთხრა: თუ ამაღამ შენს ქალბატონთან დამაწვევს, ერთ თუმანს მოგცემო. გოგომ უთხრა: ჩემი ქალბატონი მაგისთანა არ არისო.— მაშ წადი, დაიკარგეო! გამობრუნდა გოგო დაღონებული და მოვიდა სახლში. ქალბატონს უთხრა: არ მამცაო. ქალბატონმა მიუგო, კარგი, შვილო, ეს ერთი ბეჭედი დაგვრჩომია, წაიღე, როგორც იყოს, დააგირავე და ერთი პური იყიდეო, ერთიც სანთელიო და იოლათ წავიდეთო. გოგომ აბაზათ დააგირავა ბეჭედი და რაც უნდოდა, იყიდა. ახლა დაღამდა და როცა იღროვა სოვდაგარმა, ყოველისფერი ხორაგი-იყიდა, გაუძღვა მუშებს წინა და მიიტანა; კარი დაარახუნა.— ვინა ხარო, დაუძახეს.— შე ისა ვარ, წყლან რომ პირობა მომეციაო. გოგო შევარდა

ტირილით და უთხრა: ქალბატონო, უყურე რა შარს მი-  
დებსო, მე არა მითქომ რა და ტყუილათ მომიგონაო! .. იქი-  
დგან დაუყვირა: რას ამბობ, ვილაცა მოთრეულხარო?! გა-  
მოვიდა, ნახა რომ თავისი ქმარი იყო; გადებვივნენ ერ-  
თმანეთს და ჰკოცნეს... მუშები გაისტუმრეს. კეთილი სუ-  
ფრა მოიღეს და როდესაც შუა ჰურის ქამაში შევიდნენ,  
სოვდაგარმა მიიხედ-მოიხედა, სახლში აღარა იყო რა და  
უთხრა თავის ცოლსა: რა გიქნია სახლის ავეჯიო? ცო-  
ლმა მიუგო: რა გაგიშვია, რომ მეჭამნაო? რაც რამ მქონ-  
ღ სულ დაეაგირავე და იმითი ვიცხოვრეო. სოვდაგარმა უთ-  
ხრა: ჩვენის მეზობლის ხელით ერთი ამანათი გამოგვზა-  
ნე და მაშ არ მოიტანაო?—ჩემთვის არაფერი მოუტა-  
ნიაო, უთხრა ცოლმა.

აღმა სოვდაგარი და წავიდა იმ კაცთან. შევიდა სა-  
ხლში და სამი სტუმარი დაუხვდა. სოვდაგარმა სალაში  
მისცა და უთხრა: კაცო, ამანათს მგელიც შეინახამსო და  
მე შენ ერთი ამანათი გამოგატანე და რატომ არ მიეცი  
ჩემ ცოლსაო? იმ კაცმა უთხრა: რასა ბძანებთ? მაშინვე  
მივეციო. გამობრუნდა სოვდაგარი და წამოვიდა. მეორე  
დღეს საჩივლელათ წავიდნენ ხელმწიფესთან. ხელმწიფემ  
ამათი საჩივარი ვერ გადასჭრა. ორშაბათი იყო.—ყეინობა.  
ერთი მეხბორე პატარა ბიჭი ყეინათ დაესოთ და გამე-  
ლელ-გამომვლელისგან ფულს აგროვებდნენ. უბრძანა ყე-  
ინმა: წადით, ის სოვდაგარი და ის ოთხი კაცი აქ მოი-  
ყვანეთო, რომ საყეინო ფული გვაჩუქონო. დაიჭირეს ხუ-  
თნივე და მიიყვანეს. — აბა, ვერა ხედავთ, მე დღეს ხელმწი-  
ფე ვარ და ფულს ვაგროვებო, ჩქარა ამოიღეთო! სოვდა-  
გარმა უთხრა: მე ჩემი დარდიც მეყოფაო. — მითხარ, რა და-  
რდი გაქსო? სოვდაგარმა უანბო, როგორც ყოფილიყო. ბი-  
ქმა უთხრა: მაგისი ნუ გედარდება, მე გიპოვნიო. დაუძახა

თავის კაცებს და უთხრა: ყველანი შორს დააყენე და ერთი მოწამე მოიყვანეო. მოიყვანეს მოწამე და ჰკითხეს: კაცო, შენ ნახე, რომ იმ კაცმა სოვდაგარის ცოლს ბეჭედი მისცაო? — დიახ, ვნახეო. — როგორი იყოვო? — წითელიო. — რამოტელა იქნებოდაო? — ერთი მუშტის ტოლაო. უბძანა: ბიჭო, წაიყვანე ეს ერთ ოთახში, შეაგდეთ ღ კლიტე დაადეთო. — დაწერე, ბიჭო, წითელი თვალი. ბეჭი უჭირამთ ღ ნახშირითა სწერამენ. — მოიყვანეთ მეორე მოწამეო. მიიყვანეს მეორე და ჰკითხეს: შენ ნახე, რომ იმ კაცმა სოვდაგარის ცოლს ბეჭედი მისცაო? — ვნახეო. — რანაირი იყოვო? — ლურჯიო. — რამოტელა იქნებოდაო? — ორი მუშტის ტოლაო. უბძანა დასწერე, ბიჭო, ლურჯი თვალი ორი მუშტის ტოლაო. — წაიყვანე და ესეც სხვა ოთახში შეაგდეთ და კლიტე დაადეთო. — მოიყვანეთ მესამე მოწამეო. მოიყვანეს მესამე და ჰკითხა: შენ ნახე, რომ სოვდაგარის ცოლს თვალი მისცაო? — ვნახეო, — როგორი იყოვო? — შავიო, — რამოტელა იქნებოდაო? — ერთი თავის ტოლაო. — წაიყვანეთ ღ ვეც ცალკე ოთახში შეაგდეთ ღ კლიტე დაადეთო. — ახლა მომტანი მოიყვანეთო. ჰკითხა ყვინმა: შენ რომ სოვდაგარმა თვალი გამოგატანა თავის ცოლთან — მიეცი თუ არაო? — დიახ, მაშინვე მიეცეო. — რამოტელა იყოვო? — ერთი ფრჩხილის ტოლაო. — რა ნაირი იყოვო? — თეთრიო. დაუძახა სოვდაგარს და ჰკითხა: შენ რა ნაირი თვალი გამოატანეო? — თეთრი თვალი — ერთი ფრჩხილის ტოლაო. — წადით, გამოუშვით მოწმეებიო. წავიდნენ და გამოუშვეს. უთხრა: წაიკითხე პირველი მოწამისაო. წაიკითხა: „წითელი თვალი — ერთი მუშტის ტოლაო“. — წააქციეთ და ასი ჯოხი დაჰკარით მაგასო! წააქციეს და იმისი ყვირილის ხმა ორ ვერსზე მიდიოდა. — წაიკითხე მეორე მოწამისაო. წაიკითხა: „ლურჯი თვალი — ერთი მუშტის ტოლაო“. — წააქ-

ციეს და ასი ჯოხი იმას მიარტყეს. — მესამის წაიკითხეო.  
„შავი თვალი ერთი თავის ტოლაო.“ წააქციეს და ისიც  
კარგათ დაბეგვეს. ზერე უთხრა ყეინმა: მომტანიკ წა-  
ქციეთ და ორასი ჯოხი დაჰკარიო. შეეხვეწა მომტა-  
ნი: ნუ დამარტყამთ და, აი, აქა მაქვსო. ამოიღო უბიდგან  
ღმისცა. სოვდაგარს უთხრა: არც ეგ არისო? — ეს არისო —  
უთხრა სოვდაგარმა. ამოიღო ფული, აჩუქა და მადლობა  
გადაუხადა. ყეენმაც თავის ყეენობა გაათავა და მისწერა  
ხელმწიფეს, ამათი სამართალი მე გადავქერიო. მაშინვე  
გაგზავნეს კაცები და მიიყვანეს ხელმწიფესთან ეს ბიჭი.  
ჰკითხა ხელმწიფემ: მამაშენი სად არისო? ბიჭმა უთხრა:  
მამაჩემი შარის თავზე ყანასა სთესამსო. — როგორ თუ  
შარის თავზეო? — წასულ გზასა ხნამს, ვინმე გადავიღის ღ  
შარი მოხდებო. — მაშ, რადგან ეგეთი სამართალი გცოდ-  
ნია, შენ უნდა ჩემ გვერდზე დაჯდე ღ ვინც მოჩივარი მო-  
ვა, სამართალი უნდა მისცეო. მეხბორემ უთხრა: მე რა  
ღირსი ვარ შენთან ჯდომისო? ხელმწიფემ უთხრა: თუ  
არ დაჯდები — დაგახჩობო. მეხბორემ უთხრა: კარგი,  
დავჯდები, მხოლოდ ორივე თვალეი უნდა დამთხაროვო.  
— რათაო? — ჰკითხა ხელმწიფემ. — იმისთვის, რომ ორნი მო-  
ვლენ საჩივლელოთ, ერთი მდიდარი, მეორე საწყალი, ის  
მდიდარი ერთ მუქა ოქროს მაჩვენებს და თვალეი იმას  
დახარბდება და ის საწყალიკი დაიწვებაო. აიღო ხელმ-  
წიფემ და თვალეი დასთხარა. ვინც მოვიდოდა, სამარ-  
თალს მისცემდა ხოლმე. იესო ქრისტე დადიოდა ქვეყ-  
ნათ; ერთხელ სთქვა: წავალ და ვსცდიო. წამოვიდა  
ერთ სოფელში ჯორით, ერთ დედაკაცს ერთი ხბო ჰყავ-  
და, გამოუდგა ჯორს ეს ხბო. იმ დედაკაცმა დაიჭირა ეს  
ხბო დაბა, მაგრამ კიდევ გაწყვიტა თოკი და გამოუდგა  
ჯორს. იესო ქრისტემ უთხრა: დედავ, ეს ხბო ჩემ ჯორს



დასდევს რამოდენა ხანიაო. დედაკაცმა უთხრა: რას ამბობ, კაცო, სამი წელიწადია ამ ხბოს ვზრდი, ჩემი ძროხის არისო!.. — არა, დედავ, ხბო ჩემი არისო. — მაშ ბრმა ხელმწიფესთან წავიდეთ საჩივლელათო. დედაკაცმა უთხრა: სამი წელიწადია ერთ ხბოს შვილივითა ვზდი, ერთმავილაკამ გამოიარა ჯორით, ვეღარ მოვაშორე და ახლა ჩემობსო. — ტყუილს ამბობსო — ჯორიანმა უთხრა: რამდენი ხანია ჩემ ჯორს დასდევს და ახლა ეს დედაკაცი იჩემებსო და გთხოვთ ამისი სამართალი მოგვეცეთო. ხელმწიფემ უთხრა: სამი დღე მომიტოვინეთ და სამ დღეს უკან გადავკრიო. — მე სამ დღესად გელოდო, მეჩქარება, უნდა წავიდეთ. ბრმამ უთხრა: ზღვიდან თევზები გამოსულან, ყანა სულ მოუძოვიათ და იმათი სამართალი უნდა გადავკრაო. ჯორის პატრონმა უთხრა: როგორ შეიძლება წყლიდან თევზის გამოსვლა?! — მაშ ეგვეც ხომ იცი, ჯორიდან ხბო ვის გაუგონიაო? მაგ საწყალი დედაკაცის არის, აიღე და მიეციო. მაშინ ბრმა დალოცა იესო ქრისტემ და თვალებიც აუხილა. თითონ წავიდა. ის ხელმწიფე გარდაიცვალა და ხელმწიფობა იმ ბრმას დარჩა.

### პირ-მყრალა

(მისივე)

ერთი ძალიან მაგინებელი კაცი იყო ღ „პირ-მყრალას“ ეძახოდენ. ყველას ეჯავრებოდა ეს კაცი. სთქვა-რადგან ყველას ეჯავრები, წავალ მონასტერში და ბერებს ვემსახურებო. მივიდა ბერებთან და უთხრა: თქვენი არა მინდა-რა, პური მაჭამეთ და თქვენ გემსახურებითო. ბერებმა მიიღეს ეს კაცი და იმსახურეს რამდენიმე თვე. ამ ბერების ჩვეულება იყო, რომ ზაფხულში

წავიდოდნენ ზ სოფელ-სოფელ პურს აგროვებდნენ. ამ კაცს აჰკიდებდენ ტომრებს, ორი ბერი წინ მიუძლოდა ზ ეს კაცი უკან მისდევდათ აკიდებული. მივიდნენ ერთ სოფელში, გამოვიდა ერთი ქალი და ხელი დაუქნია: დადექითო. ბერები დადგნენ. ამათ ეგონათ: სადილს გვაქმევენო. ერთი საათი ელოდნენ და შერე გამოვიდა ქალი და უთხრა: ახლა წადითო. უყურა ამ მაგინებელმა და უთხრა: ან ჩენი დაყენება რა იყო და ან წასვლა რა არისო? იმ ქალმა უთხრა: ჩემმა დედამთილმა დამარიგა: მაღალ ქუდიანი კაცი რომ ნახო, კრუხი დასვიო და ქოჩორა წიწილებს გამოსჩეკავსო; ეხლა მე კრუხი დავსვი და იმიტომ დაგაყენეთო. იმ კაცმა ჰკითხა: სად არის შენი დედამთილი? — საიქიოს არისო. — საიქიოს ის აძაღლდეს და სააქაოს შენაო!.. ბერებმა უყურეს და გაიცინეს. ჰკითხეს: ყოველთვის ვგრე სიმართლით გიგინებიაო? — ესრე მიგინებიაო. — მაშ შენ ცხონებული ყოფილხარო. ადგნენ და წავიდნენ.

---